

Likyi-á nìvùnì tir nê wārki Yesu tyí soko

Likyi-á nê yo ò sèbéy tyí yõ

¹ N dí Tewofil, tyi nónó-á pi á wró, névye náhnáh tyah me séle n wārki.

² Pè sè wārki, sõ-á tàrfyòno yo séle á tyí, pépi nónó-á sò we séle sé tyah gbí dùkùle, té sò me Liyel wey yópùle.

³ Képah ye, ñmò tò me tyi nópi níy tẽ palle, nónó-á pi, à tokò ké tyah gbí tyí. Té me ké tyi ne, ñmò tò sè wārki ñ kò sé wèkì yõ, sáh pi syi wẽ tyí sõ, ní dí Tewofil.

⁴ Képah soko, á kɪ pĩ ne, wáh kwónó nê we, gbɪ-á kéle.

Yinyõ tẽntò yó pò Wèlnwìkì-ò Nsyõ dúbínó tyí yo sah

⁵ Yerodɪ-á sò me yõtẽne Yude kwil yõ soko gbí nêne, sárká wìkìpu yõtẽ yó sò me, pè n ye Nsakarɪle. Sárká wìkìpu yõtãm nónó-á sò Abya fìnkìle, pépi soko ney yó ye sò ñne. N kyi Yelisabeti tɔle sò, sárká wìkìpu yõtẽ ñgbẽ Arõ náh ney ye ñne.

⁶ Pé ními sò me négbólóle Liyel yah. Pè sò me Liyel tyi kònsàhnó pólle n pi, té me ñ tyíyónè pól tẽ yíí.

7 Nte, pé ní mí sò dye te, Yelisabeti náh sò fě pi we n pi, képah ye pi náh sò me pé tyí.

8 Só yóle, Nsakaripi tĩnkĩ tò pi gbí-á pɔ nɔ, à sò me tòle n pi Liyel yah péle.

9 Pãh dar té sáhntɔkɔnɔle n pi sɔ, kè sò pɔ yĩne òmɔle. A sò yĩne à de Liyel wòkò ògbě sòkɔ, à sèkukuri pãn pèpey suke Tě ògbě Liyel yah sòkɔ.

10 Légbíne, tówú pól sò me Liyelle n ni kégbó sòkɔ, wãh wòkòle n yɔ gbí nêne.

11 Wãh me képah sòkɔ, yĩnyò těntò yó wil ò yah, té me yĩn tě wòkò yɔ yɔ kwãh gbòyò sòle.

12 Nsakarí-á à we gbí nêne, tíkí à tě, ò lékám fěki.

13 Nte, yĩnyò těntò mè yo ò tyí: «Nsakarí, káh tíkí pi, á Liyel níno ye tě. Á kyí Yelisabeti kí dínpir dubi á tyí, té á kí ò yĩn sah Nsyõne.

14 N dúbínó kí pi òvìvì ògběne áwɔ ànê névye náhnáh tyí,

15 ò né-ògbě pónpɔno yĩnne Tě ògbě Liyel yah. A náh òvè wɔ n pi, à náh tɔ kónó yó òtè wɔ n pi, té kí me yúkúnóle Liyel Mírki tãhkìle ò dúbì-òkě gbí òkùle.

16 A kí pɔ Yisrayel névye náhnáh kɔ, pè kí pé syi pɔ pé Tě ògbě Liyel tyí.

17 A kí n kɔ Liyel yah Yeli pi òkù ànê ò tãhkìle ò sòkɔ. A kí pɔ súbì ànê pé wènpì wró tɔ sah, té kí òhòhò-òkèpú vi mɔ pi òhòhòpule. A kí névye tɔ sah vi mɔ Tě ògbě kɔ.»

18 Wăh yo sě, Nsakarɪ yo n̄ tyí nɛ, péwɔ ànê pé kyɪɛ, pé nímí-á dye tɛ. Kăh pɪ sě, sɔ se pé kɪ fě pĩ nɛ, gbɪ-á à yo nɪ?

19 Képah sɔkɔ, yĩnyõ těntõ yo n̄ tyí: «Kabrelɪ ye n̄mɔɛ, nê-á n̄ yĩn Liyel yah, à n̄ tõɛ n̄ pɪ. A n̄ tɛkɪ mɔ nɛ, mé pɔ n̄v̄n̄ wɛy m̄ yo á tyí.

20 Ntɛ yah, á náh sě n̄ wɛɔ yõ. T́ɛ, s̄ kɪ mó t̄ pɔ n̄ pɪ n̄ tũ n̄ pi sé gbí sɔkɔ. Képah ye, á vyăh kɪ gbɪ t̄, á náh t̄ fě n̄ wɛkɪ n̄ pĩ f̄óó, kɪ pɔ nɔ tyi nópi p̄ntũ s̄ tyí.»

21 Légb̄ɪnɛ, tówũ s̄ mɛ Nsakarɪɛ n̄ syɪkɪ. T́ɛ n̄ kăhnmonɔɛ Liyel wòkò ñgb̄ɛ sɔkɔ, képah s̄ mɛ pé gb̄n̄ du.

22 Ntɛ, Nsakarɪ-á pópó n̄ wil, à náh mɛ fě n̄ yo n̄ mɔ pé tyí. Kăh pɪ sě, nɔ pĩ nɛ, gb̄ɪɪ tir yó-á wil n̄ yah Liyel wòkò ñgb̄ɛ sɔkɔ. A s̄ mɛ n̄ gb̄n̄ óɛ n̄ pɪ n̄ mɔ pé tyí, t́ɛ mɛ wɛkɪ kwɔ.

23 Képah náh, n̄ t̄ p̄n̄ó s̄p̄ɪn-á pɔ tũ Liyel tyí, à n̄ syɪ yuku n̄ gb̄.

24 Kéne s̄p̄ɪn̄ s̄ókóntɛnɔ náh, n̄ kyɪ Yelisabetɪ kúrķɪ tɔkɔ, t́ɛ k̄ w̄ɔbɪ n̄w̄ɔl̄ó kw̄l̄ó. A s̄ mɛ n̄ s̄ nɛ:

25 «Yah, p̄ɛp̄ɔɪ nê-á T̄ ñgb̄ɛ Liyel pɪ n̄ tyí yò. A ye n̄tyĩnɔ yah dah mɔ n̄ tyí sɔkɔ n̄kúnúkú, à n̄ sen t̄kɔ to n̄ yõ névye yah.»

Yesu dúb̄ɪn̄ó tyí yónsàhn̄óɛ Mari tyí

26 Képah náh, n̄w̄ɔl̄ó kénúkò s̄ókóntɛnɔ náh, Liyel t̄ n̄ yĩnyõ těntõ Kabrelɪ t̄ kwil yó sɔkɔ, nê-á p̄ n̄ ye Nasaretɪɛ, Kalile s̄étáh yõ.

27 A à tǒ yěndyíkì yó tyí, nê-á sǒ me gb́nóle Davidi náh ney Yosefu tyí. Yěndyíkì mè yǐn ye sǒ Marile.

28 Wǎh kyí, à de yuku Mari tnô, té yo ò tyí: «Mé wɛkɪ á tyí Mari. Tě ògbě Liyel me pèpòrɪ yó tǒ sah pɪ á tyí, à me ále.»

29 Mari-á kéne wɛlɔ noh sě, ò gbàn du. A sǒ me n sǒ ò fɔkɔ ne, yǒ nê yǒ se à pɔ wɛkɪ mɔ pé tyí sě nɪ?

30 Képah sɔkɔ, yǐnyǒ tǔntǔ yo ò tyí: «Mari, pèpòrɪ ye Liyel n pɪ á tyí ò ògbèkì sɔkɔ. Káh n ye kè pɪ tíkí tirlɛ á tyí.

31 Yah, á kɪ kúrki tɔkɔ, kɪ dǐnpir yó dubi, té kɪ ò yǐn sah Yesule.

32 A kɪ pɪ né-ògběne Liyel yah. A kɪ n ye yǒtah Liyel pile. Té Tě ògbě Liyel kɪ à kǒ, à kɪ tǔ kwil yǒ ò náh ney Davidi sǒ.

33 A kɪ n wũ n pɪ Yisrayel kwil pól yǒ gb́imegbí. N yǒtǔrí náh tye yah n pɪ pólle.»

34 Wǎh yo sě, Mari à piki yah ne, òte, pé náh se dǐ tyí pǐ. Sǒ se kè kɪ pɪ, té pé kɪ kúrki tɔkɔ nɪ?

35 Yǐnyǒ tǔntǔ me tǒ yo ò tyí: «Liyel Mírki kɪ tiki á yǒ, té yǒtah Liyel tǎhkì kɪ fɔkɔ tũ á yǒ fob sǒ mɔ. Képah ye, pɪ nê-á á kɪ n dubi n pɪ, à kɪ me pèkè kéne ò sɔkɔ, té kɪ n ye Liyel pile.

36 Yah, á wòkò ney Yelisabeti, nê tyí-á no yo tũ ne, píkán sê-á òne, à me kúrki tɔkɔ ò dyèntenò náh, ké nǔwǒlò kénúkò-ò ye yò. A kɪ n dubi n pɪ dǐnpirlɛ.

37 Á náh we di, Liyel tǔ we tyi pól tyí.»

³⁸ Wăh yo tɛ, Mari tǔ ñ syi yo ñ tyí: «Ñmɔ me Tě ñgbě Liyel tyí yǔ. Wáh yo sǔ, Liyel kè pi sě ní tyí.» Képah náh, yínyǔ tǔntǔ ñ syi sɔkɔ.

Mari kyínyahnɔle Yelisabeti tyí

³⁹ Kéne sèpǎn sɔkɔ, Mari yuku sɔkɔ súú ymɔ yǔ, Yude kwil yó sɔkɔ.

⁴⁰ A kyi de Nsakarɔ gbô, té wɛkɔ mɔ Yelisabeti tyí.

⁴¹ Yelisabeti-á Mari wékínmɔnɔ noh, piri núkú kah werke ñ fɔkɔ sɔkɔ. Képah sɔkɔ, Yelisabeti me yuku Liyel Mírki tǎhkùle,

⁴² té yo ñ tyí yǐnpǔ ñgběne ne: «Sǎm me mónóle á sɔkɔ, à kal syó pólle. Anê sǎm me mónóle á fɔkɔ tǎh piri to sɔkɔ.

⁴³ Nédúkú nê me ñmɔ tǔ tɔle, té ní Tě ñgbě yú kɔ pi n yah ní tyí?

⁴⁴ Á náh we di, máh fyò á wékínmɔnɔ noh nyǎh, ñvìñì tǔ tyí, piri núkú kah werke ní fɔkɔ sɔkɔ.

⁴⁵ Nìvìñì me á tyí, áwɔ nê-á sě ké yǔ ne, Tě ñgbě Liyel-á nê yo, kǎh kɔ pi tǔ.»

Liyel yǐn gbilkínóle Mari tyí yìgbìñì sɔkɔ

⁴⁶ Képah sɔkɔ, Mari ne:

«Ñmɔ me ní nɔ dal mɔ Tě ñgbě Liyelle n gbilki,

⁴⁷⁻⁴⁸ N Pwáhnmɔ-ò Liyel fě syi yah dah mɔ ní tyí sɔkɔ.

Képah ye, ní nɔ me vínóle ñ yǐnne.

Ñmɔ nê-á me ñ tyí yǔ, me ní gblǔyne n tiki n mɔ ñ yah sɔkɔ.

Gbı yõ, à toko nùkúnúkú tyí, kno kno pól kɩ po
n yo n pi ne,
máh yèvinu wε.

49 Tyi pól tyí tɛnwε-ò Liyel ye tyí-̀ngbnɔ pɩ ńmo
tyí,

̀n yĩn ye Kètòkě Liyelle.

50 N nìgbèkì kɩ me tɔnmɔnyukunɔle kno kno
pól yõ tyé-̀nkɛ̃ne, nónó-á ̀n yah tíkile n pɩ.

51 A ̀n gbò tǎhkìle tǔ pɩ:

Gblɔy gbílkinó sɔnɔ-á me nónó sɔko,
à pè karkɩ.

52 A yõtám tiki mɔ pé tǔrí klõ yõ,
té gblɔy tìkinmɔpu dɔko mɔ.

53 A yõ yõ yìle kwéndébé kǔ yíí,
té tahbɩ fin mɔ pé sɔko pé gbàn kúkóle.

54 A Yisrayel névyé yohnu mɔ,
pépi nónó-á me ̀n tyí yõ.

N dyɔ náh fwɔ ̀n nìgbèkì pínóle,

55 à yuku Abrahmu ànê ̀n náh tǎn tĩnne
tyé-̀nkɛ̃ne, wǎh sǔ ̀n vyǎh kǔ sǔ á súbí
̀ngbò tǎn tyí.»

56 Képah sɔko, Mari tɛ Yelisabetule, à ńwǔlóló
tǔnó kénkǔ pɩ. Képah náh, à ̀n syɩ sɔko ̀n tĩnne.

Wèlnwìkì-ò Nsyõ dúbínóle

57 Képah sɔko, Yelisabetu dubi gbí-á pɔ nɔ, à
dubi dínpirle.

58 N tnô tɛpu, ànê ̀n wòkò tǎn-á noh ne, Tɛ
̀ngbɛ̃ Liyel-á pèpɔrɩ ̀ngbɛ̃ pɩ ̀n tyí, pè à tahlɩ pè
ké nìvìnì pɩ.

59 N dúbínó sèpìn kwärtǒ-ò sóle, pè pɔ piri kò-ńsah, té me n yah n kǒ n sù yīn dyí-ńsahle n tyí, nê-á Nsakarule.

60 Nte, n yú me yo pé tyí ne: «ǪǪ, à kɪ n ye Nsyǒne.»

61 Pè me yo n tyí ne, ñgbǒ n wòkò ney yó íté yīn náh me sǐ dé.

62 Té me kwásí pɪ piri sù tyí ne, yīn nê se à kɪ sah à kǒ nɪ?

63 Képah sɔkɔ, à pè kǒ, pè sésár sénó yó tɔkɔ pɔ à kǒ, à wǎrkɪ mɔ ké yǒ ne: «Nsyǒ ye n yīnne.» Képah pé pól gbǎn du.

64 Nénpó swɔ, Nsakarɪ nénpórí de mɔ, n vyǎh gbínó tye, à tyah n wekɪ, à Liyel yīnne n gbilki.

65 Kǎh pɪ sǐ, tíkí de pé tnô tǐpu pól sɔkɔ, té no sò me tyi nópi pólle n yǎh n kǒ Yude ymɔ yǒ kwlo pól sɔkɔ.

66 Té Tǐ ñgbǐ Liyel sò me ñne. Képah ye, nónó pól-à sò tyi nópi noh, pǐ sè tǐ n sah pé nno sɔkɔ, n té ne me wǎne n piki n yah ne nkǐ, piri mè se kɪ pɔ n pɪ n pi nédúkú nêne nɪ?

Liyel yīn gbilkínóle Nsakarɪ tyí yìgbìnì sɔkɔ

67 Képah sɔkɔ, piri sù Nsakarɪ Liyel Mírki tǎhkì we, té me Liyel tǐntǒ welole n syi n yo ne:

68 «Tǐ ñgbǐ nê-á Yisrayel Liyelle, n yīn ne n gbilki, ñmɔ nê-á pɔ n no yohnɪ mɔ, à pè wilki yǒrɪ sɔkɔ,

69 té me Pwáhnɔ-ò tǎh wilki mɔ á kǒ, à wil n tǒnɪ dí Davidi náh tǎn sɔkɔ.

70 Képah ye lésõ à n tẽntõ syínyopu kõ, pè yo
sah di mónóle ne,

71 páh kɪ á syi pwah mɔ á pẽltãn tyí,
té kɪ á wilki á dyɔ yópú gbõ.

72 A á súbí ñgbò tãn nɪ gbe yíí.

N dyɔ náh fwɔ ñ yégbékè kwrónmɔnsàhnó tyíle
péle.

73 A sò ñ wo á ñgbò sú Abrahmɪ tyí ne,

74 páh kɪ á tẽ syi á pẽltãn gbõ,
á kõ á fẽ tõle n pɪ pé tyí tíkí kẽne,

75 á mó pɪ négbólóle yályál pé yah,
á min pól sɔkɔ.

76 Té áwɔ tẽ wɔle, ñmɔ pi, á kɪ pɔ n kɔ Tẽ ñgbẽ
yah sɔkɔ,

kɪ ñ wǎl tõ n sah n pi.

Képah ye, pè kɪ ále n ye <Yõtah Liyel tẽntõ
syínyo-òle>.

77 Té kɪ ñ no kõ pè kɪ pwáhnmɔnɔ dùkù pĩ,
pé tyípêl yõnmɔnɔ gbõ yõ.

78 Ápi Liyel ñgbèkì, ànê ñ tõnsàhnɪnɔ gbõ yõ,
à kɪ kyòò mɔ á yõ kɪ wil yínyõ gbí sõ gbo,

79 kɪ pɔ kyòòle névyè kõ, nónó-á me kũ fẽntũ
tíkí sɔkɔ,

té kɪ á yey vi mɔ yèvnɪ wẽkì yõ.»

80 Té Nsyõ tẽ wɔ sò me n kyāh, ànê ñ lékám
me n yɪkɪ n mɔ n yuku. A sò me tẽ gbẽnnɪ sɔkɔ
pópó, à pɔ syɪ ñ gblõy wẽkínó gbìyìkì tyí
Yisrayel névyè yah.

2

Yesu tɛnwɛɔ n wil n̄yāh?

¹ Kéne tyi pi gbíne, Wromɛɔ yòtɛ Wokusti kwní kɔ̄ nɛ, pè pé tɔ́rí mé-ńt̄án névye pól yāh pé dan p̄ĩ.

² Kéne névye yáhnó gben pɔ̄ Krinisi wɛ Siri kwlo pól yah yétɛnɛ.

³ Képah tɛnɛ, no pól sò me pé ynine n wārki n pɔ̄ pé súbí kwlo sɔkɔ.

⁴ Té Yosefule, yòtɛ dí Davidi nāh ney ye sò ñnɛ. Kāh pi s̄ɛ, ñ tɔ mó wil Nasaretɪ kwil, Kalile sétāh yō, à yuku Yude kwil yó sɔkɔ, pè n ye Betlemɪnɛ, yòtɛ dí Davidi dúbí-ńsah.

⁵ Té Yosefu kyɪ Mari sò me kúrkile, pāh n yuku pé yni wārki-ńsah gbí n̄nɛ.

⁶ Pāh kyɪ yīni tɛ, pè sò me s̄ɛ n̄n̄pó, té Mari dubi s̄ó nɔ.

⁷ Képah sɔkɔ, pè tɛ-ńsah yah kwlo n̄pān twáh-ńsah, té kyɪ tɛ yíp̄ɛy s̄ɛ-ńsah. A ñ p̄igben dubi d̄ĩnpirlɛ, té à plo fwɔ gbróle, à sneki mɔ yíp̄ɛy yō yō dú yó sɔkɔ.

Ȳinyō t̄ɛntōnè w̄ilnm̄ɔɔlɛ képyénf̄ɛbi yō

⁸ Légbíne, Betlemɪ kwil gbòpɔ yóle, képyénf̄ɛbi ȳisyó sò me n s̄ó gbān sɔkɔ, à pé képyén̄ine n syki.

⁹ Pè me t̄ɛnóle, té ȳinyō t̄ɛntò yó pɔ̄ wil mɔ pé yō. N̄n̄pó swɔ, Liyel tɔ́rí núkú tyah pól piki p̄err pé yō. Tíkí me pè kah tɛ.

10 *Y̆inyõ tẽntõ me yo pé tyí: «Yé káh tíkí pı!*
Kwil pól nìvì tir pèpɛy yó ye mé pɔ yó-ńsah yé
tyí.

11 Piri yó me dubi yé tyí kwey lékâhne Davidi
kwil sɔkɔ. Nmɔ ye TÊ NGBËNE pè n ye Kristale,
Liyel-á ne, páh kɪ nê tekɪ mɔ. Nmɔ ye t̃õ yé
pwáhnmɔ-òle.

12 Té yáh ne pı s̃õ, té à yah n p̃i n pi, kè we yò:
Yáh kɪ kyɪ p̃iyíri nê we plónóle flɔle, té me
snékínmɔnɔle yípɛy yõ yõ dú sɔkɔ, ñmɔ ye.»

13 Nénpó swɔ, *y̆inyõ tẽntõnè yísyó wil*
kwĩnkile *y̆inyõ*, à pɔ gben tẽ nɔ, pè tyah Liyel
y̆inne n gbilki yìgbìnì sɔkɔ, me yo tú ne ńkẽ:

14 «Liyel *y̆in* pı gblò *y̆inyõ*.

Nmɔ ye ñ yèvinune ñ nìvì névye k̃õ sétáh yõ.»

Képyénfɛbi kyínyahnɔle Yesu p̃iyíri tyí

15 Képah náh, *y̆inyõ tẽntõnè-á* pé syɪ sɔkɔ
y̆inyõ, *képyénfɛbi* nópi mó n yo wẽ tyí ne, pé no,
pè yâwɔ pé kyɪ yah Betlemɪ. Tir nê-á pı nénpó,
té Liyel ñ tẽntõ t̃õ pé tyí, páh *y̆ine* pé kè we.

16 Páh wekɪ wẽ k̃õ s̃ẽ, pè pé kyáh yuku
Betlemɪ. Pè *p̃iyíri* mè soh kyɪ we snékínmɔnɔle
yípɛy yõ yõ dú sɔkɔ, Mari ànê Yosefulɛ ñ gbɔpɔ.

17 Páh à we s̃ẽ, *y̆inyõ tẽntõ-á* tyi nóno pól yo
pé tyí ñ tyí sɔkɔ, pè sè yáh pè syah.

18 Nóno pól-á *képyénfɛbi* welɔ nópi noh, kè pé
gbã du.

19 Mari tẽ mó tyi nópi pól syi sah ñ fɔkɔle n s̃õ.

20 Képah náh, képyénfěbı pé syı. Yĩnyõ těntò-á sò yo sò pé tyí, kè mó ntyíno pi sě. Képah ye, pǎh tyi nónó pól noh té tyi nónó pól we, sépi pè kǒ pè Liyel yinne n gbilki, n pal tyíle n yǎh n yuku wěkì yah.

21 Képah náh, piri dúbínó sèpìn kwärtõ-ò sóle, n kǒ gbí no. Pè me n yin sah Yesule, sǒ-á sò yĩnyõ těntò yo sah kéle n kúrkì tókó-nké gbíne.

Yesu dáhbínóle Liyel gbò

22 Képah sokɔ, sédám pèkì kúnó nê-á yĩne kè pi Moyisi tyi kònsàhnó-á kè yo sò, ké sèpìn-á tũ, Yosefu ànê Mari Yesu tẽ yuku Yerusalemı, à kyı ñne Liyel gbò dahbı.

23 Kè ye me wárkínsàhnóle Tě ñgbě Liyel tyi kònsàhnó sokɔ ne nkě, pye gbroy dínpi pól-á yĩne pè Tě ñgbě Liyel gbò dahbı.

24 Anê tõ ñkànpìnnó nínóle, pèkì ànê yũkile Liyel kǒ sárkále, képah náh pi, kèpíkípíkino nínóle, sǒ-á kéle wárkínsàhnóle Tě ñgbě Liyel tyi kònsàhnó sokɔ.

25 Té légbíne, dí yó sò me Yerusalemı sokɔ, pè n ye Simeyõle. A sò me négbíle Liyel yah, té me n sah n yóré yõ. A sò me Yisrayel pwáhnmo-ò pónóle n syki, té Liyel Mírkí sò me n sokɔ,

26 té kéle à wěkı ne, à náh n ku n pi, né à náh Krista we yĩne, nê-á Tě ñgbě Liyel kı tekı mo n pi.

27 Képah sɔkɔ, Liyel Mírki ñ yah tẽ yuku Liyel wòkò ñgbě kéntáhkì sɔkɔ. Té Yesu dúbípú sò me à tẽ pɔ tyi kònsàhnó píntũ yĩnne ñ tyí, kǎh yo sah sò.

28 Képah tẽne, Simeyõ me piri mèt tẽ ñ gbò, té Liyel yĩnne n gbilki, me yo tũ ne:

29-31 «Ñ Tẽ ñgbě Liyel, mé pwáhnmo-ò we ní yĩne,

wáh nê kò kèkõyó névye pól yí yah.

Képah ye, á kɪ fẽ á tɔ̀npɪ min syi núkúnúkú à kò à ne n yuku yèvnɪ sɔkɔ, sɔ-á á wey kè yo.

32 Pwáhnmo-ò kɪ pɪ kyòole kwlo kwlo névye tyí, kɪ á dùkùle pè wẽkɪ,

té kɪ pɪ yõ yõnóle áwɔ no Yisrayel tǎn tyí.»

33 Kǎh pɪ sɛ, tyi nónó-á à yo Yesu tyí sɔkɔ, sè pɪ gběndùnĩne ñ sú ànê ñ yú tyí.

34 Képah sɔkɔ, Simeyõ me sãm mo pé sɔkɔ, té yo ñ yú Mari tyí ne: «Yah, piri mèt me Yisrayel névye náhnáh syíkínmɔnɔ ànê pé náhnáh yílkínsàhnó yĩnne, ànê yékâb dénó yòle.

35 Kǎh pɪ sɛ, névye náhnáh fókósɔnɔ kɪ wilki mo kwèyy. Té áwɔ tẽ wɔle, á kɪ yèvyãhrɪ pɪ, á kɪ ne pè sò me á nɪle n suke nyàhle.»

Liyel tẽntò syĩnyo-ò pi An-á nê yo Yesu tyí sɔkɔ

36 Té Liyel tẽntò syĩnyo-ò pi yó sò me, pè n ye Anne. Fanuwel písê ye sò, nê-á Aserɪ yíkì neyne. Ñ yah sò wah náhnáh. Ñ sépíl gbĩne, wǎh de pe tyí, ñ pe yah kwlo ké ye kwǎrní-ò sɔkɔ.

³⁷ A me tẽ pékúsèle, à pɔ no ye tíkiyéh pɔ nýáh tyí. A náh sò me n gbɛ n mɔ Liyel wòkò ñgbẽne, té me Liyel yinne n gbilki gbímegbí, ké lékâh ké gbintõ, níki tẽnó ànê níri sɔkɔ.

³⁸ Nmɔ tɔ me de kyɪ yĩne Yesu ànê ñ dúbípúle Liyel wòkò ñgbẽ kéntáhkì sɔkɔ. A tyah Liyel yinne n gbilki. Té nónó-á sò me Yerusalemɪ pwáhnmonɔ syɪki tẽ, à me piri tyíle n yãh pé pól tyí.

³⁹ Yesu dúbípú-á Liyel tyi sàhnó pɪ tũ te, képah náh, pé pé syɪ sɔkɔ Kalile sétáh yõ, pé kwil Nasaretɪ sɔkɔ.

⁴⁰ Té piri wɔ mó me n kyãh, me táhkìle n we. Lékám ñgbẽ sò me ñ sɔkɔ, té Liyel me ñ nule n gbɛ.

Yesu wúnóle Liyel wòkò ñgbẽ, ñ ye gbãmní-ò sɔkɔ

⁴¹ Ye ye pólle, Yesu dúbípú ñkẽne ne n kyɪ n pɔ Yerusalemɪ, Pakɪ syáh sɔkɔ.

⁴² Té Yesu-á pɔ no ye gbõninóle gbí nêne, ñ dúbípú dɔkɔ yuku ñne Yerusalemɪ, Nsyifunɔ-á sò kéle n pɪ sõ.

⁴³ Syáh-á pɔ tyɛ só nêne, pé pé syɪ sɔkɔ, té pé pídí Yesu me wũ Yerusalemɪ, ñ dúbípú pí-ñkẽ sɔkɔ.

⁴⁴ Pè sò me n sõ ne, wãh me ànê pé no wẽkɔbu yísyóle. Kãh pɪ sě, pé gbìyìkì núkú kóló kɔ, té pyé tyah ñne n yah n kõ pé wòkò tãn ànê pé népínó wró.

⁴⁵ Nte, pé náh à we. Pãh à yah kwlo sě, pé pé syɪ à yah kõ yuku Yerusalemɪ sɔkɔ.

46 Ké sèpìn tǝ-ò sóle, pè pyě kyɪ à wɛ Liyel wòkò ñgbě kéntáhkì sòkò. A me kǝntěnlé Liyel ñgbò wěkì kwópú wró, me n nohnɪ pé tyí, té me péle n piki n yah tyile.

47 Nónó pól-á sò me n nohnɪ ñ tyí, ñ lékám ànê ñ tyi yah yónó òkù pé gbàn du.

48 N dúbípú-á à wɛ sě, kè pépi tɔ gbàn kah du. N yú me yo ñ tyí ne, pé pídí, sǝ se pi, té à pi sě pé tyí nɪ? A yah, péwɔ ànê ñ sú yáh-ńsah-á tyɛ kègbɪle ñ yáhnkǝnɔ sòkò.

49 Nte, à me yo pé tyí: «Sǝ pi, té yé ńne n yah n kǝ? Yé náh pǐ ne, máh yĩne mé ne n me ń sú tyah sòkò di?»

50 Nte, pè náh me ñ wey mè tyí yah wɛ.

51 Képah náh, à me yuku péle Nasaretɪ kwil sòkò, té me ñ gblǝyne n tiki n mɔ pé tyí. N yú wɔ mó tyi nópi pól syi sah ñ fòkò.

52 Té Yesu sò me n kyāh ñ gběnsê ànê ñ lékám me n yiki n mɔ n yuku. Té wǎn tɔ me mɔ ñ ñìgbèkì yǝ Liyel ànê névye tyí.

3

Wèlnwìkì-ò Nsyǝ Liyel wey yónsàhnólé

¹ Tiberɪ-á sò me Wromenɔ yǝtěne gbí nêne, ñ yǝtǝrí ye gbǝnkwló-ò pɔ Pǝse Pilatɪ wɛ Yude kwil yah yétěne. Té Yerɔdɪ wɔ mó me Kalile kwil yǝtěne. N gbě dí Filipi me Yitiri ànê Trakoniti yǝ. Té Lisanyasɪ wɔ me Abilenɪ yǝ.

² Té An ànê Kayifi ye sò sárká wĩkĩpu yòtãm ñgbnɔɛ. Légbíne, Nsakarɪ pídí Nsyõ Liyel yónmɔnɔ noh gběnnɪ sɔkɔ.

³ Kǎh pɪ sě, à kyɪ Yurdě yɔ gbòplo tǎntàn pól kɔ kǔ, me n yo pé tyí ne, pè Liyel wěkì tě, pè mó wèlnwĩkínó we. Képah sɔkɔ, pé tyípêl-á kɪ yǔ mɔ pè kǔ.

⁴ Kǎh pɪ sǔ, sě ye ntyínɔ sò Liyel těntò syínyo-ò Yesayi wǎrkɪ sah kéle ne nkě:

«Ñnî yó yǐnpǔ ye n dɔkɔ gběnnɪ sɔkɔ ne nkě:
 <Yé Tě ñgbě wěkì tǔ sah.

Yé ñ sókó-ńtǎn pɪ tómtóm.

⁵ Ymɔ wrónɔ pól kɪ yĩ.

Kènpni ànê ymɔ pól kɪ tirki pɪ támm.

Syõ-ńtǎn kněni kɪ pɪ tómtóm,

té wětúkúnì kɪ tɔrɪ.

⁶ Képah sɔkɔ, no pól kɪ Liyel ney pwáhnmɔnɔ we yíne.»

⁷ Nékwínkí nónó-á sò n pɔ n pɔ Nsyõ tyí à kǔ à péle n wel n wilki, à sò me n yo pé tyí ne, wáhnmíró dùkù nópì! Nê se kwo péle ne, pǎh kɪ fě to pwah Liyel fòkòvyǎhnì yah, nê-á n pi nɪ?

⁸ Nkě, pè tyípeplɔɛ n pɪ nónó-á n wěkì n pi ne, pǎh Liyel wěkì tě. Té, pè káh pé gbò sah Abrahmɪ yǔ nê-á pé súɛ. Páh kéle n yo pé tyí, Liyel-á kɪ fě dyéh nópì vi mɔ pɪ Abrahmɪ pyeɛ.

⁹ Té man ńtě-á me yáhnshntenɔɛ sésân fě yinne sé sémìn sɔkɔ. Séswô nê-á n syí-ńkěne pye pèplɔɛ, kǎh kɪ ko dah mɔ nyàh sɔkɔ.

10 Képah tẽ soko, tówû Nsyõne n piki n yah ne nkẽ, sõ se pé yĩne pé pi ni?

11 A mó yo pé tyí ne, fwòmolo nínó-à me nê tyí, tẽ núkúle fwòmò-nkân ney kõ. Té yõke-à me nê tyí, tẽ yĩ kwéndé kõ.

12 Mórí syípú yísyó to po Nsyõ tyí ne, à pé wel wilki, té à piki yah ne, pé kwó-ò dí, nkẽ sõ se pépi yĩne pé pi ni?

13 A mó yo pé tyí ne, pãh yĩn nê yo pé tyí, pè káh ne n dohni n syi ké yõ.

14 Képah soko, sràsyíbí to po à piki yah ne nkẽ, té pépi-á dò, sõ se pé ki pi ni? A me yo pé tyí ne, pè káh ney wore ò gbõ kwâh tẽ syi tãhkì soko. Pè káh mó tã ney gbõ kwâh syi yĩnvĩ soko. Nkẽ, pè ye pé tã pínó wénó pé yĩne n yuku.

15 Képah soko, no pól-á sõ me pwáhnmo-ò syíkínó soko sã, pè sõ me pé gblõyne n piki n yah ne, té Nsyõ káh ki nê Kristale dé?

16 Képah tẽne, à pé pól syah ne: «Ñmo tẽ wo ye yéle n wel n wilki ni soko. Té nê-á n pi, ñmo tẽnweno kal ñmo tyíle. Mé náh yĩne ò lékyêh mo nítẽ wàhnmonole. Tẽ wo ki po ye wel wilki Liyel Mírkí ànê nyàh soko.»

17 N sèmuco fwo fwo kwâh me ò gbõ. A ki ò táh tã sah, ò sèmuco fwo ki kwel mo ò dúkúrí soko, té sé yésyí wole, à ki sépi suke ní-nkẽ nyàh soko.»

18 Nsyõ sõ me n syõ sãnknò vñmo mo kwónó duke náhnáh soko, à nìvìnì wey sãnne n yo n kõ no tyí.

19 A wil képah sɔkɔ, à tɔ lékàhle yòtɛ dí Yerɔdu kɔ, n̄ yúnpi kyɪ Yerɔdyadu tɛnsyino, ànɛ n̄ tyítúkúni náhnáh pínó tyí sɔkɔ.

20 Tɛ Yerɔdu náh yín sépi tyí, à tɔ Nsyɔ tɛ dah mɔ wòkònpèkè sɔkɔ náhle.

Yesu wèlnwìlkinóle

21 Tɛ Nsyɔ-á sò me névyele n wel n wilki gbí nêne, wáh névyé pól wel wilki tɛ, Yesu tɔ pɔ à kɔ, à à wel wilki. Yesu-á wil ni sɔkɔ tɛ me níríle n pi, à me yínyò we kè yuku mɔ.

22 Tɛ Liyel Mírki pɔ tiki n̄ yò wil gběnsê sɔkɔ kèpíkípíkí kètòle. Képah tɛ sɔkɔ, yínpɔ yó n wil liyel sɔkɔ ne nkɛ: «Áwɔ ye n̄ n̄dè Pi núkúnine. Á tyí nɔ yín n̄ tyí kègbile.»

Yesu náh tãnnɛ

23 Yesu-á n̄ tò tyah gbí nêne, à sò me ye yògbãm kénkɔ sɔkɔ. Tɛ névyé tɛ wɔ sò me n sò ne, Yosefu pídí-á n̄ne, Yosefu nê-á sò Yeli pídíne.

24 Tɛ Yelile, Matata pídí ye. Matatale, Levi pídí ye. Levile, Melkɪ pídí ye. Melkɪle, Yanayi pídí ye. Yanayile, Yosefu pídí ye.

25 Yosefulɛ, Matatyasɪ pídí ye. Matatyasɪle, Amɔsɪ pídí ye. Amɔsɪle, Nawumi pídí ye. Nawumine, Yesli pídí ye. Yeslile, Nakayi pídí ye.

26 Nakayile, Matɪ pídí ye. Matɪle, Matatyasɪ pídí ye. Matatyasɪle, Semeyin pídí ye. Semeyinne, Yosesyɪ pídí ye. Yosesyɪle, Yoda pídí ye.

27 Yodale, Nswana pídí ye. Nswanale, Yresa pídí ye. Yresale, Yorobabelı pídí ye. Yorobabelıle, Salatyelı pídí ye. Salatyelıle, Neri pídí ye.

28 Nerile, Melkı pídí ye. Melkıle, Adi pídí ye. Adile, Kosamı pídí ye. Kosamıne, Yelemadamı pídí ye. Yelemadamıne, Yeri pídí ye.

29 Yerıle, Yesu pídí ye. Yesule, Yeliyeseri pídí ye. Yeliyeserıle, Yorimi pídí ye. Yorimine, Matata pídí ye. Matatalı, Levi pídí ye.

30 Levile, Simeyõ pídí ye. Simeyõle, Yuda pídí ye. Yudale, Yosefu pídí ye. Yosefulı, Yonamı pídí ye. Yonamıne, Yelyakimi pídí ye.

31 Yelyakimine, Meleya pídí ye. Meleyale, Mena pídí ye. Menale, Matata pídí ye. Matatalı, Natãn pídí ye. Natãnne, Davidi pídí ye.

32 Davidile, Yese pídí ye. Yeselı, Wobedı pídí ye. Wobedıle, Bowası pídí ye. Bowasıle, Sala pídí ye. Salale, Nasonı pídí ye.

33 Nasonıne, Aminadab pídí ye. Aminadable, Adimini pídí ye. Adiminine, Arnı pídí ye. Arnıne, Yesromı pídí ye. Yesromıne, Faresı pídí ye. Faresıle, Yuda pídí ye.

34 Yudale Yakobı pídí ye. Yakobıle, Yisakı pídí ye. Yisakıle, Abrahmı pídí ye. Abrahmıne, Tara pídí ye. Tarale, Nakorı pídí ye.

35 Nakorıle, Seruki pídí ye. Serukile, Wrako

pídí ye. Wrakole, Falekí pídí ye. Falekúle, Yeberú pídí ye. Yeberúle, Sala pídí ye.

³⁶ Salale, Kayinamí pídí ye. Kayinamúne, Arfasadı pídí ye. Arfasadıle, Semí pídí ye. Semúne, Nowe pídí ye. Nowele, Lamekí pídí ye.

³⁷ Lamekúle, Matisala pídí ye. Matisalale, Yenokí pídí ye. Yenokúle, Yaredí pídí ye. Yaredúle, Maleleyel pídí ye. Maleleyelle, Kayinamí pídí ye.

³⁸ Kayinamúne, Yenosi pídí ye. Yenosúle, Setí pídí ye. Setúle, Adama pídí ye. Adama wole, Liyel pídí ye.

4

Yesu mónyahnole

¹ Yesu-á yuku Liyel Mírki táhkíle, à ò syí yal Yurdě yó tnô. Té Liyel Mírki à tẽ yuku gběnni soko.

² A sèpìn tikińíńi pí nénpó níkì ténó soko. Nénpó soko ye sétàn yòtẽ à mọ yah. Té sèpìn nópi-á pọ tũ, kwekí me à tẽ.

³ Kǎh pí sě, sétàn yòtẽ me yó ò tyí ne, òmọ-à kú ne Liyel Pile, à yó dáhkì mè tyí, kè vi n mọ n pí yòkele.

⁴ Yesu mó yó ò tyí ne: «Kè me wárkínsàhnóle Liyel wey soko ne nkě: <Névi náh ò min pí n pí yòke óle.>»*

* **4:4** 4.4 - Yah n te Yálnó sébéy 8.3 soko.

5 Képah náh, sétàn yòtě à tě doko léyy, à kyɪ à wěki kèkoyó tǒrí pólle séyy òsǒ,

6 té yo ò tyí ne, páh ki fě à kǒ n pi sépi pól yòtǒrí, ànê sé tahrɪɛ. Sépi pól-á péwɔ gbò dahbi. Képah-á, nê-à pé dyɔ, páh ki séle òmɔ kǒ.

7 Nkě, wàh ki fě syi ò gbètukunɔ di pé yah à pé gbilki, páh ki sé pólle à kǒ.

8 Képah sokɔ, à mó yo sétàn yòtě tyí ne: «Kè me wárkínsàhnóle Liyel wey sokɔ ne òkě: <Á ki á Tě ògbě Liyel ó núkúníne n gbilki, té ki n sah òmɔ ó tyí yǒ.»†

9 Képah náh, sétàn yòtě tǒ yuku òne Yerusalemɪ, à kyɪ à sah Liyel wòkò ògbě yòtah, té me yo ò tyí ne, òmɔ-à ki ne Liyel pile, à yɔko tiki sétáh.

10 Káh me wárkínsàhnóle Liyel wey sokɔ ne òkě, Liyel-á ki ò yínyò tǐntǐnè kǒ, sè ki òne n kyɔmɪ,

11 ànê tǒ, sáh ki à swah syi sé gbàn sokɔ. Dáhkì náh ò gbáhkì pi yo n pi.‡

12 Képah tě sokɔ, à me yo sétàn yòtě tyí ne: «Kè me yónóle Liyel wey sokɔ ne òkě: <Káh á Tě ògbě Liyelle n mɔ n yah!»§

13 Kéne mónyahno nópi pól sókóntenɔ náh, sétàn yòtě yal à gbɛ mɔ òne, té me à syɪki tě náh tǐnne.

† 4:8 4.8 - Yah n te Tǒnyono sébéy 6.13. ‡ 4:11 4.10-11 - Yah n te Gbálnó sébéy 91.11-12 sokɔ. § 4:12 4.12 - Yah n te Tǒnyono sébéy 6.16 sokɔ.

14 Képah náh, Yesu ò syi yuku Kalile sétáh yò Liyel Mírkí tǎhkùle ò sòkò. Té ò yǐn sò me wil nénpó kwlo pól sòkò.

15 A sò me kwónóle n pɪ pé Liyel ní-ńtǎn vɪ sòkò, té no pól me ònne n gbilki.

Nasareti tǎn Yesu yáhlenole

16 Sò yóle, Yesu pò Nasareti sòkò. Kéne kwil sòkò ye sò à kyǎh. Mɪ mɪ yòh sóle, à me de Liyel ní-ńsah wòkò sòkò, wǎh dar té kéle n pɪ sǒ, té me yuku ne, pé Liyel wey kar.

17 Képah sòkò, pè Liyel tǎntò syinyo-ò Yesayi sébéy tókò à kǒ, à syi yɪkɪ mɔ fí yó sòkò, ńyǎh-á kè me wǎrkínmɔnole ne ńkě:

18 «Tě ògbě Liyel ń yah wilki,

à ò Mírkí mɔ ń sòkò ne,

mé òvìvì wey sǎn yo yǎm tǎn tyí.

A ń tekɪ mɔ yǒbɪ yǒrɪ sòkò wílnó tyí yo yǐnne

pé tyí,

à ò yítūbi yí yíkínmɔnɔ tyí yo yǐnne,

à ò yèvyǎhrɪ tǎ yò yǐnne névyé yǒ, nónó-á me

fóhnó sòkò,

19 à ò òmɔ pèpɔrɪ pɔ yi tyí yo yǐnne.»*

20 Képah náh, Yesu sébéy yah vike, té kéle

Liyel wòkò kyòmì-ò kǒ, té kǒ tǎ. Té nónó-á sò

me Liyel ní-ńsah wòkò, pé pól sò me ònne n yah díkí díkí.

21 Képah tǎ sòkò, à tyah n yo pé tyí ne: «Liyel wey fí ònne tyi-á yé noh, sè pɪ tǔ kweyne yé tyí.»

* **4:19** 4.18-19 - Yah n te Yesayi sébéy 61.1-2 sòkò.

22 Kǎh pɪ sɛ̃, no pól sò me Yesu yíngbúle n yo. Té òn wɛlɔ̀ pèplɔ̀ wékínó sò me pé gbǎn du, pé me yo tũ ne, ònmo kó Yosefu pídíne ni?

23 Képah sɔkɔ̀, à me yo pé tyí ne, páh pĩ ne, páh kɪ sɛmĩrkĩ mɪ n pi, nê-á n yo ne ònkɛ̃, sɛ̀npitɛ̃, à òn gblɔ̀y de mɔ̀ kè! Pǎh kɪ tǔ n yo n pi pé tyí ne, páh tyi nónó pól pɪ Kapernayumi sɔkɔ̀, páh sè noh. Té pé tǔ sé òkù pɪ pé sú kwil sɔkɔ̀ kè.

24 A tǔ yo pé tyí ne: «Mé kéle n yo n dal n mɔ̀ yé tyí ne: pé náh Liyel tɛ̀ntò syínyo-ò yó òntɛ̀ne n tɛ̀ ple òn sú kwil sɔkɔ̀.

25 Kègbɪ tɛ̀ yǔ, mé kéle n yo yé tyí ne: Liyel tɛ̀ntò syínyo-ò Yeli me gbíne, pũ-á lésò to pópó, à pɔ̀ syi ye tǔnó ànê ònwǔlɔ̀ kénúkò tyí, té kwénpékè yó me de kwil pól sɔkɔ̀ gbí nêne, pékúsyɔ̀ náhnáh sò me Yisrayel sɔkɔ̀.

26 Nte, Liyel náh Yeli tekɪ mɔ̀ pépi sɔkɔ̀ ney yó òntɛ̀ tyí, té pékúsè yó tyí ye à tekɪ mɔ̀ òne, Sarepita kwil, Sidò sétáh yǔ.†

27 Anê Liyel tɛ̀ntò syínyo-ò Yelise me gbíne, tótǎm náhnáh to sò me Yisrayel sɔkɔ̀, té pé sɔkɔ̀ ney yó òntɛ̀ náh dénmɔ̀nɔ̀ wɛ, à wil Siri sétáh tótɛ̀ dí Nama tyí sɔkɔ̀.»‡

28 Képah sɔkɔ̀, nónó pól-á sò me Liyel ní-ńsah wòkò sɔkɔ̀, pé fɔkɔ̀ vyǎh wɛlɔ̀ nópi nòhnó tɛ̀ tyí.

† 4:26 4.26 - Pékúsè mène, Yisrayel ney náh sò òne. A sò n wil Sarepita kwil, Sidò sétáh yǔ. Yah n te Yòtǎm sébéy gben 17.9 sɔkɔ̀.

‡ 4:27 4.27 - Tótɛ̀ dí Nama, Yisrayel ney náh sò òne. A sò n wil Siri sétáh yǔ. Yah n te Yòtǎm sébéy ní-ò 5.14 sɔkɔ̀.

29 Pè me yuku Yesu tẽ yorɪ wil kwil sokɔ, à dɔkɔ yuku ñne yõli yõtah, pé kwil-á sò me mónóle nê yõ, té ne, pé à tu wilki mɔ.

30 Té à núkú wil pé wró, à sokɔ.

Yesu tẽnwenɔle sétãñ yõ

31 Képah náh, Yesu kyɪ Kapernayumi kwil sokɔ, Kalile sétáh yõ, té me névyele n kwɔ Nsyifunɔ mɪ mɪ yòh sóle.

32 N wey sò me yõtõrí weyne. Képah ye ñ névyele kwɔ dùkù kɔ, kè no pól gbàn du.

33 Té lésõle, kè pɔ yĩne, dí yó sò me Liyel ní-ńsah wòkò sokɔ, sétõle ñ sokɔ. Dõ, à de syi firr yĩnpõ ñgbẽne ne,

34 wéèè, Nasaretɪ Yesu, kwáh nê se à n yah n kɔ pé tyí nɪ? A se pɔ pépi tyí yíkí-ńsah nɪ? Páh ñne n pne, nédúkú nê-á ñne: Nmɔ-á Liyel tekɪ mɔ yályál.

35 Képah tẽ sokɔ, Yesu dírí kɔ sétõ mè yõ ne: «Á vyãh vike, ñ té n wil dí mè sokɔ.» Nénpó swɔ, sétõ núkú dí mè tokɔ min névyele niyó, té wil ñ sokɔ, à náh dlo yó rítẽne à nɔ.

36 Káh pi sɛ, kè pi gbẽndùni ñgbẽne no pól tyí, pé me tyah n yo wẽ tyí ne, wey dùkù nê se à n wẽki sɛ nɪ? A tẽ we sétãñne n kyɪ n mɔ tẽnwenɔ ànê yõtõrí sokɔ, sè n wil névyele sokɔ.

37 Sépinó-á pi sɛ, Yesu yíngbí tyah n yo nénpó sétáh pól yõ.

Névyele náhnáh dénmɔnɔle

³⁸ Wăh yal Liyel ní-rísah wòkò, à sòkò Simo gbô. Té Simo déy sê sò me n kwlo wílvýáhnìne kèpékèyô. Pè me kè yah kô Yesu tyí ne, à à de mò.

³⁹ Kèpah sòkò, Yesu me kò yin n yô, té díri kô wílvýáhnì yô, ké núkú pi fin mò. Nénpó swò, à núkú yuku tyah yôke tē-nsahle n yah pé tyí.

⁴⁰ Gbíyí déno sòkò, nónó pól-á sò me n yo yam duke dukele, pé nétám pò péle Yesu tyí. A mó n gbànnè n sah n yuku pé nénúkù núkú yô, à péle n de n mò.

⁴¹ Té sétàn tò sò me n wil névye náhnáh sòkò. Sè sò me n gbo n mò sé wil gbíne ne nké, Liyel pi-á ònne. Nte, sah pĩ ne, Liyel ney tékínmòno-á ònne, à me díri kô sé yô, té sé vyëy tũ wékínóle.

⁴² Tyah-á núkú dal, Yesu yuku sòkò gbènni tyah yó sòkò. Kăh pi sê, tówú yuku tyah ònne n soh n kô. Păh kyi à we gbí nêne, pè sò me ké tyí ne, pé à syi n sah, à káh tō yal pé tnô.

⁴³ Nte, à me yo pé tyí ne: «Mé yĩne mè nìvìnì wey sán yo n kô kwlo téló tò tyí Liyel tōrí tyí sòkò. N tékínmòno yô ye kèpahle.»

⁴⁴ Kèpah náh, à kyi tyah Liyel weyne n yo n kô Liyel ní-ńtân vî sòkò Yude kwlo sòkò.

5

Yesu yēnkyc tēpú ye pɔ pi n tō sáhpule

¹ Só yóle, Yesu-á sò me Yenesaretì yó-ngbē gbòpò, tówú pò à mò gbí sah pílpíl, Liyel wey noh yinne.

2 Yesu me krótónè nínì we yo tnô soko, té yěnkɔ tǝpú me wil sé soko, me pé yěnkɔ tǝ tǝ mnole n wu.

3 A me de krótónè nópi núkú soko, nê-á sò Simo tyíle. Té kè yah kǝ ò tyí ne, à yal kéle yo vyāh tyí, à de yuku yo soko kwéyy. Képah-á pi, à kǝ tǝ krótókè soko, à yǝ soko tówúle n kwǝ.

4 Wāh wɛkɪ tɛ gbí nêne, à yo Simo tyí ne, à de yuku yahle yo ò tǝ-nsah. Pè mó pé mno min dah mo yo soko, pè yěnkɔ tǝ.

5 Simo me à syah ne, pé yǝtǝ, pépi-á tǝ pi sǝ, té pé nāh kwāh yó ntǝ we tǝ. Nte, òmo yóré yǝ, páh kɪ mno min dah mo.

6 Képah soko, pè me pé mno min dah mo yo soko, té yěnkɔ we tǝ tnónóle fǝó, pé mno tyah n kǝli.

7 Pè me pi mo pé no tyí, nónó-á sǝ me krótókè ní-ò soko ne, pè po pé yohnɪ mo. Pè me po pè yohnɪ mo, pè yěnkɔ wilki mo krótónè nínì nópi yíine fǝó, sè n tyah tíkíndenole ni soko.

8 Simo Pyeri-á képah we sǝ, à ò gbètukuno di Yesu yah, té ne, pé Yǝtǝ, tyípékè pí-ò-á péle. Képah yinne, à gbe mo péwole.

9 Pāh yěnkɔ nópi we tǝ pípi sǝ, tiki me Simo ànê pé no pól kah tǝ,

10 à tahlɪ Sebede dǝnpǝ tyí, Nsyakɪ ànê Nsyǝne, pépi nónó-á sǝ Simo tǝ pi múnɛ. Képah tǝne, Yesu me yo Simo tyí: «Káh tiki pi! A tǝko núkúnúkú tyí, á kɪ pi névye yénpǝ-òle Liyel tyí.»

11 Képah náh, pè wil pɔ krótònè sah kènkwàh yõ ànê pé vyó pólle, té me Yesu sò tẽ.

Yesu tótẽ yó de mɔ

12 Só yóle, Yesu sò me kwil yó sɔkɔ, té dí yó to sò me nénpó, dú nýânne n wil pól sɔkɔ. Wăh Yesu we sě, à kɔ kwĩnki, n yah di sétáh Yesu yah, té à ni ne, pé Yõtě, wăh me ké tyí, wăh kɪ fě pé de mɔ.

13 Wăh yo sě, Yesu núkú n gbò nɔ, à tũ n tyí, té ne: «Mé me ké tyí, á kɪ de!» Nénpó swɔ, dí núkú de.

14 Képah sɔkɔ, Yesu kè gbah yo n tyí ne, à káh yĩ mè yăh ney tyí pólle. Té à kyɪ n gblɔyne sárká wĩkɪpu yõtě wěkɪ. Moyisi-á sò sárká nê tyí yo sah tótām dénmonɔ tyí sɔkɔ, à mó kè pɪ n tũ. Képah-á kɪ n dénmonɔle pè wěkɪ.

15 Képah fyé yõ, wăh sò me n dohnɪ Yesu yĩn wĩlno yõ, té nékwĩnkí sò me n tuke n mɔ n wey noh yĩn, ànê pé yamɔ móndenmɔ yĩnne.

16 Té Yesu wɔ sò nkěne n gbe n mɔ n tẽ n gblɔy gběnnɪ sɔkɔ, n Liyelle n ni.

Yesu sèkùkù dí yó de mɔ

17 Só yóle rítõ, Yesu sò me kwónóle n pɪ, té Farisiyẽnɔ ànê Liyel ñgbò wěkì kwópú to sò me kɔntěnlóle nénpó. Pè wil Kalile ànê Yude kwlo pól sɔkɔ, ànê Yerusalemɪ to sɔkɔ. Té Tě ñgbě Liyel tãhkì sò me Yesu sɔkɔ. Képah ye à kõ, à yámpúle n de n mɔ.

18 Légbíne, nósyó sèkùkù dí yó twah pɔ̀ n̄ s̄ẽ s̄ẽ kwâh yõ, me n yah n k̄õ ne, pé de ñne wòkò, pé kyí à tiki sah Yesu yah.

19 Té névye tnónkàhnó t̄ẽ tyí, pè dé-ńsah yah kwlɔ̀. Kãh pɪ s̄ẽ, pè dɔ̀kɔ̀ gběnt̄in yõ kye, à sèkùkù mè tiki mɔ̀ ànê n̄ s̄ẽ s̄ẽ kwâh tɔ̀le, névye n̄yó Yesu yah.

20 Yesu-á we pè s̄ẽ n̄ yõ s̄ẽ, à me yo sèkùkù mè tyí: «Dĩ, á tyípêl ye yõ mɔ̀ n̄ k̄õ.»

21 Képah t̄ẽ sɔ̀kɔ̀, Liyel ñgbò wěkì kwópú ànê Farisiyēnɔ̀ tyah n s̄õ ne, nê t̄ẽ ó se dí mēne, té à Liyel yinne n yuku s̄ẽ n̄? Nê se kɪ f̄ẽ tyípêl yõ mɔ̀ névi k̄õ, né Liyel ó náh n̄?

22 Nte, Yesu-á pé fókósõnɔ̀ p̄ĩ s̄ẽ, à pé syah ne: «Kwâh nê pɪ, té yé n s̄õ s̄ẽ?

23 Nê t̄ẽ dòdò kal, à yo sèkùkù mè tyí ne, n̄ tyípêl-á yõ mɔ̀ à k̄õ, képah náh pɪ, à yo n̄ tyí ne, à yuku ne n kɔ̀?

24 Nte, mé me ké tyí ne, yé p̄ĩ ne, t̄ẽnweno-á me Névi Pi tyí sétáh yõ, kɪ f̄ẽ névi tyípêl yõ mɔ̀ à k̄õ», té n̄ syɪ yo sèkùkù mè tyí: «Mé kéle n yo á tyí: yuku, á s̄ẽ s̄ẽ kwâh tɔ̀kɔ̀, n̄ ne n yuku á gbô!»

25 Nénpó swɔ̀, dí núkú yuku no pól yí yah, à s̄ẽ s̄ẽ kwâh tɔ̀kɔ̀, à sɔ̀kɔ̀ n̄ gbô, me Liyel yinne n gbilki n yuku.

26 Képah t̄ẽ sɔ̀kɔ̀, no pól gbàn du. Pè Liyel yinne n gbilki tíkí t̄ẽ tyí, me yo t̄ũ ne, kweyne, páh tyi snó we dé!

Yesu Levi ye yah

27 Képah náh, Yesu wil nénpó, té mórí syí-ò Levi we kǒntěńóle mórí syí-ńsah wòkò sòkò. A yo ò tyí ne: «Ñ sò tẽ!»

28 Levi núkú ò tò sah, té yuku ò sò tẽ.

29 Képah tẽne, Levi yòke ògbě pi ò gbô Yesu yĩnne, té mórí syípú náhnáh ànê nékàhbí kwínkí sò me péle kéne yòke yó-ńsah.

30 Képah sòkò, Farisiyěno ànê pé Liyel ògbò wěkì kwópú sò me lékàhle Yesule n kǒ me n yo ò tò sáhpú tyí ne, kwáh nê se, té pè n yò té n wò mórí syípú ànê Liyel wěkì kó-ńkěpúle wě tyí ni?

31 Képah tẽne, Yesu yo pé tyí ne: «Névye nónó-á me lènole, sènpì yétò se me pé tyí? Yámpú tyí náh sènpì yétòle di?

32 Névye nónó-á n sò ne, négló-á péle Liyel yah, mé náh pò pépi ye yĩnne. Nte, nónó-á pĩ ne, tyípèl pípú-á péle, pépi yé-ńsah ye mé pò ne, pè Liyel wěkì tẽ.»

33 Képah náh, Farisiyěno yo ò tyí ne, Nsyò tò sáhpú ànê pépi tò sáhpú-á ńkěne níkìle n tẽ, ò té níríle n pi. Nte, òmò tyíno tẽ wò nine n wò, té yòkele n yò kè.

34 Wáh képah noh sě, à me yo pé tyí: «Fúr pí-ò-á nónó ye ò fúr yòke yò yĩnne, yépi se kú fě pè kǒ pè kú níkì tẽ pé yé-ò yí yah?

35 Nte, só yó me n pi, pe mè kú pò n wilki n pi pé wró. Légbíne, pè kú pyě níkìle n tẽ.»

36 Képah náh, Yesu me tǒ sèmìrkì yó mĩ pé tyí ne ńkě: «Névi yó ńtẽ náh fwòsǎn kǎm, à

fwòdyàh min n pi. Wâh képah pi, fwòsân kɪ yɪkɪ, ké gbó mè tɔ nâh se tɔ fwòdyàh syi n pi.

³⁷ Anê tɔ, névi yó ntě nâh ðivě sán mɔ n pi pley ði sɔkɔ. Wâh képah pi, ðivě sán mè-à fũ, kè kɪ pley nópi tɔkɪ, ðivě kɪ kwɛ, pley kɪ yɪkɪ.

³⁸ Kàh pi ðivě sánne, kè yĩne kè mɔ pley snó.

³⁹ Névi nê-á dar ðivě kónó wónóle, à nâh tɔ n fě n syi ké kò-̀nkēne n wɔ. Tě n ne n yo ne, ðivě kónó-á nɔ kal.»

6

Yesu ànê mi mi yòh só tyile

¹ Képah nâh, Nsyifunɔ mi mi yòh só yóle, Yesu sò me wěkì tě n kɔ n kah sè mukɔ swěy yísyó sɔkɔ. Té ò tò sáhpú me sè mukɔ ywõle n kɔli n wɔkɔli pé gbàn sɔkɔ, à n tah.*

² Farisiyēnɔ-á képah we sě, pé tókù me ne, tò pínó wěkì nâh me kónóle mi mi yòh sóle. Té kwâh nê se, té pè kéle n pi ni?

³ Képah sɔkɔ, Yesu yo pé tyí: «Kwɛkɪ-á lésò yòtě Davidi ànê ò nâh névye tě só nēne, wăh nê pi, yé nâh kè kar yah kè?

⁴ A nâh sò de Liyel wòkò sɔkɔ, à búrn tɔkɔ, nónó-á sò me sàhnóle Liyel tyí yò, à tah, té ò nâh névye tɔ kɔ di? Té ney nâh sò yĩne búrn nópi táhnóle, né sárká wìlkɪpu yòtām ó nâh.»†

* **6:1** 6.1 - Yah n te Tɔnyonɔ sébéy 23.26 sɔkɔ. † **6:4** 6.3-4 - Yah n te Samyeɪɪ sébéy ghen 21 sɔkɔ.

⁵ Té tǒ yo pé tyí: «Névi Pile, mi mi yòh yòtǔ ye òne.»

Gbònkù dí yó dénmòwòle Nsyifunò mi mi yòh sóle

⁶ Képah náh, mi mi yòh só yóle ntǒ, Yesu de Liyel ní-nsah wòkò sòkò, me tyah névyele n kwò. Té dí yó sò me nénpó sòkò, gbòyòle kúnóle.

⁷ Képah tǔne, Liyel ògbò wǔkì kwópú, ànê Farisiyèno mó me Yesule n kyomì n yah, wàh kù òtýíno ney de n mò n pi mi mi yòh sóle, pè mó lékàh wè à kǒ.

⁸ Nte, òmò tǔ wò sò me pé fókòsòwòle n pne. Kǎh pì sǔ, à me yo gbònkù dí mè tyí: «Yuku n pò n yìn névyé niyó ásò.» Dí me yuku yìn.

⁹ Képah tǔne, Yesu yo pé tyí: «Nò mò yéle n piki n yah, tir nê pínó wǔkì me kǔnóle mi mi yòh sóle? Pèpòri se, tǔ pèkè se? A ney min pwah mò, tǔ à tǔ ko mò?»

¹⁰ Képah sòkò, wǎh pè yah kore vi, à yo dí tyí: «Á gbò tǒ!» A me ò gbò tǒ, kè núkú pì ké vile.

¹¹ Képah tǔne, pé fòkò kah vyǎh Yesule, pè tyah wǔne n vi n mò, sǔ-á pè kù n pì n pi òne.

Yesu tǔntòbe népí gbònimí yáhnwìlkinóle

¹² Só yóle, Yesu dòkò yuku yòlì yó yò, à kyù nírilè n pì. A lékàh pól pì Liyel nínó sòkò.

¹³ Tyah-á pò dal, à ò tò sáhpú ye, té népí gbònimí yah wilki pé sòkò, té pépi yìn sah ò tǔntòbele.

14 Wăh nónó yah wilki, pé yni we yò: Simo wole, Yesu òmò yīn sah Pyerle, té ò gběndí Andre sò me, ànê Nsyaki, ànê Nsyõ, ànê Filipi, ànê Bartelemi,

15 ànê Matye, ànê Toma. A tahlı Alfe pídí Nsyaki tyí, ànê Simo nê-á sò pè n ye «Sú fò vyāh syí-òle»,

16 ànê Nsyaki pídí Yudele, ànê Yisikariyoti Yudasile, nê-á pò vi Yesu náh.

Yesu tówû kwónó, ànê yámpú dénmonole

17 Képah náh, Yesu tiki yõli yõ ànê péle, à pò yīn kéntáhkì támm yó sokò. Té ò tò sáhpú náhnáh sò me, à tahlı tówû ògbě yó to tyí, nónó-á wil Yude tantàn pól sokò, ànê Yerusalemi, à tahlı pne yo gbòpò kwlo tyí, Tiri ànê Sidõne.

18 Pè sò pò Yesu welo nóh-ńsah, ànê dénmono we yinne pé yamno sokò. Sétàn-á sò me nónó sokò me péle n kwlo, pé to dénmono we.

19 Té táhkì yó sò me n wil ò sokò, à pé pólle n de n mò. Képah ye tówû pól kò, pè n yah n kò wéntũ-ńsahle ò tyí.

Yèvini ànê yèvyāhrı tyíle

20 Képah sokò, Yesu me ò yah yõ ò tò sáhpú yah, té ne:

«Yèvini me yé tyí, yépi nónó-á me yām sokò. Liyel tǒrí me yépi tyí yõ.

21 Yèvini me yé tyí, yépi nónó-á me núkúnúkú kweki sokò.

Yé kɪ pɔ n tɔ̃ n pi.

Yèvɪnɪ mɛ yé tyí, yépi nónó-á mɛ núkúnúkú
gbní sɔkɔ.

Yé kɪ pɔ yì syɔ n pi.

²² Yèvɪnɪ mɛ yé tyí, no-à yé dyɔlɛ n yɔ, té yé
milki, té yéle n gbyɔ, té yé yĩnne n yɪkɪ Névi Pi
yō sɛnō yĩnne.

²³ Nte, ké yōre ñgbě kɪ pɔ yé dyah Liyel fó.
Képah ye, yé ne n mɛ nìvì sɔkɔ lésòlɛ, yé ne n
yɔkɔ n kwāh nìvì tē tyí. Sě ye lésō pé nāh tǎn tɔ
n fōh Liyel tēntō syínyopulɛ.

²⁴ Nte, yépi nónó-á tahbilɛ, yèvyāhrɪ mɛ yé yō.
Yé yé pèpɔrɪ wɛ sɔkɔ tɛ.

²⁵ Yépi nónó-á mɛ núkúnúkú tēkɪ sɔkɔ, yèvyāhrɪ
mɛ yé yō.

Kwɛkɪ kɪ pɔ yé tē n pi.

Yépi nónó-á mɛ núkúnúkú yìsyò̀nì sɔkɔ,
yèvyāhrɪ mɛ yé yō.

Yé kɪ pɔ yèkwɔrɪ gbní gbo n pi.

²⁶ Pàh yépi nónónɛ n gbilki, yèvyāhrɪ mɛ yé
yō. Sě ye lésō pé nāh tǎn tɔ n gbilki Liyel yĩn yō
mìnyobelɛ.»

Sépébi tēnó pèpeyne

²⁷ «Nte, yépi nónó-á mɛ n nohnɪ ní tyí, mé
kéle n yo yé tyí nɛ: yé yé sépébilɛ n tē plɛ. Yé
pèpɔrɪlɛ n pi yé dyɔ yópu tyí.

²⁸ Nónó-á plɔlɛ n ye n mɔ yé yō, yé sāmne n
mɔ pé sɔkɔ. Yé mó Liyellɛ n ni yé fōhpú tyí.

²⁹ Névi-à á létáh núkú mɪ, ké ní-ò tɔ vi n mɔ à
kō. Névi-à á fwòmò-ñgbě tɔkɔ, ye tē kō à á
fwòmò̀npir tɔ tɔkɔ.

³⁰ Névi nê-à kwâh ni á tyí, kè yĩ tẽ kõ. Anê, névi-à á gbò kwâh tɔkɔ, káh ne, tẽ n syi n pɔ kéle.

³¹ Anê tɔ, yáh me ké tyí ne, no nêne n pi yé tyí, yépi tɔ sɛnkõle n pi pé tyí.

³² Yépi tyí-á nɔ nónó tyí, pépi ó tyí-à nɔ yé tyí, yíngbí nê me yé kɪ n we n pi képah sɔkɔ? Liyel wɛkɪ kó-ńkɛpú n̄tẽ tɔ nénónó tyí náh nɔ pé tyí di?

³³ Nónó-á n tɔ n sah n pi yé tyí, yé tɔ-à n tɔ n sah n pi pépi ó tyí, yíngbí nê me yé kɪ n we n pi képah sɔkɔ? Liyel wɛkɪ kó-ńkɛpú n̄tẽ tɔ náh sɛnkõle n pi di?

³⁴ Anê, yáh n deki névyele n kɔ, yáh sɛ ké yò ne, nónó ó-á kɪ pɔ sé lédyáhnine yé kɔ n pi, yíngbí nê me yé kɪ n we n pi képah sɔkɔ? Liyel wɛkɪ kó-ńkɛpú tɔ náh n deki wɛne n kɔ, sé lédyáhní pónwe yinne di?

³⁵ Pèpɔri pĩ-ńkɛpú, ànê nɛpêl nìgbèkì me Liyel sɔkɔ. Képah ye, yépi tɔ yé sépébíle n tẽ ple. Yé pèpɔrile n pi pé tyí. Yé ne n deki n kɔ, ké lédyáhní tyí sò-ńkɛne. Képah sɔkɔ, yé kɪ kyi ké lédyáhní n̄gbɛ we Liyel fɔ́, té kɪ pi yòtah Liyel wɛnpìle.

³⁶ Yé pi nìgbèkì névyele, sɔ-á yé sú Liyelle nìgbèkì pí-òle.»

Káh no pílki-ńtân óle n yo

³⁷ Képah sɔkɔ, Yesu tɔ yo pé tyí: «Yé káh nole n tuke. Képah sɔkɔ, Liyel náh yé tɔ tuke n pi. Yé káh lékàhle nole n kɔ. Képah sɔkɔ, Liyel náh

lékàhle yé tɔ kɔ̃ n pi. Nte, yé ne n yɔ̃ n mɔ nolé n kɔ̃. Képah sɔkɔ, Liyel kɪ n yɔ̃ n mɔ yé tɔle n kɔ̃.

³⁸ Yáh no téló tyíle n sáh dú nêne, kéne dú núkú ó kɪ yé tɔ tyí sáh n pi. Képah ye, yé ne n yí n kɔ̃. Képah sɔkɔ, Liyel kɪ yí yé tɔ kɔ̃. A kɪ dú tɔkɔ, kɪ sáhnó pèpey sáh, kɪ sni, kɪ yike yike, kè kɪ yuku kwe, kɪ vi mɔ yé kɔ̃ yé fwòmolo vyëy tɛnkũnmɔnɔ sɔkɔ.»

³⁹ Té tɔ sèmirkí yó mɪ pé tyí ne níkɛ: «Yítú se kɪ fɛ pi ñ ní-ò yítú yah tɛ-òle? Pé ními náh n syikɪ n de n pi pwàh yó sɔkɔ di?

⁴⁰ Tir sáh-ò náh n kal n pne ñ kwó-òle. Té sáh-ò nê-à kwónó we yíí, ñmɔ n pi ñ kwó-ò tyí kòle.

⁴¹ A pi sɔ̃, té ñdan kyɔmɪ we á yúnpi yí sɔkɔ, té dàhnpele áwɔ yí sɔkɔ, á náh me képah wɔ we?

⁴² A kɪ pi sɔ̃, té kɪ yo á yúnpi tyí ne, à ye á ñdan wilki à kɔ̃ ñ yí sɔkɔ, áwɔ nê-á dàhnpele á yí sɔkɔ, té á náh me képah wɔ we? Víníní wékí-ò! A yí sɔkɔ dàhnpe ñgbò wilki! Képah-à pi, á kɪ fɛ n yah palle, kɪ á ní-ò yí sɔkɔ ñdan wilki.»

Séswô ànê ké pyele

⁴³ «Séswô pèpey yó ntɛ náh n syi pye túkúnine. Séswô tókù tɔ náh mó n syi pye pèplɔle.

44 Sésân pól n pne sé pye sɔkɔ. Sènsóké pye náh fě n wɛ kahɾɪ sɔkɔ. Yrensě náh mó tǔ fě n wɛ n gbɛ gbíyěkì sɔkɔ.

45 Népépěy yípéplɔ n wil ñ nɪ sɔkɔ, wăh nónó koh sah. Sě ó ye, nétúkù tɔ tyítúkúnǐ n wil ñ nɪ sɔkɔ, wăh nónó koh sah. Névi nɪ-à yuku tir nêne, képah ye n wil ñ vyăh.»

Vì duke nínó tyí yónóle

46 Képah sɔkɔ, Yesu tǔ yo pé tyí: «Sǔ pɪ, té yě ñne n ye <Tě ñgbě, Tě ñgběne>, té mäh se nê yo, yé náh képahle n pɪ?

47 Névi nê-à pɔ ñmɔ tyí, té ñ welɔ noh, té me séle n pɪ, tǔ-á me nê kètòle, mé kɪ ñ tyí yo yé syah:

48 Á me, á kɪ ne wòkò mó-ò yó sǔ, nê-á swɔ tǔ tiki náhnáh, té wòkò sǔ légbí yǔ. Té ké sǔ tyàhnó-á sǔ ple sě, képah ye, yɔ-á pɔ yuku, té kwɔ, kè fwo kyɪ syɪ kéne wòkò tyí, té kè náh tǔ wɛ kè fě.

49 Té, névi nê-à ñ welɔ noh, té à náh séle n pɪ, tǔ wɔ me, á kɪ ne wòkò mó-ò yó sǔ, nê-á wòkò yǔ sɔkɔ mɔ sétáh kókó yǔ swɔ tǔ-ñkěne. Yɔ-á pɔ yuku, à fwo kyɪ syɪ kéne wòkò tyí, nénpó swɔ, ké pól pirki kwɛ, à núkú mukuli pněpně.»

7

Sràsyibi lèkwě yòtǔ dí Liyel yǔ sě dùkùle

¹ Képah sɔkɔ, Yesu-á welɔ nópi pól yo pɔ tyɛ no tyí, à de Kapernayumi.

² Té nénpó sɔkɔ, tɔ̀npɪ yó sò me sràsyíbí yòt̃ɛ dí yó tyí. Á sò me n yɔ kɛpékèyô, me n tyah kúnóle. Té n tyí sò tah yíí n̄ yòt̃ɛ dí tyí.

³ Wǎh Yesu tyí noh, à me Nsyifunɔ yèwàhni yísyó tekɪ mɔ ne, pè kyɪ à ni, à pɔ pé tɔ̀npɪ de mɔ.

⁴⁻⁵ Pǎh kyɪ yīni t̃ɛ Yesu tnô, pè tyah n̄ne n gbah n ni, me n yo n tyí ne, pépi Nsyifunɔ tyí-á kah nɔ yòt̃ɛ dí mè tyí. Anê, n̄mɔ-á t̃ɔ yīn pé Liyel ní-nsah wòkò mónóle. Képah-á, wǎh yīne yòhni n̄mɔnɔ mè pínóle n tyí.

⁶ Képah sɔkɔ, Yesu me sɔkɔ péle. Wǎh de n te sràsyíbí yòt̃ɛ dí mè kétele, kéne dí t̃ɔ n kódíbí yísyó t̃ɔ ne nk̃ɛ, pè pɔ yo Yesu tyí ne, pé Yòt̃ɛ, péwɔ náh yīne n̄ dénóle pé kéte sɔkɔ. Képah-á, à káh n̄ gbl̃ɔy kwɔ pɔ.

⁷ Nk̃ɛ, képah tɔ-á pé k̃ɔ pé kè yah ne, pé náh yīne pónwīlnóle n tyí pé gbl̃ɔy. Nte, à wey núkú ó yo, pé tɔ̀npɪ-á kɪ de.

⁸ Nk̃ɛ, péwɔ n̄t̃ɛ tɔ tyí yòt̃ɛm-á me, péwɔ tɔ mó me sràsyíbí yísyó yò. Páh yo nê tyí: «Sɔkɔ!», t̃ɛ n sɔkɔ. Páh yo nê tyí: «Pɔ!», t̃ɛ n pɔ. Anê, páh yo pé tɔ̀npɪ tyí: «Tir mè pɪ!», ǎ kè pɪ.

⁹ Képah sɔkɔ, Yesu-á kéne welɔ noh s̃ɛ, à dí mè s̃ɔ kègbɔle. Té n yah vi yo n̄ sò t̃ɛpú tówû tyí ne: «Mé kéle n yo yé tyí ne: Yisrayel n̄t̃ɛ sɔkɔ, mé náh s̃ɛnk̃ɔ Liyel yò s̃ɛnó névi we yah.»

¹⁰ Képah sɔkɔ, t̃ɛnt̃ɔ névyè-á pé syɪ kyɪ sràsyíbí yòt̃ɛ kéte, pè kyɪ ne n yah, n̄ tɔ̀npɪ mè de.

Yesu pékúsè yó pídí lékó yilki mɔ

11 Só yóle, Yesu me n yuku kwil yó sɔkɔ, nê-á pè n ye Nayinne. Té n tò sáhpú, ànê tówû ñgbě sò me n sò tẽ.

12 Wăh yīni tẽ kwil dé-ńsahle yúkey, à nósýó yohni, pè me lékó yó twah n yuku yí-ńsah. Pékúsè yó pídí ye sò, ñ gblǒy núkúníne n yú tyí. Té, kéne kwil névyè sò me wil náhnáh, me pi mè sò tẽ.

13 Tẽ ñgbě Yesu-á pi mè we sě, ñ yām à kah tẽ, à me yo ñ tyí: «Káh n tǒ ne n gbo!»

14 Té me no de, à tũ lékó twáhkì tyí, ké twáhpú núkú yīn. Yesu me yo ne: «Dĩnpir, mé kéle n yo á tyí: yukul!»

15 Wăh yo sě, à núkú yuku kǒ tẽ, té tyah n yāh. Yesu me ñne ñ yú gbò dahbì.

16 Képah tēne, tíkí no pól tẽ. Pè tyah Liyelle n gbilki, me yo tũ ne, Liyel tēntò syínyo-ò ñgbě yó-á wil mɔ pé wró. Anê, Liyel-á yah dah mɔ ñ no tyí sɔkɔ.

17 Képah sɔkɔ, Yesu tyípinó tyí yónó tǒ mɔ Yude tantàn pól sɔkɔ, à kyɪ sɔkɔ ké gbòplo kwlo to sɔkɔ.

Wèlnwìkì-ò Nsyǒ-á nê piki yah Yesu tyí sɔkɔ

18 Képah sɔkɔ, Nsyǒ tò sáhpú tyi nópi pól yāh Nsyǒ tyí. A me pé sɔkɔ népî ními ye,

19 à tǒ Tẽ ñgbě Yesu tyí. Nkě, pè kyɪ à piki yah ne, ñmɔ se Liyel ney tékínmɔnɔle, nê-á kɪ sò n pɔ n pi, tĩ pé se yīne pé ñnīne n syɪkɪ nɪ?

20 Pãh pɔ yĩni tẽ Yesu tnô, pè yo n tyí ne, Wèlnwĩkĩ-ò Nsyõ-á pépi tekĩ mɔ n tyí ne, pé pɔ à piki yah ne nkẽ, ñmɔ se Liyel ney tékínmɔnɔle, nê-á kɪ sò n pɔ n pi, tĩ pé se yĩne pé ñnĩne n sykĩ nɪ?

21 Légbĩne, Yesu me yámpú náhnáhle n de n mɔ pé yamɔ, ànê pé yèvyãhrɪnɔ sɔkɔ. A sétàn yĩni wilki pé sɔkɔ, té yítũbi náhnáh yí ykĩ mɔ.

22 Té me yo Nsyõ tẽntò névye tyí: «Yáh nê we, té nê noh, yé kyɪ kè yãh Nsyõ tyí: Yítũbi yí me n ykĩ n mɔ, sèkukubi me n kɔ tómtóm, tótãm me n de, níkítũbi me n nohnɪ, lékyî me n yilki n mɔ, ànê ñìvìnì wey sán me n yo n kɔ yãm tãn tyí.*

23 Nte, nê-á Liyel yõ sɛnó yáhle-ńkẽne ñmɔ yĩnne, yèvinɪ me tẽ tyí.»

24 Képah sɔkɔ, Nsyõ tẽntò névye-á sɔkɔ te, Yesu tyah n tyíle n yãh tówû tyí me n yo: «Kwáh nê me yé kyɪ yah gbɛnnɪ sɔkɔ? Fílkĩ yó se yáhkí me n fi n kɔ?

25 Tĩ kwáh nê me yé kyɪ yah we? Dí yó se, nê-á me fwòpèplɔ mɔ? Té nónó-á mó t̃ fwòtãhnĩne n mɔ, té t̃rĩ yéle n yõ, pépi náh me yõtãm fné sɔkɔ di?

26 Nte, kwáh nê me yé kyɪ yah we? Liyel tẽntò syĩnyo-ò yóle nɪ? Mé kéle n yo yé tyí ne: sɛ-á. Té ñmɔ ntẽ-á kal Liyel tẽntò syĩnyo-òle.

27 Nkẽ, ñmɔ tyí sɔkɔ-á kè wárkɪ sah ne nkẽ: <Yáh, ñmɔ Liyel kɪ í tẽntò yó-ò tekĩ mɔ á yahle,

* 7:22 7.22 - Yah n te Yesayi sébéy 35.5 ànê 61.1 sɔkɔ.

à kɪ pɔ á wě̀kì tǒ sah.>†

²⁸ Mé kéle n yo yé tyí ne: sê fɔkɔ táh pi yó ntě náh me nê-á kal Nsyõne. Nte, nê-á tyĩ kal Liyel yõtõrí sɔkɔ, ñmɔ ntě gblò kal ñne.

²⁹ Képah sɔkɔ, nónó pól-á sò me n nohnɪ ñ tyí, à tahlɪ mórí syípú tɔle, pé pól ne, Liyel-á me tómm, té Nsyõ kɔ, à pè wel wilki.

³⁰ Nte, Liyel-á nê yah kɔ Farisiyẽno ànê Liyel ñghò wě̀kì kwópú tyí, pè pé náh vi kè kɔ, té yahle pé wè̀nwilkĩnóle Nsyõ tyí.»

³¹ Té Yesu tǒ ne: «Nê tẽ me mé kɪ tɔkɔ sãh kwey gbĩ névyele? Nê tẽ me pè tɔ?

³² Pè me, á kɪ ne wě̀npĩ sɔ kɔ tẽ n syah tówú tükè-nsah sɔkɔ, té me n yo wě tyí ne, pépi-á yuku fɪbɪ pé tyí, té pé náh se yi. Pé tǒ kũ yìkì gbɪ mɔ, pè náh se tǒ gbo.

³³ Nte, Wè̀nwilkĩ-ò Nsyõ pɔ, à náh me n yõ, à náh me ñvẽne n wɔ, té yé ne, ñ yògbèkè náh me.

³⁴ Névi Pi-á se pɔ, à n yõ té n wɔ, yé tǒ ne, pè yah yèwònpi, ànê sètẽ-á ñne, mórí syípú ànê tyípèl pípú kódí-á.

³⁵ Nte, Liyel lékám tyile, gbɪ ye séle sé fěnsyipu tyí.»

Yesu pi yó tyípèl yõ mɔ à kɔ

³⁶ Farisiyẽ dí yó sò me, pè n ye Simɔle. Sò yóle, à Yesu ye ne, à pɔ yòke yõ pé tyí. A me kyɪ de kéne dí gbô, à tẽ yòke yah.‡

† 7:27 7.27 - Yah n te Malaki sébéy 3.1 sɔkɔ. ‡ 7:36 7.36 - Yesu me gbíne, nénpó tãn sò ñkẽne pé gbalɪ kěkɪ n tẽ yòke ñghnole n yõ.

37 Té kéne kwil soko, tyípêl pí-ò pi yó sò me. Wǎh noh ne, Yesu-á me yòkele n yõ Farisiyẽ dí gbô, à pò niri pǎn pènèkì yóle, so pèpey yó soko.

38 Té me vi Yesu náh ònne, à n gbo n yéfine n kwe Yesu gbyêh yõ, té séle n kele n yòyenne, té sè poru tẽ, té niri mène n mo sé yõ.

39 Farisiyẽ dí nê-á ye Yesule, òmò-á képah we sã, à tyah n sò n foko soko ne, dí mè-à sò me Liyel tẽntò syíno-òle, pi nê-á n tũ n tyí yò, wǎh nǎhki n òkù pĩ ne níkẽ, tyípêl pí-ò ngbẽ-á òne.

40 Yesu me wey toko, té yo Simo tyí ne, tir yó-á me pé tyí yo yo tẽne n tyí. Simo me ne, à kè yo, kwó-ò dí.

41 Képah soko, à me yo n tyí: «Kmo mó-ò yó kmo sò me népí ní mí yísyó yõ. Núkú sò yĩne à à dyah pò pló kyekwéle, ní-ò me yĩne à à dyah pló tiki ní ní pò gbãme.

42 Nte, pé soko ney yó ntẽ náh sò me fẽ n tyí dyah n pi sã, dí pé ní mí tyí yõ mo pé kã. Kǎh pi sã, n tyí ki no kal nê tẽ tyí pépi ní mí soko?»

43 Simo me à syah ne, péwo tẽ sòno soko, nê kòli-á kal, òmò-á. Yesu me ne, gbi-á à yo.

44 Képah soko, té n yah vi pi ònne, té yo Simo tyí: «Á pi mè we kè? Òmò-á de á gbô, á náh gbyêh wu wu nine ní kã. Nte òmò wo n yéfi kwe ní gbyêh yõ, té sè kele n yòyenne.

45 Áwo náh ní poru tẽ. Nte, òmò tẽne, wǎh de pò sã, à náh me yal mo n gbyêh póríntẽnole.

46 Á náh mó tǝ nuri mo ní yǝ, ñte ñmo tǝ wo nuri pǎn pènèkì mo ní gbyèh yǝ.

47 Mé kéle n yo á tyí ne: pi mè tyípêl náhnáh nópi pól-á yǝ mo à kǝ. Képah ye, à tyínɔɔ ñgbě tir mè pi. Nte, yǝnmɔɔ-à pi nê tyí kwéyy, ñmo tyínɔɔ n mó ne kwéyy.»

48 Té tǝ ñ syi yo pi mè tyí: «Á tyípêl ye yǝ mo ñ kǝ.»

49 Képah sɔkɔ, wǎh sǝ me n yǝ ànê nónóne, pè tyah n sǝ pé fɔkɔɔ sɔkɔ ne, nédúkú nê se dí mène, té à ki pɔ tyípêl tɔle n yǝ mo ni?

50 Kǎh pi sǝ, Yesu me yo pi tyí: «Ñmo yǝ sǝnó ye ñ pwah mo. Ne n yuku yèvinu sɔkɔ.»

8

Tò sǎhpú ànê syó yísyó Yesu sǝ tǝ

1 Kéne tyi sókóntɔɔ náh, Yesu sǝ me n kɔ n kǝ kwíl-ñgbɔ ànê kwílpi, me ñivìni wey sǎnne n yo Liyel yǝtǝrí tyí sɔkɔ. Té ñ tò sǎhpú népi gbǝnimí sǝ me ñne,

2 ànê syó yísyó tɔle, wǎh sétǎn yīni wilki nónó sɔkɔ, té pé yamɔ tyɛ. Makadala kwil Mari sǝ me, nê sɔkɔ-á sétǎn kwǎrnino wil,

3 ànê Nsyanne, nê-á Yerɔdi tahrú kyòmì-ò dí Kusa kyile, ànê Susanine, ànê syó náhnáh yísyóle, nónó-á sǝ pé gbǎn yīle Yesu ànê ñ tò sǎhpúle n yohnu n mo.

Sèmuko mîr-ò sèmîrkîle

⁴ Képah sɔkɔ, névye sò me wil kwlo kwlo pól sɔkɔ, à n pɔ n pɔ Yesu tyí. Tówú ñgbě-á pɔ tuke mɔ sě, à me sèmìrkì yó yāh pé tyí ne:

⁵ «Só yóle, sètò yó lésò wil ñ sè mukɔle n mir. Wāh me mîrnó sɔkɔ, yísyó syikuli wěgbalı sɔkɔ. Wěkɔbi kɔ sɔkɔ sé yò, kèpye me pɔ sè yò.

⁶ Yísyó me syikuli légbí yò, à fi, té núkú tǒ kɔkɔ vínó kě tě tyí.

⁷ Yísyó me syikuli de pǎn nıyó. Sǎh fi wě tyí pǎnne, pǎn me fyāh sé yò.

⁸ Nte, yísyó me syikuli sétáh pèpey sɔkɔ, à fi. Sépi wɔ kyāh, à pɔ pyeno lèkwěkwɛ pi.» Sèmìrkì me yāhteno nāh, Yesu tǒ yo pé tyí yínpǒ ñgběne ne níké: «Níkí-à me nê tyí noh noh tēne, tē ñ níkí sah noh.»

⁹ Képah sɔkɔ, Yesu tǒ sǎhpú à piki yah sèmìrkì mè yòle.

Yesu sè mukɔ mîrnó sèmìrkì yò yo

¹⁰ A me yo pé tyí: «Liyel tǒrí tyi nónó-á me wǒbìnóle, sé pnèno ye yépi tě wɔ kǒ. Nte, téló tě tyí, sèmìrn ó sɔkɔ ye sè kɔ n yāh.

Képah sɔkɔ, pè kɔ n yah díkídíkí, té pè nāh kwāh yó we n pi.

Té kɔ n nohnı, té pè nāh ké yò pĩ n pi.»

¹¹ Té tǒ yo pé tyí: «Sèmìrkì mè yò-á nēne, kè we yò: Mir mir sè mukɔ mènne, Liyel wey ye.

¹² Té névye túkù me wěgbalı tyí kǒli: Pépi-à Liyel wey noh, sétò n pɔ kè wilki pé nno sɔkɔ ne, pè káh pɔ sě ké yò, pè mó pwáhnmonɔ we.

13 Túkù me légbí yǒ tyí kǒlɪ: Pépi-à Liyel wey noh, pɛ kè fɛ n syi nìvùlɛ. Té pè nàh n ye kè yàhnìne n mɔ pé sɔkɔ. Pɛ kè fɛ n syi nénpó swɔ ó sɔkɔ, té mónyahno-à núkú pè yīni tɛ, pɛ pé nàh vi kè kǒ.

14 Túkù me pàn mé-ńsah tyí kǒlɪ: Pépi-à Liyel wey noh, fókósɔno, ànê tahrɪ yáhnó, ànê kèkǒyó nìvì tyi n pɔ kè fyāh. Kàh pɪ sɛ, pè n wũ nɪyó, kè nàh tirlɛ n pɛkɪ pé tyí.

15 Nte, túkù me sétáh pèpɛy tyí kǒlɪ: Pépi-à Liyel wey noh, pɛ kè syi n sah palle nɪ pèpɛy sɔkɔ, nê-á me tǒnsàhnóle. N té ké tɛnó ple, yǒre n we ké tyí, sèmu kɔ pékínó tyí kǒle.»

Yesu-á sèmìrkì nê mɪ fòtnò tyí sɔkɔ

16 Yesu tǒ yo pé tyí: «Névi se kɪ fòtnò soh, té kɪ dú kwĩnki mɔ ké yah, képah nàh pɪ, kɪ kè dah mɔ sɛ sɛ kwāh sètàhkì sǒ? Tɛ nàh kè sah n pɪ fòtnò sahki sɔkɔ, kè n pɪ n pi kyòole wòkò sɔkɔ dépú tyí di?

17 Tir yó n̄tɛ nàh me wǒbìnóle, té kɪ n wũ n pi wĩlkinmɔ-ńkɛne kégbó. Sètɪn sǒ tir yó n̄tɛ nàh n wũ n pi p̄ńkɛne, ànê wĩlkinmɔ-ńkɛne kwèyy.

18 Névi nê tyí kwāh-á me, dòhnìnó kɪ n pɪ ñmɔ tyí yǒ. Té névi nê tyí kwāh nàh me, kwéy nê n̄tɛ-á à me n sǒ ne, páh me we, ké tɔ kɪ tɛ syi ñ tyí. Kàh pɪ sɛ, yé kyòmìnóle n pɪ yé nohnɪ dùkù sɔkɔ!»

Yesu yúnpyé ànê ñ yúne

19 Képah sɔkɔ, Yesu-á sò me fí nê sɔkɔ, n̄ yúnpyé, ànê n̄ yú pɔ yīni t̄ē n̄énpó. Nte tówû t̄ē tyí, pè náh t̄ē we nɔ de n̄ne.

20 Pè me yo mɔ n̄ tyí ne, n̄ yú, ànê n̄ yúnpyé-á me yínnóle kégbó. Páh me ké tyí ne, pé à we.

21 Képah t̄ēne, à me yo pé tyí: «Nónó-á Liyel weyne n nohn̄i té ké tyile n pi, pépi ye n̄mɔ yú ànê ní yúnpyéle.»

Yesu yáhpékè yó yīn mɔ yó-̀ngbē sɔkɔ

22 Só yóle, Yesu de krótókè yó sɔkɔ ànê n̄ tò sáhpúle, té yo pé tyí ne, pè ye pé yuku yó-̀ngbē kahn̄ne.

23 Té páh me krótókèle n to n yuku gbí n̄ne, Yesu dɔ. Dǒ, yáhpékè yó kǒ pé yǒ yo sɔkɔ, à nine n tɔkɔ n mɔ krótókè sɔkɔ, kè syi pɔ n yuku nine, dlo n tyah pé nónóle.

24 Pè me nɔ de Yesu tnô, me n̄ne n yilki n mɔ ne, pé yòt̄ē, pé yòt̄ē! Yɔ-á me n tyah pé yónóle dé! Képah t̄ēne, Yesu me yuku, té díri kǒ yáhkí, ànê ni yǒ. Yáhkí me yīn, yo tiki t̄ē, tyah pi súmm.

25 Káh pi s̄ē, à yo pé tyí: «Yé Liyel yǒ s̄énó nyāh?» Tíkí t̄ē tyí, pé gb̄n̄ du, pè tyah n yo w̄ē tyí ne, nédúkú n̄e se dí m̄ene, té à f̄ē n yo yáhkí ànê ni n̄t̄ē tɔ tyí, sè n sah n̄ tyí yǒ ni?

Yesu sétàn kwĩnki yīni wilki dí yó sɔkɔ

26 Yesu ànê n̄ tò sáhpú kyi yīni t̄ē yó-̀ngbē kahn̄ne, Yerasen̄i sétáh yǒ, Kalile yèsreyn̄e.

27 Wăh me n tiki krótókè sòkò gbí nêne, dí yó wil kwil sòkò, à pò à yohni, sétanne n sòkò. Kwil mè ney ye sò nne. Té kè pi di mónóle, à náh tǒ sò me flòle n mǎ, ànê à náh me n tǐ gbô. N tǐ-n̄sah ye sò léyâl wró.

28-29 Té, sétò mè sò n yuku dí mè yó gbáhyí náhnáhle. Pè sò nkēne à pukubi kǐlǒ, ànê kárnne ne, pé à tǐ sah. Nte, à púkúbi-ńtân nópi kǒli, té sétò mè à tǒkò n de gběnni tǎntǎn sòkò. Képah sòkò, wăh Yesu we, Yesu me yo n tyí ne, à wil dí mè sòkò. Wăh yo sǐ, dí pò kò kwĩnki n yah, té de syi yĩnpǒ n̄gběne ne, kwáh nê se à n yah n kǒ pé tyí ni, yǒtah Liyel pi Yesu? Páh n̄ne n ni, à káh pé fǒh.

30 Yesu me à piki yah ne, n̄ yĩn se sǒ ni? Té káh pi, sétàn náhnáh sò me dénóle n sòkò, à me ne, pé yĩn-á Méfwóbé Kwĩnkile.

31 Képah sòkò, sétàn nópi me Yesu ni ne, à káh sé yĩni wilki tekɪ mǎ yèvyǎhrɪ tǐ-n̄sah.

32 Té nénpó sòkò, sel kwĩnki yísyó sò me n yah n yó n kǒ yǒli yó. Sétàn nópi tǒ Yesu ni ne, à ye sé kǒ sé kyɪ de sel nópi sòkò. A me ké wǐkìle sè kǒ.

33 Képah tǐ sòkò, sétàn nópi wil dí mè sòkò té kyɪ de sel nópi sòkò. Sel kwĩnki nópi núkú kènp̄in to tiki tükütükù, à kyɪ de yónpǐkì sòkò, kè kǒ kè sè yó.

34 Sel nópi fǐpu-á képah we sǐ, pè to kyɪ kè yǎh kwil, ànê yèpiyey sòkò.

35 Képah tẽne, tyi nónó-á pɪ, névye wil ne, pé kyɪ sé ségbλό yah. Pè pɔ yĩni tẽ Yesu tnô, té dí nê-á sò sétàn wil n sɔkɔ, pé à wɛ kɔ̃ntɛ̃nóle Yesu tnô. A sò me flo mɔ, té me tírr. Kǎh pɪ sɛ̃, tíkí pè tẽ.

36 Képah sɔkɔ, nónó-á sò n dɛ̃nmɔ dùkù wɛ, pé kè yǎh téló syah.

37 Kǎh pɪ sɛ̃, tíkí tẽ tyí, Yerasɛnɪ sétáh yô névye pól kè yah kɔ̃ Yesu tyí ne, à yal gbɛ mɔ pépɪlɛ. Képah sɔkɔ, Yesu me de krótókè sɔkɔ, à n tyah sókónóle.

38 Té dí nê sɔkɔ-á sò sétàn wil, kéné dí Yesulɛ n ni ne, à ye pé tẽ nne. Nte, Yesu nǎh kè fɛ̃ syi, té yo n tyí:

39 «Liyel-á tyi nónó pól pɪ á tyí, á syɪ n yuku á gbô, n kyɪ sè yǎh.» Wǎh yo sɛ̃, dí me n syɪ yuku n tĩnne. Té tyi nónó pól-á Yesu pɪ n tyí, à sélɛ n yǎh n kɔ̃ kwil pól sɔkɔ.

Yayirusi písê yĩlkinmɔnɔ, ànê pi nê-á tũ Yesu fwòmɔnɪ tyí

40 Tówú sò me Yesu syɪkɪ tẽ sɛ̃, képah ye, wǎh wil yó-̀ngbɛ̃ kahnɪnɛ, à pɔ yĩni n tẽ pé tnô gbí nêne, pé pól à yohnɪ nìvì sɔkɔ.

41 Légbí mè ó sɔkɔ ye dí yó pɔ yĩni tẽ, pé n ye Yayirusilɛ. Nmɔ ye sò nɛ̃npó Liyel ní-̀nsah wòkò yah yétɛ̃nɛ. Wǎh yĩni tẽ Yesu tnô, à gbètukunɔ di n yah, té à ni ne n̄kɛ̃, kékwe, à pɔ pé yuku péwɔ gbô,

42 n̄kɛ̃, písê nê-á pé tyí n gblɔ̃y núkúnɪnɛ, té me ye gbõninó kénkɔ̃ sɔkɔ, wǎh me n tyah

kúnóle. Képah tẽ soko, Yesu-á n soko nénpó, tówû à fyãh kámm yey yey pólle.

⁴³ Té, sê yó to sò me nénpó. A sò me n yo tó kwénó nýânne pópó, ye gbõninó. N gbõ pól syi pɔ tye syey pínóle sènpɔbi tyí, té pé soko yó nĩtẽ náh tẽ we à de mɔ.

⁴⁴ A me nɔ de Yesule ò náh tĩnne, té tũ ò fwòmɔni vyãh tyí. Nénpó swɔ, ò nýân núkú tye.

⁴⁵ Képah soko, Yesu me piki yah ne, nê se tũ péwɔ tyí ni? No pól-á pé vyẽyne n kòli ne, pépi náh sẽ, Pyeri me ne, pé yõtẽ, névye-á fyãh sah òne kámm.

⁴⁶ Nte, Yesu me ne, ònĩ yó-á tũ pé tyí. Páh kè pĩ ne, tãhkĩ yó-á wil pé soko.

⁴⁷ Képah soko, pi mè-á pɔ pĩ ne, tir mè náh tã fẽ n wõbi, à pɔ ò gbètukunɔ di Yesu yah wilsyahri soko. Tir nê yĩn-á à tũ ò tyí, té kè yãh no pól yí yah, ànê sɔ-á à dénmɔnɔ we nénpó swɔ.

⁴⁸ Képah tẽ soko, Yesu me yo ò tyí: «Pi, á Liyel yõ sɛnó ye ò de mɔ. Ne n yuku yèvini soko.»

⁴⁹ Gbí nê-á Yesu me kéne wey yónó soko, dí yó wil yõtẽ dí Yayirusi gbô, à pɔ yo Yayirusi tyí ne, ò písê-á yah kwlo, ònkẽ, à káh fwõtẽ kwó-ò dí kwlo.

⁵⁰ Nte, Yesu-á képah noh, à me yo Yayirusi tyí ne ònkẽ: «Káh tíki pi! Sẽ ó sã ké yõ, té á písê ki ò min we.»

⁵¹ Té pè me soko Yayirusi gbô. Páh kyi yĩni tẽ, à náh fẽ syi ney de òne, à wil Pyeri, ànê Nsyõ, ànê Nsyaki, ànê pípír sú, ànê ò yú tyí soko.

52 Légbíne, no pól sò me pípir kũ pòle n gbo me yãm yãm tyile n pi. Képah sòkò, Yesu ne: «Yé káh ne n gbo! A náh ku, dɔy sòkò ye òne.»

53 Nte, névye-á sò me ò kúntenɔ pĩ te sɛ, pè tyah kòle Yesule n ko.

54 Képah tɛ sòkò, Yesu me à tɛ ò gbò tyí, té à kah ye: «N̄ pi, yuku!»

55 Nénpó swò, ò min núkú ké syi de ò sòkò à kò à yuku. Wǎh yuku, Yesu me kè yah kò pé tyí ne, pè yǎrle à kò à yò.

56 Káh pi sɛ, ò dúbípú gbàn du, té Yesu kè yah kò pé tyí ne, pè káh tir mè yǎh ney tyí.

9

Yesu ò tò sáhpú népĩ gbõnimí tō

1 Sò yóle, Yesu ò tò sáhpú népĩ gbõnimí ye tuke mɔ, té tǎhkì ànê tɛnwenɔle pè kò ne, pè sétàn pòlle n yĩni, pè mó yámpúle n de n mɔ.

2 Képah sòkò, té pè tekɪ mɔ ne, pè kyɪ Liyel tǔrí tyíle n yo n kò, pè mó yámpúle n de n mɔ.

3 Té tō yo pé tyí ne, pè káh kwáh yó òtɛ tɔkò wɛkì kò yinne. Pè káh òsɪn tɔkò, pè káh pilki tɔkò, pè káh yòke tɔkò, pè káh pò tɔkò. Anê ney káh fwòmɔlɔ nínó tɔkò. Té tō ne:

4 «Yáh kyɪ we twah kéte òne sòkò, yé tɛ képah sòkò fòó, kè pɔ nɔ yé yal gbí tyí nénpó.

5 Té, nónó-à kyɪ yahle ne, yé káh twah pé tyí, yáh n wil kéne kwil sòkò, yé yé gbyêh nengbò kwer n kwe nénpó. Képah kɪ pi gbáhdýáh dínsàhnóle pé tyí.»

⁶ Képah tēne, pè me soko, à kyi n ko n kō
kwlo kwlo soko, à nìvìnì wey sánne n yo n kō,
té me yámpúle n de n mɔ ywō ywō pól soko.

Yerɔɔi foko fēkínóle

⁷⁻⁸ Légbíne, Kalile kwil tām yòtē ñgbēne,
Yerɔɔi ye sò. Nmɔ-á Yesu tyípinó nópi pól noh
gbí nēne, túkù rítē me n yo ne, Nsyō-á ñ syi min
we, à wil lékyî soko. Túkù mó ne, ñgbò Liyel
tēntò syínyo-ò Yeli-á pɔ wil mɔ. Túkù mó tō ne,
ñgbò Liyel tēntò syínyo-ò yó-á yuku wil lékyî
soko. Pāh yo sē Yerɔɔi tyí, ñ foko fēki.

⁹ Képah soko, à ne, té páh se Nsyō yō kām.*
Nte, nê tē ó tyípinó se tō pé n nohnì yò nì? Kǎh
pi sē, à tyah Yesule n yah n kō ne, pé à we.

Tówû ñgbē púnóle Yesu tyí

¹⁰ Yesu tēntōbe-á pé syi pɔ ñ tnô, pè pé
tyípinó pól yāh à syah. A me pè tē yal pé yahle,
à yuku péle kwil yó gbòpɔ, pè n ye Besayidale.

¹¹ Nte, tówû-á pɔ pé sókónó pī sē, pè pé nyáh
sō kyi nékwínkíle. Képah soko, Yesu pè tē palle,
me Liyel tōrí tyile n yāh pé tyí, té me yámpúle
n de n mɔ, nónó-á sò me lènole n yah n kō.

¹² Nte, gbí-á pɔ n yi, ñ tō sáhpú nɔ de ñ tnô, té
me yo ñ tyí ne, ñgbò gbēnni tyah soko-á péle ásô
dé! Nkē, wǎh náhkì tówû fin mɔ, pè kyi sē-ńtân
ànê yòke yah kō gbòplo kwlo ànê yèpiyey soko.

* **9:9** 9.9 - Yah n te Marki sébéy 6.14-29 soko.

13 Képah sɔkɔ, Yesu yo pé tyí: «Yépi yõke yah pè kɔ̀ pè yõ yé gblɔ́y kè!» Pè me à syah ne, búrn pló kwɔ, ànê yẽnkyɔ pló nínó ó-á me pé tyí dé! Tí, à se me ké tyí ne, pépi kyɪ yõke dwe po nékwínkí nópi pu ni?

14 Té díbí sò no népí kèyõ nínó kyegbãm kénkõle nénpó.

Képah sɔkɔ, Yesu me yo ò tò sáhpú tyí ne, pè no kɔ̀ pè kɔ̀ tẽ ùnkìnóle népí tikiníni pó gbãm gbãmne.

15 Pè kè pi, wãh yo sɔ̀, à no pól kɔ̀ pè kɔ̀ tẽ.

16 Képah tẽne, Yesu me búrn pló kwɔ, ànê yẽnkyɔ pló nínó nópi tɔkɔ, té ò yah yõ yĩnyõ, à Liyel ni sé yõ, té sè kwɔki, à ò tò sáhpú kɔ̀ ne, pè syi tówú kɔ̀.

17 Képah-á pi, no pól yõ tɔ̀. Té pè pé yónkwɔlɔnɔ tuke mɔ, vyó gbõninó yíine.

Pyeri kè yo ne, Krista-á Yesule

18 Sò yóle, Yesu sò me ò gbɛ kyɪ tẽ níriɛ n pi, ò tò sáhpúle ò tnô. Képah sɔkɔ, à me pè piki yah ne: «Névyɛ tẽ tyí, nê me ímɔle?»

19 Pè me à syah ne, túkù-á ne, Wèlnwílkì-ò Nsyõ-á òne. Túkù me ne, Yeli-á òne. Túkù mó ne, ògbò gbí Liyel tẽntò syínyo-ò lékó yílkínmɔnɔ-á.

20 Páh yo sɛ, à pè syah ne: «Té, yépi tẽ tyí, nê me ímɔle?» Képah tẽne, Pyeri me ne íkɛ: «Krista yé ále, Liyel-á ne, páh ki nê tekɪ mɔ.»

21 Wăh yo sě, Yesu pè kah sni ne, pé káh kè yo ney syah,

22 té tǔ yǒ sɔkɔ yo pé tyí: «Névi Pi yĩne à yèvyāhrɪ pɪ náhnáh. Yèwàhnì, ànê sárká wĩlkɪpu yǒtām ñgbnɔ, ànê Liyel ñgbò wěkì kwópú kɪ à yahle n pi. A kɪ ko mɔ, té ké sèpìn tǔ-ò sóle, à kɪ ñ syɪ min we.»

Yesu sǒ tě òkùlè

23 Képah náh, à yo no pól tyí: «Névi nê-à me ké tyí ne, pé ñmɔ sǒ tě, tě ñ gblǒy dyɔ yĩ tyi ye, sǒmesó à mó ne me ñ syɪ syɪ dahnɪ twah, í sǒ tě.†

24 Yah, névi nê-à ne ñké, páh n to n pwah kũ yah, tě náh min we n pi. Nte, nê-à kũ fě syi ñmɔ yĩnne, tě wɔ min kɪ pwah.

25-26 Névi nê-á ñmɔ, ànê í wey fěnsyino yah sen ku, ñmɔ Névi Pi tɔ kɪ sen ku ne, mé náh tě pĩ, mǎh só nêne pɔ í yǒtǒrí sɔkɔ, ànê í sú tyí, ànê yĩnyǒ tǔntǒnè tyí sɔkɔ. Kǎh pɪ sě, yǒ se me ké tyí, névi-à kèkǒyó tahrɪ pól we, té n tekɪ n pi ñ min sɔkɔ, kɪ ñ gblǒy tyí yɪkɪ?

27 Gbɪ yǒ, mé kéle n yo yé tyí ne: névyè nónó-á me ásò, pé tókù kɪ Liyel tǒrí we yĩne, té kɪ me min sɔkɔ.»

Yesu òkù vìnmonɔle

28 Kéne welɔ yóntenɔ náh, sèpìn kwártǒnɔ kénkǒ-á sɔkɔ, Yesu Pyerɪ, ànê Nsyǒ, ànê Nsyakɪ tě sɔkɔ yǒlɪ yó yǒ ne, pé kyɪ nírí pɪ.

† 9:23 9.23 - Dahnɪ twáhnò n wěkɪ ne, á á vi sah á min kǒ kǒ tǔne Yesu tyí kǒle.

29 Wǎh me nírí sɔkɔ gbí nêne, ò yèpɔ dùkù vi mɔ, té ò flo piki préyy.

30 Nénpɔ swɔ, díbí nɛpí ní mí núkú wil, me yáhkìle n yǎh ànê Yesule.

31 Moyisi ànê Yeli ye sò pɔ wil mɔ yínyò tǔrí sɔkɔ, té me n yǎh Yesule, wǎh kɪ ò tò pɪ n tũ n pɪ sò, ò kúnó sɔkɔ Yerusalemɪ.

32 Té légbíne, doy sò me Pyeri ànê pé no tyí fě. Pǎh do yuku, pè Yesu tǔrí dùkù wɛ ànê díbí nɛpí ní mí nópìle yínnóle òne.

33 Képah nǎh, nɛpí ní mí nópì-á n yal Yesu tnò gbí nêne, Pyeri me yo ò tyí ne, pé yòtě, pé tǔnó-á kɪ ple ásò dé! Pǎh kɪ yèpyenɔ tǔnó pɪ. Nkě òmɔ tyí-á núkúle, Moyisi tyí me núkúle, Yeli tyí me núkúle. Té, à nǎh sò pĩ, tir nê-á à me n yo.

34 Wǎh me wékínó sɔkɔ sě, nýírkì yó núkú wil fob mɔ pé yò. Légbíne, tíkì de Yesu tò sǎhpú sɔkɔ.

35 Képah sɔkɔ, yínpò yó wil Liyel tyí nýírkì mè sɔkɔ, me n yo ne nkě: « Òmɔ nê-á yò, òmɔ ye ní pídíne, máh nê yah wilki. Yé ne n nohnɪ ò tyí!»

36 Pǎh wey mè noh nýǎh sɔkɔ, ney nǎh tǔ wɛ nénpó, né Yesu ó nǎh. Kǎh pɪ sě, ò tò sǎhpú pé vyěy vike tě syísyí. Té légbíne, pǎh tyi nónó wɛ, pè nǎh me sé sɔkɔ yó ítěne n yǎh ney tyí.

Yesu sétò yini wilki wɛnpir yó sɔkɔ

37 Dendalle, pǎh tiki yòlɪ yò, tówù òngbě yó pɔ Yesu yohnɪ.

38 Té kéne tówû sɔkɔ, dí yó sò me, à tyah n de n syi ne, kwó-ò dí, páh òne n ni, à yah dah mɔ pé pídí tyí sɔkɔ, òmɔ núkúní-á pé tyí,

39 té sètò yó-á me n yuku n pɔ ò yò. Kàh yuku ò yò, à n de n syi nénpó swɔ, ànê kě à kah n yike pélpèl, té gbèfòkòpíkínì n ne n wil ò vyãh. Anê kè nãh òne n fin n mɔ súú. Kàh pópó òne n fin mɔ, kě à fòh n kah n mɔ.

40 Képah-á, pé pɔ ò tò sáhpú ni ne, pé sètò mè yīni, té pé nãh tē we.

41 Wãh yo sě, Yesu me yo pé tyí ne, népèl, ànê Liyel yò sě-ńkě névyé nópì! Pé se yīne, pé pé ni tē, pé tē péle, pé pɔ syi gbí nê tyí ni? Nkě, à pɔ ò pídíne ásò.

42 Piri-á núkú n nɔ n de Yesu tnô, sètò à kwel min sètáh, té à yike kègbɛle. Nte, Yesu me dírí kò sètò yò, té piri de mɔ, té òne ò sú gbò dahbɛ.

43 Képah tēne, no pól gbãn du Liyel tēnprènó tyíle.

Yesu me ò kúnó tyíle n tō n yo

Nte, no pól-à sò me gbèndùnì sɔkɔ sě ò tyípínó nópì pól yīne, à me yo ò tò sáhpú tyí:

44 «Nê-á mé n tyah yónóle yé tyí, yé kè noh palle: Névi Pi kɪ n dahbɛ n pi névyé gbò.»

45 Nte, pé nãh sò me wey mè tyí yah we. Kè sò wekú wénpille pé tyí ne, pé káh ké yò pĩ. Té ké dùkú píkinyahnɔ tíkí sò me pé tē Yesu tyí.

Nê tē kal?

46 Képah sɔkɔ, tò sáhpú tyah yékâble n pɪ ne, pé pĩ nê tẽ-á kal pépi sɔkɔ.

47 Té Yesu-á pé fókósɔno pĩ sɛ, à piri yó tẽ sah ò tnô,

48 té yo pé tyí: «Nê-á tyĩ kal yépi pól sɔkɔ, òmɔ kal télóle. Képah ye, névi nê-à piri m̀ kénkõ tẽnó ple òmɔ yinne, òmɔ ye tẽ tẽ ple. Anê névi nê to-à òmɔ tẽnó ple, ní tékɪnmɔ-ò ye tẽ tẽ ple.»

Névi nê-à me ále n fwó-ńkẽne, tẽ me ále

49 Képah sɔkɔ, Nsyɔ me Yesu syah ne, pé yòtẽ, pépi-á ònî wɛ, à me sétanne n yini ò yin yõ, té à náh se sò me ò sò tẽ pépile wẽ tyí. Képah-á, pé ne, pé òne n yini n mɔ ké pínóle.

50 Wáh yo sɛ, Yesu me yo ò tyí: «Névi nê-à me yéle n fwó-ńkẽne, tẽ me yéle. Képah ye, yé káh à yini n mɔ ké pínóle.»

Yesu yáhlenɔle Samari kwil yó tãn tyí

51 Képah náh, Yesu yòndokɔnsɔkɔ gbí-á pɔ no yinyõ, à kè yah tokɔ yin núkú yõ ne ńkẽ, páh kɪ kyɪ Yerusalemɪ.

52 Káh pɪ sɛ, à tẽntò névyɛ tɛkɪ mɔ ò yahle. Pépi me wẽkì tẽ, à kyɪ de Samari kwil yó sɔkɔ ne, pé kyɪ twáh-ńsah yah sah à kõ.

53 Nte, wáh sɔnpíle ò yah mɔ n yuku Yerusalemɪ òinne, káh pɪ sɛ, nénpó tãn me yahle ne, à káh twah pé tyí.

54 Yesu tò sáhpú sɔkɔ Nsyakɪ, ànê Nsyɔ-á képah noh sɛ, pé ne, Tẽ ògbẽ, à se me ké tyí ne,

pé yĩnyõ nyàh ye mo no nópi yõ, kè tiki n po pé suke n mukuli ni?

⁵⁵ Pãh yo sě, Yesu ò yah vi pé tĩnne, à díri kò pé yõ.

⁵⁶ Képah náh, pé me wěkì tě, à soko kwil yó soko.

A tyi pól we ye, té Yesu sò tě

⁵⁷ Képah soko, pãh me wěkì yõ gbí nêne, dí yó Yesu syah ne níkě, páh ki ò sò tě n ko n kò òne, ò kó-ńtã pól soko.

⁵⁸ Wãh yo sě, Yesu me yo ò tyí: «Gběnpãhlo tyí, pì me. Kèpye tyí, syè me. Nte Névi Pi tě tyí, wénsěnmì-ńsah ńtě náh me.»

⁵⁹ Té me pyè yo ònî tyí: «N sò tě.» Kéne dí me à syah ne, à ye, páh po pé sú lékó ògbò yĩ te.

⁶⁰ Wãh yo sě, Yesu me à syah ne: «Ye lékyî kò, pé pé lékyîle n yĩ, té áwo mó kyí Liyel tǒrí tyíle n yo n kò.»

⁶¹ Képah soko, ònî yó mó yo Yesu tyí ne, pé Tě ògbě, páh ki ò sò tě. Té à ye pé kò, pé kyí ké wěkì ni pé gbô tã tyí.

⁶² Wãh yo sě, Yesu me yo ò tyí ne: «Névi nê-à nyeh weki tě swãhle n wo, té n yah náhle, tě náh fě Liyel tǒrí tò pi n pi.»

10

Tò sãhpú népî tikitõní pó gbãm pó ònó tẽntò pínóle

Yesu dúbínóle

¹ Képah náh, Tě ñgbě Yesu me tò sáhpú népî tikitóní pò gbãm pò nínó yísyó yah wah, té pè tekɪ mɔ ní mí ní mí nɛ ñ yah tinnɛ, kwlo ànê wley wley pól sɔkɔ, ñmɔ-á sò me ké tyí nɛ, pé kyɪ pé gblɔy nónó sɔkɔ,

² té yo pé tyí nɛ: «Sèmukɔ tokɔ tokɔ tẽ me dò, té ké tònɔɔɔ kwéyy. Yé sètẽ ni, à tònɔɔɔ náhnáh tekɪ mɔ, ñ sèmukɔ tokɔ yinne.

³ Yé nɛ n yuku! Té, yé me á kɪ nɛ, kérépî sò, mé n tekɪ n mɔ gběnpáhlɔ nɔyó.

⁴ Nte, yé káh pò, ànê pilki, ànê lékyèh tokɔ. Yé káh yin wɛkɪ nɛy tyí wèkì yah.

⁵ Anê, yáh kyɪ n de kéte nê sɔkɔ, yé wɛy gbennɛ, yé yo nɛ nkě: <Yèvinɪ nɛ n me kéte mɛ sɔkɔ.>

⁶ Kàh pɔ yinne nɛy me yèvinɔnɛ n yah n kɔ kéne kéte sɔkɔ, yé yèvinɪ yénmɔnɔ mɛ kɪ pɪ tẽ wɔ tyíle, yé mó tẽ nénpó. Képah-à mó pí-ńkěne, yé yèvinɪ yénmɔnɔ kɪ ké syɪ pɔ yé tyí.

⁷ Tònɔɔ ye yinne ñ tò pínó yõre wénóle. Képah ye, yáh twah kéte nê sɔkɔ, pàh yé kɔ yõke nêne, yé kè yõ, ànê pàh yé kɔ wɔ wɔ kwâh nêne, yé kè wɔ. Té, yé káh nɛ n vi n mɔ n twah n kɔ gbéngbèn sɔkɔ.

⁸ Yáh kyɪ de kwil nê sɔkɔ, té pè yé ténó ple, pàh kwâh nêne yé kɔ, yé kè yõ.

⁹ Yé mó yámpúle n de n mɔ, nónó-á me nénpó. Yé mó nɛ n yo kéne kwil tãn tyí nɛ nkě, Liyel tǔrí-á yini tẽ te pé tyí.

¹⁰ Nte, yáh kyɪ de kwil nê sɔkɔ, té pè nɛ, yé káh twah pé tyí, yé wil kyɪ pé tówû tükè-ñtàn

sokɔ, yé mó yo ne,

¹¹ pé kwil nèngebɔ̃ nê ntě-á tahlı yé gbyêh tyí, yáh kɪ sè kwer kwe pè kɔ̃. Nte, pè pĩ ne, Liyel tɔ̃rí-á yĩni tẽ te.

¹² Mé kéle n yo yé tyí ne: Liyel tukey tuke sóle, Sodɔmı* kwil fóhnó ntě kɪ fàhfàh kal kène kwil tyíle.»

Kwlo nónó-á yahle sɛ́nóle Liyel yõ

¹³ Yesu tɔ̃ yõ sokɔ yo kwlo nópi tyí sokɔ ne: «Yèvyãhrı me yé yõ, Korasini ànê Betisayida tãn! Gbıl tyi nónó-á pı yé tyí, sɛ́nkɔ-à sò me pı Tiri ànê Sidõ tãn tyí, pé Liyel wɛ̀kì tɛ́nó di náhkı me mo. Pè náhkı me yèkwɔrı flo mɔ, té náhkı me pé piki syíle pé tyípêl nàhnpĩ gbónó sokɔ.

¹⁴ Nte, tukey tuke sóle, Tiri ànê Sidõ fóhnó kɪ pı fàhfàh kal yépi tyíle.

¹⁵ Té, áwɔ-á, Kapernayumi, á se we ne, wáh kɪ yõ dɔkɔ yĩnyõ? Pólle! Á kɪ tiki yuku fósó lékókwıl nyàh tẽ-nsah.»

¹⁶ Té tɔ̃ yo ñ tò sáhpú tyí ne: «Névi nê-à n nohnı yé tyí, nımo tyí ye tẽ n nohnı, té nê-à yé yahle, nımo ye tẽ yahle ànê n tɛkı mó-ò tole.»

¹⁷ Képah náh, tò sáhpú népĩ tikitõní pó gbãm pó nínó nópi pé syı pɔ de nìvìnì sokɔ, me n yo Yesu tyí ne, pé Yõtẽ, ñmo yĩn yõ, sétãn ntě-á me n sah pépi yóré yõ!

* **10:12** 10.12 - Sodɔmı nê tyí-á yo, ké sokɔ névyé tyípêl pínó sò kah tno, fósó Liyel pɔ pé pól suke nyàhle. Kè yah n te Tyàhnó sɛ́béy 19 sokɔ.

18 Képah tēne, à me yo pé tyí: «Mé sò sétàn yòtē we, à wil yínyō, à tiki ke núkú, à pɔ syɔkɔ pù sɔ yikiri yǎl.

19 Nte, yé yah, mé tēnwɛnɔle yé kō: Yé kɔ n kɔ vyeh, ànê mĩntyĩ yō. Anê yé kɔ fě sépe tǎhkìle n yɔkɔ, té tir yó ntē náh yé nɔ n pi.

20 Té yé káh ye yé nɔ vɪ sétàn sàhnó ó tyíle yé yóré yō. Nte, yé yé nɔ vɪ ne, yé yni-á me wǎrkínsàhnóle yínyō.»

Yesu nɔ vínóle

21 Légbí-ó sɔkɔ, Yesu nɔ kah vɪ Liyel Mírki gbò yō. Képah sɔkɔ, à me ne: «Bǔ, áwɔ nê-á yínyō, ànê sétáh nétēne, mé ále n gbilki, áwɔ nê-á tyi nópi wǔbɪ yĩ pǐpú, ànê lékǎmpu yah, té séle wēnpɪ wɔ wēkɪ. Awe, bǔ, áwɔ dɔɔ yǐ tē ye ne kè pɪ sě.

22 N sú ye sé pólle ní gbò dahbɪ. Nte, ònî yó ntē náh Liyel pile n pne, né sú ó náh. Sě ó ye, ney tɔ náh súle n pne, né pídí ó náh, ànê wǎh me ké tyí ne, pé pé súle nê wēkɪ.»

23 Képah náh, Yesu ò yah vɪ ò tò sáhpú tĩne, té yo pépi ó tyí: «Yèvɪnɪ me yé tyí, yépi nóno-á tyi nópi we.

24 Mé kéle n yo yé tyí ne: Liyel tēntōne náhnáh, ànê yòtām náhnáh sò me ké tyí ne, pé sè we, té pè náh sè we. Té me ké tyí ne, yáh nóno noh, pé sè noh, té pè náh sé tɔ we noh.»

Samarɪ kwil négbí yó sèmìrkìle

25 Légbíne, Liyel ñgbò wěkì kwó-ò yó sò ne, pé Yesu mo yah, té yuku yĩn, à yo ñ tyí ne nkě, kwó-ò dí, pé se kɪ pɪ sɔ, té kɪ tyé-ńkě min we ni?

26 Yesu me yo ñ tyí ne, tir nê se wárkínsàhnóle Liyel tyi sàhnó sébéy soko ni? Tir nê se à me n kar ké soko ni?

27 Dí me yo ñ tyí ne, káh me wárkínsàhnóle ne nkě, á Tě ñgbě Liyel tyí-á yĩne kè no á tyí á ni pólle, ànê á min pólle, ànê á tǎhkì pólle, ànê á sǎno pólle. Á ní-ò to tyí mó no á tyí á gblǒy tyí kǒle.†

28 Wǎh yo sě, Yesu me yo ñ tyí: «Á yo ple. Képahle n pɪ, á kɪ tyé-ńkě min we.»

29 Nte, dí mè sò me ké tyí ne, pé gbi we. Káh pɪ sě, à Yesu syah ne, nê se péwo ní-òle ni?

30 Yesu me à syah ne: «Dí yó ye lésò wil Yerusalemɪ, à me n tiki n yuku Yeriko soko, té kyɪ wil mo yípú yǒ. Pè me à tě ñ gbǎn yí pól tě syi, té à ko markɪ sah, té soko.

31 Té, kè pɔ yĩne, sárká wílkɪpu yǒtě yó mó me n tiki n pi kéne wěkìle. Wǎh pɔ dí mè we, à gbo soko fíí.

32 Képah náh, Levi yìkì ney yó to tǒ pɔ yĩni tě nénpó.‡ Nmo to-á à we sě, à gbo soko fíí.

33 Nte, Samari ney yó sò me n yuku kóló soko, té kyɪ dí yǒ doko. Nmo wo-á à we sě, ñ yām à tě.

34 Á me no de ñ tnô, té ñwě ànê niri mo ñ níy yah, té sè pukubi. Té me à doko mo ñ yěngbě

† **10:27** 10.27 - Yah n te Tǒnyono sébéy 6.5 ànê Levibi sébéy 18.5 soko. ‡ **10:32** 10.32 - Levi nole, pépi Liyel wòkò soko tǒnpibile ye sò pɪ.

ńkwěndyíkì yǒ, à yuku ònne nẹ́pân twáh-ńsah yó sọkọ, à kyɪ yah dah mọ n tyí sọkọ.

³⁵ Ké dendalle, à me pọ pló nínó[§] wilki nẹ́pân twáh-ńsah yǒtě dí kǒ, té ne, à ne n yah n dah n mọ dí mè tyí sọkọ. Nkě, wàh kɪ sǒ gbò wilki à kah mọ képah yǒ, pàh pé syɪ pọ gbí nêne, pàh kɪ à dyah kéle.»

³⁶ Képah yóntenọ nàh, Yesu dí piki yah ne, òmọ tẹ sǒnọ sọkọ, yípú-á dí nê pɪ yọ, òmọ ní-ò se nê tẹne nẹ́pí tǒmí nọpi sọkọ nɪ?

³⁷ Liyel ògbò wěkì kwó-ò me à syah ne, nê-á n yām yah, òmọ-á. Képah tẹne, Yesu me yo n tyí: «Á tọ kyɪ sěnkǒle n pɪ.»

Yesu tẹ́nó pẹ̀pẹ̀yẹ̀ Martı ànê Mari tyí

³⁸ Té Yesu ànê n tò sáhpú-á sò me wěkì yǒ sě, à kyɪ de kwilpír yó sọkọ. Té kéne kwil sê yó sò me, pè n ye Martıle. Nmọ me Yesu tẹ ple n gbò.

³⁹ Té gbě sê yó sò me n tyí, pè n ye Marıle. Nmọ sò me pọ tẹ Tě ògbě Yesu tnô, à n welọle n nohnɪ.

⁴⁰ Légbíne, Martı yah me n vyāh Yesu fèn pínó sọkọ. A me pọ yo Yesu tyí ne, pé Yǒtě, pé gbě sê-á tò pól sah péwọ ó kǒ, té pọ tẹ n tnô, kè kó me tırlẹ n yah nɪ? A kó n yo n tyí, à péle n yohnɪ n mọ nɪ?

[§] **10:35** 10.35 - Ké légbí pọ pló nínó sò nọ gbìyìkì nùkú tò pínó danne.

⁴¹ Nte, à me yo n tyí ne: «Martı, áwɔ me á gblɔyne n kwɔ, me á fɔkɔle n sɔ tyi náhnáh tyíle.

⁴² Nte, tir núkú ó tyí ye yõrele. Mari ye ké pèpey yah tɔkɔ, nê-á kè náh n tẽ n syi n yah n pi n tyí.»

11

Yesu-á kwónó nê kɔ niri pi dukù yõ

¹ Só yóle, Yesu sò me Liyelle n ni fí yó sɔkɔ. Wäh ni te, n tò sáhpú sɔkɔ yó à syah ne, pé Yõtẽ, à pépi kwɔ Liyel ni dukùle, sɔ-á Wèlnwilkì-ò Nsyõ sò kéle n tò sáhpú kwɔ.

² Képah sɔkɔ, à yo pé tyí: «Yâh Liyelle n ni, ye ne n yo ne nkẽ:

<Sú Liyel,
no pól kɔ pè n pĩ Liyelle.
Á tɔrí kɔ kè pɔ.

³ Á sòmésó gbìyìkì yõkele ále n kɔ, nê-á kɔ n yĩne n pi ále.

⁴ Nónó-á n pi n de ápi tyí, á ye me séle n yõ n mɔ pé tyí. Képah ye, ápi tɔ tyípèl yõ mɔ á kɔ.

Anê, káh n ye à sétõ tɔnmɔnɔ fẽ n syi.»

⁵⁻⁶ Képah náh, Yesu tɔ yõ sɔkɔ yo pé tyí ne: «Yépi sɔkɔ yó tyí kódí-à me, té à pɔ wil n tyí lénile ne nkẽ, pé kódí yó-á me wil kóló sɔkɔ, à pɔ pé tyí, té yõ yõ kwâh náh me pé tyí kɔ à kɔ. Nkẽ, à dekɔ pé kɔ búrn pló tɔnóle.

⁷ Nte, ní-ò mè-à nítyínɔ tẽ wòkò sòkò táh, té yo mɔ̀ n̄ tyí ne, à káh péle n kwɔ̀, wòkò yah-á vike te núkúnúkú, péwɔ̀ ànê pé wěnpĩ-á sě, pé náh fě yuku búrnne à kɔ̀ n pi.

⁸ Mé kéle n yo yé tyí ne: dí mè-à sɔ̀ yuku séle à kɔ̀-ńkēne pé kódírí yinne, à kɪ yuku n̄ yétó yí pólle à kɔ̀ n̄ nínó gblóvyáhrí tẽ wɔ̀ yinne.

⁹ Nte, n̄mɔ̀ tẽ wɔ̀ kéle n yo yé tyí ne: yé ne n ni Liyel tyí, à kɪ yéle n kɔ̀. Yé yáhnkɔ̀nɔle n pi, yé kɪ n we. Yé wòkò yah mɪ, kè kɪ yɪkɪ mɔ̀ yé kɔ̀.

¹⁰ Sě ó ye, nê-à ni Liyel tyí, tẽ n we n syi. Nê-à yah kɔ̀, tẽ n we. Anê nê-à wòkò yah mɪ, kè n yɪkɪ n mɔ̀ tẽ kɔ̀.

¹¹ Sú nê tẽ me yépi sòkò, n̄ pi-à yěnkô ni n̄ tyí, à kɪ wahyne à kɔ̀?

¹² Képah náh pi, wàh séngbí ni n̄ tyí, à kɪ m̄nkōne à kɔ̀?

¹³ Nte, yépi nónó-á népelle, yâh yé wěnpĩ kɔ̀nó yah we yípeplɔle, sú Liyel nê-á ȳinyô, n̄mɔ̀ náh n pi ple n kal, à n̄ Mírkíle ké yáhnkɔ̀pu kɔ̀ n pi dí?»

Túkù ne, Yesu t̄enwenɔ-á wil sétàn yòt̄ẽ Belsebuli tyí

¹⁴ Só yóle, Yesu sò me sétõ yóle n yini n wilki dí yó sòkò, nê-á à kɔ̀ à wekɪ kwɔ̀. Sétõ-á fyò wil dí mè sòkò, dí tyah n wekɪ, kè pi gběndùnne tówù tyí.

¹⁵ Té túkù mó sò me n yo ne ńkě, sétàn yòt̄ẽ Belsebuli gbò yô-á à n̄ yini sétanne.

16 Túkù mó òn mónyah yĩnne, me n yo òn tyí ne, à gbìl yó pí pé yah, nê-á n wil yĩnyõ.

17 Nte, Yesu-á pé fókósõno pĩ sě, à yo pé tyí: «Kwil nê névye-à gbekı tyah wēne n fwo, kéne kwil kı pɔ yıki, ké vı kı syıkılı dohnı wē yõ.

18 Nte, yáh ne nkě, sétàn yõtě gbò yõ-á nımo sétanne n yĩni-à; sétõ-à tyah òn gblõyne n fwo, òn yõtõrí se kı n wũ n pí?

19 Nte, nımo-à me séle n yĩni Belsebuli gbò yõ, té yépi pye wɔ-á dò, nê gbò yõ me pépi n yĩni séle wé? Pépi nıtě ye kı lékàhle ye kõ.

20 Nte, Liyel gbò yõ-à mé n yĩni sétanne, képah n wěki ne nkě, Liyel tõrí-á yĩni tě yé tyí.

21 Tãhkı-á me dí nê sɔkɔ, ànê méfwóyile òn tyí, wáh òn kétele n syıki, tir yó nıtě náh fě òn gbàn yı no n pí.

22 Nte, nê tãhkı-á kal òn tyıle, nımo-à pɔ, té tě we òn tyí, à kı òn méfwó yı tě syı, wáh sò me òn gbò sah nónó yõ, té kı òn wòkò yı kwel dibi.

23 Képah ye, névi nê náh me ní pèpey neyne, ní pèlney ye tēne. Névi nê náh nıne n yohnı n mo tükènmɔno sɔkɔ, tě me kárkínóle n pí.»

Sétõ-à wil névi sɔkɔ, à n fě òn syı n pɔ

24 «Sétõ-à wil névi sɔkɔ, à n kyı gběnnı kɔ n kõ, òn mì-n̄sah yah n kõ. Wáh wé-n̄kēne, à n yo òn gblõy tyí ne, páh sò wil nıyáh sɔkɔ, páh kı pé syı yuku nénpó.

25 Wáh òn syı, à n kyı òn tě-n̄sah dyáh we yàlntõnsàhnóle, pléntnoo.

²⁶ Képah tǝne, sétõ mè n kyɪ sé no sétǎnnó kwǎrninɔ syah, nónó-á peke kal ñmɔle. Sè n kyɪ n de n tǝ tǝ sɔko. Kǎh pi sǝ, tǝ mè òkù ké syɪ n peke n kal ñ ghen tǝne.»

Yèvinɪ kègbɪle

²⁷ Képah tǝne, Yesu-á me képah yónó sɔko, pi yó tǝ tówû niyó sɔko, té yo mɔ ñ tyí yǐnpǔ ñgbǝne ne, sê nê fɔko sɔko-á à wil, té ñ yǐnó yǐ, yèvinɪ-á me ñ tyí.

²⁸ Nte, Yesu me yo pi tyí: «Yèvinɪ ye pyè me névyɛ tyí, nónó-á Liyel weyne n nohnɪ, té ké tyile n pi ké wǝkì yǔ.»

No gbɪl yó yah kǔ Yesu tyí

²⁹ Képah sɔko, névyɛ-á pɔ n tuke n mɔ Yesu tnô, à tyah n yo ne: «Kwey gbɪ névyɛle, népɛl ye péle, pè me gbɪl yóle n yah n kǔ. Nte, kèyǎh nǝ tǝ náh n pi pè wǝkì n pi, à wil Liyel tǝntò syínyo-ò Yonasɪ tyí sɔko.

³⁰ Sǔ-á Yonasɪ lésõ pi kwní yónmɔnɔle Ninivi tǎn tyí, sǝ ó ye, Névi Pi tɔ kɪ pi kwní yónmɔnɔle kwey gbɪ névyɛ tyí.

³¹ Pi nê-á lésõ yǝtǝne Saba sétáh yǔ, à lésõ wil fíí sétáh yǐn tyí, à pɔ yǝtǝ dí Salomo lékám wɛlo noh. Nte gbɪ yǔ, ney me ásô, nê-á kal Salomole. Kǎh pi sǝ, Liyel fǔ tukey tuke sǔle, kéné yǝtǝ pi kɪ yuku kwey gbɪ névyɛ tyí, kɪ lékǎhle pè kǔ.*

* **11:31** 11.31 - Yah n tɛ Yǝtǎm sébéy ghen 10 sɔko.

32 Anê tǝ, Ninivi kwil tǎn lésǝ fě syi Liyel wěkì tě, Yonası-á Liyel těntǝ yo pé tyí. Nte, ney me ásǝ, nê-á kal Yonasıle. Kǎh pı sě, Liyel fǝ tukey tuke sóle, Ninivi kwil tǎn kı yuku kwey gbı névye tyí, kı lékǎhle pè kǝ.»†

Liyel yǝ sěńó kyòole

33 «Névi se kı fǝtnǝ soh wǝbı, képah nǎh pı, kı dú kwıńki mǝ ké yah? A nǎh kè sah n pi fǝtnǝ sahkı sǝkǝ, kyòo we yıńne wǝkǝ sǝkǝ dépu tyí di?

34 Sě ó ye, á yí ye á wil kyòole. Á yí-à me ple, à wil tǝ pól n ne me kyòo sǝkǝ. Té, á yí-à me plé-ńkěne, á wil pól n ne me fěntǝ sǝkǝ.

35 Á gblǝy kyǝmı yíı, kyòo nê-á á sǝkǝ, kè kǎh ne me fěntǝne.

36 Té á wil pól-à me kyòole, fěntǝ tyah kěne ké sǝkǝ, á kı me kyòole, sǝ-á fǝtnǝle kyòo á tyí.»

Yesu nǎh kè yo nekı Farisiyěńǝ ànê Liyel ńgbò wěkì kwópú sǝkǝ

37 Yesu-á wekı te, Farisiyě dí yó à ye yǝke yǝ yıńne ń gbǝ. Képah těne, pè de à tě yǝke yah.

38 Farisiyě mè-á Yesu we, à tyah n yǝ té à nǎh ń gbǎn wu Nsyifunǝ wu dukǝle, kè ń gbǎn du.

39 Képah tě sǝkǝ, Yesu me yo ń tyí: «Sě ó ye, yépi Farisiyěńǝle, yě wóhló ànê yěyǝńvyǝ náhló wu n tǝ n sah, té yé fǝkǝ táhló n ne n me yúkúnóle pèkè, ànê yıbe dékè tyile.

† 11:32 11.29-32 - Yonası tyile, yah n te Yonası sěbéy 3 sǝkǝ.

⁴⁰ Lékám kě névye nópi, nê-á mɔ vyó náhlóle, à náh sé sɔko táhló tɔ mɔ di?

⁴¹ Yé sé sɔko táhló yí yí yãm tãn kǒ! Képah-à pi, sé pól kɪ pi palle yé tyí.

⁴² Yépi Farisiyě̀nɔle, pèkè me yé yǒ! Yě yímî ànê swāh sɔko pěnfě̀nè pól gbām-òńóle Liyelle n kǒ. Nte, yě n yahle tǒnsàhnpɪnɔle névye tyí, ànê Liyel tyí náh nɔ yé tyí. Képah nê tɔ-á sǒ yé yĩne yè ne n pi gbònwòkò kě̀ne.

⁴³ Yépi Farisiyě̀nɔle, pèkè me yé yǒ! Yě tě̀-ntàn gbrole n yah n kǒ Liyel ní-ńtàn vɪ sɔko, ò té ne me ké tyí ne, névye ne n tǒ n sah n wɛkɪ n pɔ yé tyí tówù tě̀-ntàn sɔko.

⁴⁴ Pèkè me yé yǒ, yépi nónó-á me á kɪ ne, léyâl nírinó sǒ, névye n ne n kɔ sé yǒ, pí-ńkě̀ne.»‡

⁴⁵ Yesu-á yo sě̀, Liyel ñgbò wě̀kì kwó-ò yó à syah ne, kwó-ò dí, wāh me n wɛkɪ sǒ, pépi tɔ-á à n gbyo dé!

⁴⁶ A me yo ò tyí: «Yépi Liyel ñgbò wě̀kì kwópú tɔle, pèkè me yé yǒ! Yépi nónó-á ńkě̀ne no twah n mɔ tókópě̀lle, té yé náh n fě̀ n syi n so n mɔ pé tyí kèngbo núkú fyéle.

⁴⁷ Pèkè me yé yǒ, yépi nónó-á Liyel tě̀ntò syínyopu léyâlle n tǒ n sah n mɔ, té yépi náh tãn ye mó tǒ ko mɔ péle.

⁴⁸ Képah n wě̀kì ne, yáh yé súbí tyípínó fě̀ syi. Pépi-á Liyel tě̀ntò syínyopu ko mɔ, té yépi sǒnpí pé léyâlle n tǒ n sah n mɔ.

‡ **11:44** 11.44 - Nsyifunɔ tyí, léyě̀kì yǒ kónsɔkɔnɔle, Liyel dèl ye.

49 Képah ye sò Liyel yo lékám soko ne nkě: <Mé kɪ tɛntò syínyopu tekɪ mo pé kɔ̃, ànê tɛntòbele. Pé kɪ pé tókù ko mo, té kɪ tókù fòh.>

50 Káh pɪ sɛ̃, Liyel kɪ kwey gbĩ névyé fòh n pi Liyel tɛntò syínyopu nópi yinne, nónó-á ko mo kèkõyó mo gbí dukule,

51 à tokò Abeli kònmòno tyí, à pɔ syɪ Nsakarɪ kúnó tyí, nê-á ko mo sárká wìlkì-nsah, ànê Liyel ní-nsah wòkò ògbě wró. Gbɪ yõ, mé kéle n yo yé tyí ne: kwey gbĩ névyé kɪ n fòh n pi képah yinne.

52 Pèkè me yépi Liyel ògbò wèkì kwópú yõ, yépi nónó-á Liyel wèkì wènpĩno yah kò névyé tyí. Yépi náh me n kò kéle, té nónó-á se ne, pé ne n kò kéle, yé pépi yini mo.»

53 Képah soko, Yesu wìlnteno náh nénpó, Liyel ògbò wèkì kwópú, ànê Farisiyèno pé foko vyãh òne kègbile, té tyah òne n piki n yah tyi duke duke pól yõ.

54 Pè sò me òne n mo n yah ne, à pilki ò vyãh welo soko pé kò pé à we tẽ.

12

Gblõy kyòmìnóle vyènnìni wékínóle

1 Képah soko, nékwínkí-á tuke mo tnónóle gbí òne fókò, me wè gbyèhne n suki, Yesu tyah n yo ò tò sáhpú ògbò tyí: «Yé yé gblõy tẽ Farisiyèno vyènnìni wékínóle, képah nê-á n tó n mo kókónó tyí kòle mífáhkì soko.

2-3 Tyi nónó pól-á yé n yo fěntũ sɔkɔ, sè kɪ pɔ noh gb̃intõle kyòo yah. Anê nónó pól-á yé n plo n yo wě níkiló yey, wòkò sɔkɔ táh, sé pól kwní kɪ pɔ kō gb̃ent̃in yō. Képah ye, tyípil yó ntě náh me, nê-á kɪ n wũ n pi wĩk̃inmɔ-ńk̃ene. Sèt̃in sò tir yó ntě náh me, nê-á kɪ n wũ n pi p̃í-ńk̃ene.»

Nê tíkí-á yĩne pínóle

4 «Mé kéle n yo yé tyí ne, yépi nónó-á ní kódíbíle: yé káh névye yah tíkíle n pi, nónó-á wil kò óle n ko n mɔ n pne, té pè náh t̃o tir yóle n pi n kah n mɔ n pne képah yō.

5 Nê yah tíkí-á yĩne pínóle, mé kɪ ñne yé wěki: Liyel nê-á kɪ fě névi wil kò kònmontenɔ náh, kɪ ñ min dah mɔ tyé-ńk̃ē nyàh sɔkɔ, yé ñmɔ tíkíle n pi. Mé kéle n yo yé tyí ne ńk̃ē: yé t̃ē wɔ tíkíle n pi.

6 Nt̃ēnp̃inó kwɔ náh n yãm pópíkí pló nínóle di? Nte, Liyel dyɔ náh n fwɔ sépi núkú yó ntě tyíle.

7 A wil képah sɔkɔ, yé yòyén ntě pól dan me p̃ínóle Liyel tyí. Káh pi s̃ē, yé káh tíkí pi. Yépi tyí náh tah kal nt̃ēnp̃í kwĩnkile di?»

A Yesu f̃ē syi, képah náh pi, à à yahle

8 Képah náh, Yesu t̃o yo pé tyí: «Mé kéle n yo yé tyí ne: nê-à kè yo dal mɔ névye yí yah ne ńk̃ē, páh me ñmɔ tyí yō, Névi Pi tɔ kɪ kè yo Liyel yĩnyō t̃ēnt̃onè yí yah ne ńk̃ē, wáh me pé tyí yō.

9 Nte, nê-à ní yahle névye yí yah, Névi Pi tɔ kɪ à yahle Liyel yĩnyō t̃ēnt̃onè yí yah.

10 Névi nê-à Névi Pi yínpo yo, kè kɪ yǒ mɔ tẽ kǒ. Té nê tẽ wɔ-à Liyel Mírki gbyɔ, kè náh n yǒ n mɔ n pi n tyí.

11-12 Pàh yé tẽ kyɪ tükè-nsah Liyel ní-ntân vɪ sɔkɔ, kèpah náh pɪ, yah tãm tyí, kèpah náh pɪ, yòtãm tyí, Liyel Mírki kɪ yé kwɔ nénpó swɔ, yáh nɛ nê yo n pi. Kèpah ye, yé káh ye yé yáh-nsah tyɛ, yáh nɛ n yo n wil n pi sǒ.»

Lékám kě tành dĩ sèmirkìlɛ

13 Tówú nɪyó sɔkɔ, n̄n̄ Yesu syah nɛ, pé kwó-ò dĩ, à yo pé nénkyí dĩ tyí nɛ, à ye pé pé sú gběkɪ dibi.

14 Kèpah tẽnɛ, Yesu mɛ yo n tyí: «N̄ dĩ, nê sah n̄nɛ nɛ, mé yéle n tuke, t̄ n̄, mé yé gb̄n̄ ȳlɛ n dibi?»

15 Kèpah sɔkɔ, té yo pé tyí: «Yé yé kyɔmɪ tahɪ dékè kèpékèlɛ! Tahɪ-à sǒ mɛ sǒ névi tyí, kèpah náh f̄ minnɛ à kǒ n pi.»

16 Kèpah sɔkɔ, à tǒ sèmirkì yó yáh pé tyí nɛ: «Tành dĩ yó lésò mɛ, n̄ swāh pekɪ ȳl̄ n̄ tyí.

17 Kèpah tẽnɛ, à tyah n sǒ n̄ fokɔ sɔkɔ nɛ, n̄tɛ, sèmukɔ mɔ-nsah náh se mɛ fwóɔ pé tyí, sǒ se pé kɪ pɪ nɪ?

18 Dǒ, à nɛ, páh kɪ nê pɪ n pi, kèpah á yò: Páh kɪ pé díké sɔkɪ, té kɪ sè tǒ mɔ gblò gblò, kɪ pé gb̄n̄ ȳl̄ pól mɔ sé sɔkɔ,

19 té kɪ yo pé gblǒy tyí nɛ, páh yò, yǒke dò-á mɛ pé tyí pé gb̄ sò ye náhnáh ȳinnɛ. Núkúnúkú, páh kɪ n mɪ, té kɪ n yǒ, té kɪ n wɔ, té kɪ n̄v̄lɛ n pɪ pé dyɔlɛ.

20 Nte, Liyel me yo n̄ tyí: «Lékám kě névi! Kwey lékâh n̄tē soko á min kɪ n syi n pi á tyí. Té yí nónó-á á tuke mo sah, sè kɪ pi nê tyíle?»

21 Képah soko, Yesu ne: «Névi nê-à tahrɪe n yah n koh n sah n̄ gblɔy tyíle, té Liyel fɔ́ tyí yáhnó yahle, s̄entē ye n no t̄ene!»

Sõno sàhnóle Liyel ó yõ

22-23 Képah nâh, Yesu yo n̄ t̄õ sâhpú tyí: «Névi min tyí nâh tah kal yõkele, wil tyí me tah kal flole di? Képah ye, mé kéle n yo yé tyí ne: yé kâh yé fɔkole n s̄õ, yâh ne we n yõ n pi s̄õ, ànê yâh ne yé wil flo we n mo n pi s̄õ.

24 Yé yah n̄gbõlɔle kè: Sè nâh sèmukole n duku, sè nâh sèmukole n tɔko. Díké ànê sèmuco kóhnsâh-n̄tân tɔ nâh me sé tyí, té Liyel séle n pu. Nte, yépi tyí nâh tah kal kèpyele di?

25 Yépi soko, nê t̄ē kɪ f̄ē kwéyy n̄tē fyé dohnɪ n̄ min wénó yõ n̄ fókósõno gbõ yõ?

26 T̄ēnweno-à mé-n̄k̄ēne yé tyí, à f̄ē s̄entē tir tyí n̄tē fyé pi n pi, s̄õ pi, té yé yé fɔkole n s̄õ yí t̄éló tyí soko?

27 Yé filfi pi dùkùle n yah kè: Sè nâh t̄õle n pi, sè nâh flole n t̄i. Nte, mé kéle n yo yé tyí ne: yòt̄ē Salomo n̄tēne n̄ tahrɪ pól soko, à nâh flo pèplo we mo yah filfi nópi soko yó n̄tē kètòle.

28 Fílk̄i nê wɔ-á gb̄ennɪ soko kweyne, té kɪ po n suke n pi n̄s̄õne, Liyel-á képah fi pi palle s̄ē, à nâh n yah n dah n mo n pi yépi flo tyí soko à kal sèpile di, Liyel yõ s̄ēnyĩ-n̄k̄ēpú nópi?

29 Kǎh pɪ sɛ̃, yé káh yé gblɔ̃yne n kwlo yé yòke, ànê yé wɔ wɔ yí yáhnkɔ̃nɔ tyí sɔkɔ.

30 Kèkòyó mè sɔkɔ, Liyel pǐ-ńkê névye ye ńkêne ne n yah n kɔ sépi pólle tyé-ńkêne. Nte, yépi tɛ̃ wɔle, yé sú Liyel pǐ ne, sé yétô-á me yé tɛ̃.

31 Kǎh pɪ sɛ̃, yé Liyel tǔrí ñgbò yah n kɔ! Képah sɔkɔ, à kɪ yí téló dohnɪ yé kɔ.

32 Kè ye nɔ yé sú tyí, à ñ tǔrile yé kɔ. Képah ye, yé káh tíkí pɪ, tǔnpir yípêy!

33 Yé yé gbàn yí yām, yé mó sé yí yām tǎn kɔ. Yé tahrile n yah n sah Liyel fǒ, képah nê-á kè náh n yɪkɪ, kè náh se n tyɛ. Yípu náh fɛ̃ n kyɪ nénpó, sóhrí tɔ náh fɛ̃ sè yó.

34 Sɛ̃ ó ye, á tahrɪ-à me ñyāh, á sɔnɔ tɔ n ne n me nénpó.»

Gblɔ̃ vɪnsàhnó tyí sèmìrkìle

35 «Yé ne me yé vi sah tò pɪ pɪ tɛ̃ne, yé mó yé knɔ fɪ mɔ, yé fòtnòno mó ne me kòntɛ̃nóle.

36 Yé ne me á kɪ ne tǔnpɪbɪ sɔ̃, nónó-á ńkêne me pé yòtɛ̃ syíkíntɛ̃nó sɔkɔ ne, wàh kɪ wil fúr pí-ńsah, à pɔ n de, té kɪ fyò wòkò yah mɪ, pé núkú kè yɪkɪ mɔ à kɔ.

37 Yèvɪnɪ me pé yó, tǔnpɪbɪ nónó yòtɛ̃-à ñ syɪ pɔ pè wɛ, pè me yáhnó sɔkɔ. Kègbɪ yó, mé kéle n yo yé tyí ne: yòtɛ̃ mè kɪ ñ tò pɪ pɪ flɔ mɔ, té kɪ yòkele pè kɔ pè kɪ yó.

38 Té wàh se me n syi pɔ lénɔle, képah náh pi, tyah dal gbíne, té pè me n syíkínó sɔkɔ, yèvinu me pé yǒ!

39 Yépi ntě pĩ ne, gbóntě dí-à pĩ gbí nê-á yěnwó kɪ n pɔ n pi n tyí, à náh n ye à kǒ à n we n de n pi n gbô.

40 Névi Pi kɪ n pɔ n pi gbí nê-á yé náh me n pónó tyíle n sǒ. Képah ye, yépi tɔ yé gblǒy vi sah.»

Tõnpɪ sǒré ney ànê yípíkí neyne

41 Képah sɔkɔ, Pyeri Yesu syah ne, pé Yǒtě, pépi ó yĩn se à n yǎh sèmirkí mène, tĩ no pól yĩn se ni?

42 Á me yo n tyí: «Gbô tahrɪ kyòmì-ò négbí lékám névile, nê me? Nmo pi névile, nê-á n yǒtě dí kɪ à pi n kéte kyòmì-òle. Té à kɪ tǒnpɪbi téló yǒkele péle n kǒ ké kǒ gbíne.

43 Yèvinu me n tǒnpɪ mè tyí, yǒtě dí-à n syi pɔ à we à me kéné tǒle n pi.

44 Kègbɪ yǒ, mé kéle n yo yé tyí ne: wǎh kɪ à pi n gbǎn yĩ pól kyòmì-òle.

45 Nte, tǒnpɪ mè-à tyah n sǒ n fɔkɔ sɔkɔ ne nkě, pé yǒtě dí-á kɪ mo pó-ńsah, té tyah pé no tǒnpɪbɪle n ko, pé syó, pé díbí, té me n yǒ, me wɔ wɔ yíle n wɔ, à sètɛnɛnɛ n pi,

46 yǒtě dí kɪ pɔ n yǒ dɔkɔ sǒ yóle, à náh me nê sǒ sah, ànê gbí yó sɔkɔ, à náh nêne n pne. Á kɪ pɔ à fǒh kápékèyô, té kɪ à dyah Liyel tyí yáhlepu dyah dùkùle.

47 Nmɔ nê-á n̄ yòtḗ dyɔ yĩine n pne, té à náh n̄ gblɔy vi à képahle n pi, à kɪ ko náhnáh we.

48 Nte, névi nê-á sò me kè pi n̄pí-ńkḗ sɔkɔ, té yĩne ko syínóle, n̄mɔ kɪ ko kwéyy we. Pàh névi nê kɔ náhnáh, náhnáh kɪ yah kɔ tḗ tyí. Anê náhnáh-à névi nê gbò dahbi, náhnáh tyí kɪ piki yah kal tḗ tyí.»

Gbékínó nê-á kɪ pi Yesu yinne

49 Képah náh, Yesu tḗ ne: «Nyàh ye mé pɔ sétáh yò. Té mé sò me ké tyí ne, kè ne me kɔ te!

50 Nmɔ yĩne mè n de n wil yèvyãhrɪ yó sɔkɔ, té kè náh se me n pi!

51 Yé se me n sò ne, yèvɪnɪ-á mé pɔ mó-ńsah sétáh yò? ǾǾ dé! Mé kéle n yo yé tyí ne: gbékínó wɔ-á pyé.

52 Képah ye, à tɔkɔ núkúnúkú tyí, n̄épí kwâl-à me kété núkú sɔkɔ, pè kɪ gbekɪ: Tǔmí kɪ tyah nímine n fwo, ními kɪ tyah tǔmíne n fwo.

53 Sú yó kɪ tyah n̄ pídíne n fwo, pídí yó kɪ tyah n̄ súle n fwo. Yú yó kɪ tyah n̄ písêle n fwo, písê yó kɪ tyah n̄ yúne n fwo. Yú yó kɪ tyah n̄ pídí kyile n fwo, pídí kyɪ yó kɪ tyah n̄ pe yúne n fwo.»

Tyi yáhn̄pĩnɔle, té kɪ á pi ðúkù pĩ

54 Yesu tḗ sò me n yo tówû tyí: «Yĩnyò yah yó me, yáh ńyírki we ké n̄n̄póle, yé n yo n̄n̄pó swɔ ne, pũ-á kɪ pi. Té, kè n mó n pɔ n pi sḗ.

55 Anê yah yó me, yâh fyò yáhkí we kè kô wil nénpóle, yé n ne, tyah vyáhnó kékékè-á kɪ tyah. Té, kè n mó n pɔ n pɪ sɛ̃.

56 Yinvĩ névye nópi! Yé fẽ sétáh ànê yínyõ dùkù wɔle n pne. Té sɔ̃ pɪ, tyi nónó-á n pɪ kwey gbĩne, yé náh fẽ sépi pĩ?»

A tukey dyàh tẽ yé wró t̃s sah á ní-òle

57 «Kwâh nê pɪ, té yé náh pɪ dùkù pèpeyne n sɔ̃ n tẽ n pne yé gblɔ̃y?

58 Sɔ̃-á, tir-à me yé wró ànê á ní-òle, té à n tẽ n yuku tùkè-nsah tukey tùkè-ò tyí, gbah n tẽ tir mè yah wah wěkì yah. Képah-à pí-nkẽne, té à kyɪ ále tukey tùkè-ò gbò dahbɪ, tukey tùkè-ò me kyɪ ále sràsyíbí tyí, té pépi me n dah mɔ wòkònpèkè sɔkɔ.

59 Mé kɪ kè yo dal mɔ á tyí ne, á náh n wil n pɪ nénpó, né á náh kɔ̃lɪ mè pól dyah te pnépné.»

13

Liyel wěkì tẽ, képah náh pɪ, á tyí kɪ yɪkɪ

¹ Légbí mè-ó sɔkɔ, nósyó pɔ yo Yesu tyí ne, yòtẽ Pilatı-á lésõ Kalile tãn yısyó ko mɔ, té pè sah sárká wĩlkínó sɔkɔ, pé tó kwe fěkɪ sárká tó sɔkɔ.

² Képah sɔkɔ, à me pè syah ne: «Yé se me n sɔ̃ ne nkẽ, Kalile tãn nópi-á tyípêl pɪ kal pé kwil tãn pólle, té yĩ mè pè nɔ?»

³ J̃s dé! Mé kéle n yo yé tyí ne: yâh Liyel wěkì tẽ-nkẽne, yé pól tyí kɪ n yɪkɪ n pɪ sɛ̃.

⁴ Anê, Silowe wòkò kèyy-á sykú tũ népî gbõnkwärtõmú nónó yõ, à pè ko, yé se me n sò ne nkẽ, pépi pèkè pínó-á kal Yerusalemú kwil tãn pól tyíle?

⁵ Jõ dé! Mé kéle n yo yé tyí ne: yâh Liyel wẽkì tẽ-nkẽne, yé pól tyí kú n ykú n pi sã.»

Syi-nkẽ sènsóké sèswô sèmirkìle

⁶ Képah nâh, Yesu tõ sèmirkì yó yãh ne: «Dĩ yó tyí sènsóké sèswô sò me n òwẽ sésân swãh sokò. Wãh pò ké pye yáhnkõ-nsah, à nâh kwãh yó we ké sokò.

⁷ A me yo n swãh tõ-ò dĩ tyí ne, à yah, ké ye tõ-ò-á yò, pé me pyele n yah n kã n pò sènsóké mè sokò, té pé nâh me kwãh yó nítẽne n we ké sokò. Nkẽ, à kè kò fẽ! Yõ se tõ me ké tyí kè tẽ sétáhlè n wal nı?

⁸ Wãh yo sã, dĩ mè à syah ne, pé yõtẽ dĩ, à ye ké yõ nítõ, kè kwetyí pı. Páh kú swò gbò kè kore vi, té kú tũ mò ké sò.

⁹ Kàh pı sã, gbòkénpı gbí yóle, kãh kú syi. Képah-à pí-nkẽne, à kè fẽ.»

Yesu sê nédô yó de mò mı mı yòh sóle

¹⁰ Mı mı yòh só yóle, Yesu sò me névyele n kwò Liyel ní-nsah wòkò sokò.

¹¹ Té, pi yó sò me nénpó sétõle n sokò, me à pı nédòle fóó, ye gbõnkwärtõnò. A sò me kòntẽnóle, té à nâh fẽ n tórı n te n pi.

¹² Yesu-á pi mè we sã, à à ye té yo n tyí: «Pi, á ye dénmòno we á dónó yam sokò.»

13 Té me ò gbàñ sah ò yõ. Nénpó swò, à nùkú ò tòrì tómm té tyah Liyelle n gbilki.

14 Képah sòkò, pi mè-á dènmòno wé sě mi mi yòh sóle, kè Liyel ní-nsah wòkò yòtě fòkò vyāh. A me yo tówû tyí ne, sèpìn kénúkò-á tò pi pi sèpìnne. Pāh sò yīne pè pò à kō à pè de mò kéné sèpìn ó sòkò. Nkě, pè nāh yīne pè pò mi mi yòh só tōle.

15 Wāh yo sě, Tě ògbě yo ò tyí: «Yīnvī névyé nópì! Mi mi yòh sóle, yé nénúkù nùkú pól nāh nkěne yé nyeh, képah nāh pi, yé nkwěndyìnì de sé yòke krótònè tñò, ò kyì sè kō sě ni wò di?

16 Té pi mène, nê-á Abrahmi nāh neyne, sétò pukubi sah pópó, ye gbõnkwärtõno, òmò nāh sò yīne dènmònole kéné púkúbínó sòkò mi mi yòh sóle kè!»

17 Képah tēne, Yesu wey mè sennè ò fwópú pól tē, té tówû pól sò me òvì sòkò Yesu tyísno nópì pól pínó yīnne.

Liyel tǒrí me kwāh nê tǒ?

18 Képah nāh, Yesu tǒ ne: «Liyel tǒrile, kè me kwāh nê tǒ? Mé kí kè tòkò sāh kwāh nēne?

19 Kè me tyĩ, á kí ne séswô yó pi sǒ, nê-á pè n ye mútárdìle: Dí yó tòkò, à duku ò swāh. Kè fi pi séswòle, té kèpye pò sé syè pi ké yīngbān tyí.»

20 Té, tǒ ne: «Mé kí Liyel tǒrí tòkò sāh kwāh nēne?

21 Kè me á kí ne kókónó sǒ, sè yó tòkò mò fāh dú yí tǒnó mi sòkò ké pól kō kè dòkò.»

Dé-nsah fĩle

²² Képah náh, Yesu me yõ soko n yuku Yerusalemi, té névyele n kwõ n yuku, wáh n kah kwlo ñgbno ànê kwlo pĩ nónó soko.

²³ Képah soko, ñnî yó me à piki yah ne, pé Yõtẽ, névye kwéy ó se kɪ de Liyel tǒrí soko ni? A me pè syah ne:

²⁴ «Mé kéle n yo yé tyí ne: névye náhnáh kɪ syõ-nsah yah kõ ne, pé we n de Liyel tǒrí tyah soko nê dé-nsah-á me fĩ, té pè náh fẽ n tẽ. Képah ye, yé gbah n tẽ n we n de ké soko!

²⁵ Gbóntẽ dí-à pópó pɔ yuku wòkò yah tẽ mo, té yé me kégbó, yé kɪ tyah wòkò yahle n mi, té kɪ me yo tũ ne, yé Yõtẽ, à ykɪ mo yé kõ. Nte, à kɪ yo yé tyí ne, pé náh yéle n pne.

²⁶ Képah soko, yé kɪ tyah n yo ñ tyí ne nkẽ, yáh yòke yõ, té ni wɔ wẽ tyí ñne, ànê yépi tówù tükè-ntàn soko-á à kwónó pi.

²⁷ Képah soko, à kɪ yo yé tyí ne, pé náh yéle n pne. Nkẽ, yé gbe mo péle, yépi nónó pól-á tyípèlle n pi.

²⁸ Képah tẽ soko, yáh pópó Abrahami, ànê Yisaki, ànê tǒ Liyel tẽntò syínyopu pól we, pé me Liyel tǒrí soko, té yépi me yĩni mo dénòle, légbĩne, gbní ànê yní táhnó ye kɪ pi yé tyíle.

²⁹ Té névye kɪ wil kèkòyó ywõ ywõ pól soko, kɪ pɔ yòke ñgbẽ yõ Liyel tǒrí soko.

³⁰ Káh pi sẽ, nétéló tükù kɪ pi négbrole, té négbro tükù kɪ pi nétélóle.»

Yesu ne, páh kɪ ku Yerusalemi

³¹ Légbíne, Farisiyēno yísyó no de, té yo Yesu tyí ne, yòtē Yerodí-á me n yah n kō ñ kònmò-ńsahle. Képah-á, à yal n to ásô.

³² Képah soko, à me yo pé tyí: «Yé kyí yo kéné áswô pléy mè tyí ne, máh kí sétàn yīni, té kí dénmòno pí kweyne, ànê ńsône, té ńsô náhle, káh kí tye.

³³ Nte, Liyel tēntò syínyo-ò náh yīne kúnóle tyah yó, né Yerusalemí soko náh. Képah ye, mé yīne mè n yō n soko ní wēkì kólóle, kwey, ànê ńsô, ànê tō ńsô náhle.

³⁴ Yerusalemí tăn, Yerusalemí tăn, yépi nónó-á Liyel tēntò syínyopule n ko n mọ, té Liyel-á nónó tekí mọ yé kō, yé pépile n minki n ko dyēhle. Gbáhyí sō pól me mé kè yah kō ne, mé yé tuke mọ, sō-á sīn n tuke n mọ ñ pyele ñ kām sò soko, té yé náh fē syi.

³⁵ Káh pí sē, Liyel kí ñ náh vi yé kwil kō. Té mé kéle n yo yé tyí: yé náh tō ńmọ we n yah n pí fọ́, kí pọ syi gbí nê-á yé kí n yo ne ńkē: «Nê-á n pí Tē ñgbē Liyel yīn yō, sām me ñ soko.»»

14

Wílsēni yónwó yó dénmònole mi mi yòh sóle

¹ Mí mí yòh só yóle, Yesu kyí yòke yó-ńsah Farisiyēno yòtē dí yó gbô. Té nónó-á sò me nēnpó, pè me Yesule n kyomí.

² Té kè pọ yīne, wílsēni yónwó yó sò me ñ tnô.

³ Képah sɔkɔ, Yesu me pikínyahno pi Liyel ñgbò wěkì kwópú ànê Farisiyěno tyí: «À yónwó de mo mi mi yòh sóle, ké wěkì se me kǒnóle, tĩ kè se me yáhlenole?»

⁴ Nte, pè náh vi mo ñ tyí. Képah sɔkɔ, Yesu me yónwó mē tē, à à de mo, té à kǒ à sɔkɔ,

⁵ té me yo pé tyí: «Yépi sɔkɔ, nê tē pi, képah náh pi, ñ nahy ki sɔkɔ de kwlěy sɔkɔ mi mi yòh sóle, té à náh à wilki n pi súú?»

⁶ Nte, pè náh tē we tir yo ké tyí sɔkɔ.

Nê-à ñ gblǒy dɔkɔ sah, tē ki tiki mo

⁷ Képah yóntenó náh, Yesu-á néyénó kyomú we, pè me tē-ntàn ñgbnole n yah n kǒ, à vīnmónole pè kǒ ne:

⁸ «Pàh ñ ye fúr yóke yó-nsah, káh n kyí n tē tē-nsah ñgbě sɔkɔ. Wáh képah pi, té pè me ñnî ye, nê-á kal áwole,

⁹ yé yé-ò káh po ñ syah ne nkě, á yuku, á mó tē-nsahle tē kǒ. Légbíne, á ki yuku sen sɔkɔ, ki kyí tē tē-nsah tyí sɔkɔ.

¹⁰ Nte, pàh ñ ye, kyí n tē tē-nsah tyí sɔkɔ. Á yé-ò-à po ñ we sě, à ki yo á tyí ne, pé kódí, á no po tē-nsah ñgbě sɔkɔ. Képah sɔkɔ, kè ki pi gbílkinóle á tyí yóke yópú pól yí yah.

¹¹ Nkě, névi nê-à ñ gblǒy dɔkɔ sah, tē ki tiki mo, té nê-à ñ gblǒy tiki mo, tē ki dɔkɔ mo.»

¹² Té ñ syí yo ñ yé-ò dí tyí: «Wáh névyele n ye yókele gbìntǒle, képah náh pi, lékâhne, káh á kódíbí ye, káh á yúnpyé ye, káh á tyí névyé ye,

káh á tnô tẽpu tahbi ye. Pépi to ki fẽ po ñ ye
yõke ñgbẽ yónóle, kè kã kè ki pi á yénó mè
lédyáhníne.

¹³ Nte, wâh névyele n ye yõkele, yãm tãn, ànê
nédónè, ànê gbáhkì núkú névye, ànê yítũbi ye.

¹⁴ Pépi náh tẽ we ñ dyah n pi ké sõne. Káh pi
sẽ, á ki yèvinu we Liyel tyí, tyípeplo pípu
lékyî-à yilki n mo só nêne.»

Névye yénó sèmirkìle yõke ñgbẽ yó-ńsah

¹⁵ Képah soko, kéne yõke yópú soko nénúkú
yó-á kéne welo noh sã, à me Yesu syah ne, névi
nê-á ki yõke yõ n pi Liyel tóri soko, yèvinu-á
kéle tẽ tyí dé!

¹⁶ Yesu mó yo ñ tyí: «Dĩ yó lésõ yõke ñgbẽ pi,
té névye náhnáh ye.

¹⁷ Yõke yõ gbí-á po no, à ñ tònpi dí teki mo ne,
à kyi yo néyénó tyí, pè po, páh tye núkúnúkú.

¹⁸ Nte, pé pól tyah gblõy yele n yah n kã dùkú
núkúle. Négben à syah ne, páh swãh yó dwe
núkúnúkú, ñkẽ páh yĩne pé kyi kè yah. Páh ñne
n ni, à ñ gblõy ye pé tyí.

¹⁹ Nnî me ne, páh sètõnyehno gbãm dwe
núkúnúkú, té páh n yuku sé pínyah-ńsah. Páh
ñne n ni, à ñ gblõy ye pé tyí.

²⁰ Nnî me ne, páh sê toko núkúnúkú, képah-á
pé kã pé náh n we n po n pi.

²¹ Tònpi-á ñ syi po, à po tyi nópi pól yãh ñ
yõtẽ dí syah. Képah soko, kétéťe dí foko vyãh, à
me yo ñ tònpi tyí ne, à kyi súú kwil tówú

tùkè-ntǎn ànê wǎl yey soko. A kyɪ yǎm tǎn, ànê nédónè, ànê yítǔbi, ànê gbáhkì núkú névye tẽ pɔ ásô.

²² Képah náh, tǒnpi n̄ syɪ pɔ yo n̄ tyí ne, pé yǒtẽ, wǎh nê yo, páh kè pi, té tẽ-ntǎn tókù-á tǒ me.

²³ Kǎh pi sɛ, yǒtẽ dí me yo n̄ tyí ne, à kyɪ wẽ-ngbno yey, ànê névye fwórínkǒ-ntǎn soko, à kyɪ névye kǎhlɪ tẽ pɔ, pé wòkò kǒ kè yuku.

²⁴ Páh kéle n yo pé tyí ne: nónó-á sǒ yénóle, pé soko yó ntẽ náh pé yǒke dɔ n yah n pi.»

A tyi pól we ye, té Yesu sǒ tẽ

²⁵ Képah náh, Yesu-á n soko, tówú ngbẽ sǒ me n̄ sǒ tẽ. A me n̄ yah vi, té yo pé tyí:

²⁶ «Nê-à pɔ n̄mɔ tyí, té n̄ tyí náh no kal n̄ tyí n̄ súle, ànê n̄ yúne, ànê n̄ kyle, ànê n̄ wɛnpile ànê n̄ yúnpyle, à tahlɪ n̄ gblóy tɔ tyí, tẽ náh fẽ n pi n pi n̄mɔ tǒ sáh-òle.

²⁷ Névi nê náh n̄ syɪ syɪ dahnɪ twah, à n̄mɔ sǒ tẽ, tẽ náh fẽ n pi n pi n̄mɔ tǒ sáh-òle. *

²⁸ Nte, yépi soko nê tẽ kɪ n yah n kǒ wòkò ngbẽ mót-sahle, né à náh tẽ, à ké gbò wilki kǒ yah, té kè yah n pi, n̄ pó-à kɪ n yĩne n pi ké mónsyínóle?

²⁹ Né tẽ náh képah pi, té wòkò sètyah wilki, té tẽ kwlɔ ké mónsyínó tyí, no-à kè we, pé kɪ tyah kóle n̄ne n ko,

* **14:27** 14.27 - Dahnɪ twáhnó n wěku ne, á á vi sah á min kǒ kǒ tẽne Yesu tyí kóle.

³⁰ té kɪ n yo nɛ, pè yah dí yóle, à wòkò mɔ tyah mɔ, té à náh tẽ wɛ kè syi.

³¹ Sě ó ye tǔ, yǔtẽ nê tẽ kɪ n yuku mékì fwó-ńsah n̄ ní-ò yǔtẽnɛ, né à náh tẽ n̄ fɔkɔ mɔ n yah n pi, wàh kɪ fẽ kyɪ méfwóbé n̄p̄i k̄yǔ kwlóle n̄ fwó-ò swah n pi, nê-á mɛ n̄nɛ n yohnu méfwóbé k̄yǔ gbãmnɛ?

³² Wàh p̄i nɛ, pé náh fẽ n tẽ n pi, à kɪ n̄ ní-ò sah fíí, té kɪ nírí pí-ò tekɪ mɔ kɪ mékì yálnmɔnɔ yah kǔ n̄ tyí.

³³ Sě ó ye, nê-à n̄ gbàn yí pól wényè-n̄k̄ɛnɛ, tẽ náh fẽ n pi n pi n̄mɔ tǔ sáh-òlɛ.»

Káh n pi yǔre k̄ɛnɛ

³⁴ «Pnɛnɛ, kwáh p̄ɛpɛy ye k̄ɛlɛ. Ntɛ, k̄é d̄ɛnd̄ɛn-à wal, sǔ mɛ kè kɪ tǔ fẽ pi d̄ɛnd̄ɛn?

³⁵ Káh pi s̄ɛ, kè náh fẽ s̄étáh tyí p̄ekɪ, k̄é náh se tǔ fẽ n pi pile. K̄ɛpah ye, kè n milki k̄égbó. Níkí-à mɛ nê tyí noh noh t̄ɛnɛ, tẽ n̄ níkí sah noh.»

15

Képo mónpunwɛnɔ s̄em̄irk̄ilɛ

¹ Mórí syípú ànê Liyel w̄k̄ì kó-n̄k̄ɛpú pól sǔ n pɔ n pɔ Yesu tn̄ò n̄ wɛy noh ȳinnɛ.

² K̄ɛpah t̄ɛnɛ, Farisiȳɛnɔ, ànê Liyel n̄gbò w̄k̄ì kwópú Yesu tȳilɛ n plɔ n yāh nɛ, dí m̄è-á mɛ tyíp̄ɛl píp̄úle n tẽ ple, té mɛ n yǔ péle n̄t̄ɛnɛ.

³ K̄ɛpah sokɔ, Yesu mɛ s̄em̄irk̄ì yó yāh pé tyí:

⁴ «K̄épȳɛn̄i l̄èkw̄ɛ-à mɛ yépi sokɔ yó tyí, té núkú mɔ pu sé sokɔ, tẽ náh sé tík̄iȳéh pó gbã

pó kwǎryǎh nópi sah n pi gbǎn sɔkɔ, té kyɪ mónpunɔ mè soh kɔ̃, à syi kyɪ à wɛ n pi di?

⁵ Té, wàh à wɛ, nìvì tǔ tyí, ǎ à twah n gběnkǎl yǔ n syi.

⁶ Wàh n syi pɔ gbô, ǎ n kódíbí, ànê n tnô tǔpu ye n tuke, n té n yo pé tyí ne nkě, pé kápó nê-á sò mɔ pu, páh à wɛ tǔ. Kápah-á, pè pɔ pé nìvì pi.»

⁷ Kápah yóntɛnɔ náh, Yesu tǔ pè syah ne: «Mé kéle n yo yé tyí: sǔ ó ye, tyípèl pí-ò nénúkù fyé-à Liyel wěkì tǔ, nìvì kɪ pi Liyel fǒ kɪ kal népî tíkíyéh pɔ gbǎm pɔ kwǎryǎh nópi tyíle, pépi nónó-á ne nkě, páh me néglólɛ Liyel yah, Liyel wěkì tǔnó yétô náh tǔ me pé tyí.»

Pó mónpunwɛnɔ sèmìrkìlɛ

⁸ Yesu tǔ yo pé tyí: «Pó pló gbǎm-à me sê yó tyí, té sé sɔkɔ núkú mɔ pu, à náh fòtnò soh, té wòkò yal, à kè gbah soh kɔ̃, à syi kyɪ kè wɛ n pi di?

⁹ Té wàh kè wɛ, ǎ n kósyó, ànê n tnô tǔpu ye n tuke, n té n yo pé tyí ne nkě, pé pɔ nê-á sò mɔ pu, páh kè wɛ. Kápah-á, pè pɔ pé nìvì pi.»

¹⁰ Kápah yóntɛnɔ náh, Yesu tǔ pè syah ne: «Mé kéle n yo yé tyí: sǔ ó ye, tyípèl pí-ò nénúkù fyé-à Liyel wěkì tǔ, yínyô tǔntônè kɪ nìvìle n pi.»

Pídí mónpunwɛnɔ sèmìrkìlɛ

¹¹ Kápah náh, Yesu tǔ yo pé tyí: «Dínpî népî ními lésò me dí yó tyí.

12 Só yóle, gbě tẽ yo ò sú tyí ne, pé bõ, ò gběki soko, nê-á pé we we tẽne, à kéle pé kõ. Wãh yo sě, ò sú me ò tahrı dibi pè kõ.

13 Sèpìn yısyó sókónteno náh, gbě tẽ ò tyí yãm, té ò pó tókó soko kwil fíı yó soko. A kyı sè pı karkı tyıwân yõ.

14 Wãh ò pó pól pı karkı te gbı nêne, kwénpékè yó de kéne kwil. Képah soko, yãm à tẽ.

15 Kãh pı sě, à kyı tò yah kõ kéne kwil ney yó tyí. Tẽ mè à tekı mọ ò swãh, ò sel syıki yinne.

16 Á sel yõkele n yah yèwanne, òte ney náh òne n kõ kéle.

17 Képah soko, ò yí-á pọ yıki, à tyah n sõ ne, pé bõ tyí yõke-á me dò, ò tònpiı pól me n yõ n kwlo n sah. Nte, péwó-á ásô kweki n ko.

18 Nkě, páh kı soko pé bõ tyí, té kı yo ò tyí ne, pé bõ, páh pı de Liyel tyí, té pı de ò to tyí.

19 Pé náh tõ yĩne yénóle ò pile. Nkě, à péle n tẽ ò tònpi sõ.

20 Képah tẽne, à soko ò sú tyí. Wãh me fíı ò sú gbôle, ò sú à we. Wãh à we sě, ò yãm à kah tẽ, à me to kyı à yohnı pọrı tẽ.

21 N pıdı me yo ò tyí ne nkě, pé bõ, páh pı de Liyel tyí, té pı de ò to tyí, pé náh tõ yĩne yénóle ò pile.

22 Nte, ò sú me yo ò tònpiı tyí: <Fwòmò-ngbẽ nê-á ple kal, yé kyı ké tókó súú, yé pọ mọ à kõ. Yé gbôngbo táhnı dyı à kõ, yé mó lékyêh dyı à kõ.

23-24 N pídí nê-á yò, kè pɪ nɛ, à sɔ̃ sò ku, té tɔ̃ n̄ syɪ min wɛ. A lésò mɔ pu, té à ye wɛ. Képah ye, nɪrɪ-á mɛ náhpíkì nê sɔkɔ, yé ñmɔ tɛ̃ n pɔ n ko á nɛ n yò, á mó nɛ n syah nìvìlɛ.› Képah tɛ̃ sɔkɔ, pè tyah syáh syáhnóle nìvì sɔkɔ.

25 Légbíne, n̄ pídí lékɔ́nì sò mɛ swāh sɔkɔ. Wāh n̄ syɪ n pi, té nɔ de gbôle, à yímónì, ànê yínó yínpɔ̃ noh.

26 A tɔ̃npɪ yó ye piki yah, tir nê-á n pɪ.

27 Ñmɔ mɛ yo n̄ tyí nɛ, n̄ gběndí-á pɔ de n̄ lènɔle, képah-á nɪrɪ-á mɛ náhpíkì nê sɔkɔ, n̄ sú mɛ à tɛ̃ ko.

28 Képah tɛ̃nɛ, nénkyí mè fɔkɔ vyāh, à yahle dénóle gbô. Ñ sú mɛ wil nɛ, pé à ni à de.

29 Képah sɔkɔ, à yo n̄ sú tyí nɛ, à yah, ké ye náhnáh-á yò, té pé mɛ n̄ tòle n pɪ. Pé náh n̄ yóré yahle yah. Nte, à náh pùképir ñtɛ̃ fyé tɛ̃ pé kɔ yah, pé syi ko syáh syah pé kódíbìlɛ.

30 Té n̄ pídí mè wɔ-á pɔ, ñmɔ nê-á n̄ tahrɪ pɪ karkɪ syó fɔfínì yò, à náhpíkì ko ñmɔ kɔ.

31 Képah sɔkɔ, n̄ sú yo n̄ tyí: «Ñ pídí, áwɔ mɛ kúmm ní tnô, ní gbàn yí pólle, áwɔ tyí ye.

32 A gběndí nê-á yò, kè pɪ nɛ à sɔ̃ sò ku, té tɔ̃ n̄ syɪ min wɛ. A lésò mɔ pu, té à ye wɛ. Képah ye, mé yīne mè syáh syah, mé nìvì pɪ.»

16

Liyelle ànê pólɛ

¹ Képah náh, Yesu yo ò tò sáhpú tyí: «Tàh dí yó ye lésò, à nnî tɔkɔ sah ò tahrɪ yõ, té pè pɔ yo ò tyí nɛ, tẽ-á mɛ séle n pɪ n karkɪ.

² N yòtẽ dí mɛ à ye, té yo ò tyí nɛ, pé náh mɛ tyí péplɔle n nohnɪ ò tyí sɔkɔ. Káh pɪ sɛ, à náh tã fẽ n tẽ n pɪ pé tahrɪ yõ. Képah-á, à ò tò pɪ dùkù yah yo pé syah.

³ Képah sɔkɔ, tahrɪ yõ tẽ-ò dí mɛ mɛ yo ò gblɔy tyí nɛ, pé yòtẽ dí-á kɪ pé yal n pɪ ò tahrɪ yõ. Sõ se pé kɪ pɪ nɪ? Swãh tã tã tãhkì náh se mɛ pé sɔkɔ. Té, nínsyino tẽnɛ, ké sen-á mɛ pé sɔkɔ.

⁴ Nte, páh pĩ, páh nɛ nê pɪ n pɪ, té névye kɪ pé tẽnó plɛ pé gbɛn sɔkɔ, pàh pɔ pé fin mɔ pé tò.

⁵ Képah tẽnɛ, à ò yòtẽ dí kmɔ nétãnnɛ n ye núkú núkúle, té négben piki yah nɛ, dan nê se pé yòtẽ dí kɔlɪle ò yõ nɪ?

⁶ À mɛ nɛ, nɪrɪ pní yí lèkwě-á. Tahrɪ yõ tẽ-ò dí mɛ à syah nɛ, ò kɔlɪ sɛbéy-á yò, à kɔ n tẽ súú, à wãrkɪ mɔ ké sɔkɔ nɛ níkě, nɪrɪ pní tikinini pó gbãm-á.

⁷ Képah náh, à yo kèyãh tyí nɛ, té ònmɔ-á dò, dan nê se à yĩnɛ à kɔ nɪ? Nmɔ mɛ à syah nɛ, sèmukɔ gbòtónì yí lèkwě-á. À mɛ yo ònmɔ tyí nɛ, ò sɛbéy-á yò, à wãrkɪ mɔ ké sɔkɔ nɛ níkě, sèmukɔ gbòtónì yí tikiyéh-á.

⁸ Képah tẽ sɔkɔ, ò yòtẽ dí à sò ké yah wénpɪnɔ yĩnnɛ. Kègbɪ yõ, kèkõyó névye tyi yahle n wɛ n pɪ pé wẽ wró lékámkãmɛ, à kal kyò sɔkɔ névyele.»

⁹ Képah náh, Yesu tǒ yo pé tyí: «Nmo wo kéle n yo yé tyí ne: póle, gběntěnáh kwâh tě wo ye kéle. Nte, yé kéle kódíbí yah kǒ. Kàh pópó pɔ n kne, yé kɪ tě ple tyé-ńkě tyah soko.

¹⁰ Nkě, névi nê-à pɪ négbíle tir tyí soko, à kɪ pɪ négbíle tir gblò to soko. Té nê-à yínvɪ pɪ tir tyí soko, à kɪ yínvɪ pɪ tir gblò to soko.

¹¹ Képah ye, pó nê-á gběntěnáh kwâhle, yâh pí-ńkěne négbíle képah tyí soko, nê kɪ dahbɪ yé gbǒ yínyǒ tahrɪ kègbile?

¹² Té, yâh pí-ńkěne négbíle nékáhbí gbǎn yí tyí soko, nê kɪ yé yěngbě tyínole yé kǒ?

¹³ Tǒnpɪ yó ńtě náh fě tǒ kwɔ n pɪ yǒtām népí ní mí tyí. A kɪ núkú dyo yo, té kɪ nɔ n ní-òle, képah náh pɪ, à kɪ mo núkúle, té kɪ n ní-ò we mo. Sě ó ye, yé náh fě tǒ kwɔ n mo n pɪ n pɪ, Liyel ànê pó tyí.»

Nìvìnì wey sǎn ànê Moyisi tyi kǒnsàhnóle

¹⁴ Képah soko, pó tyí-á nɔ Farisiyěno tyí sě, pépi-á welo nópi pól noh, pè tyah kóle Yesule n ko.

¹⁵ Képah těne, à me yo pé tyí: «Yépile, yě yé gblǒyne n wěkɪ négbíle névyé yah soko. Nte, Liyel yé nnole n pne. Ngbǒ névyé-á tir nêne n gbilki, Liyel dêl ye képahle dé.

¹⁶ Moyisi tyi kǒnsàhnó ànê Liyel těntǒ syínyopu sébéynó sǒ me n mo n kǒ n yíí fǒó, à pɔ syɪ Welnwìlkì-ò Nsyǒ me gbí tyí. Té à tǒko légbí tyí, nìvìnì wey sǎn me n yo Liyel tǒrí tyí

sokɔ, té tǎhnsǎhnó ó sokɔ ye no pól kɪ n de n pi ké sokɔ.

17 Nte, yǐnyō ànê sétáh kɪ yal sé slo sokɔ sérɔɔ kal tir kyĩrí wǐlkínóle Liyel tyi kǒnsǎhnó sokɔ.

18 Sǒ-á kè yo ne, dí nê-à ò kyi wilki, té ò syi kèyǎh tɔkɔ, fòfínpi-á òne. Anê, sê nê pe-à à wilki, té névi nê à tɔkɔ, fòfínpi-á tǎne.»

Tàh dí ànê Lasari tyípinè

19 «Tàh dí yó lésò me, à fwòtǎhnì dénkókónè n mɔ, té kwánkwán yéle n yǒ sǒmesó, me nìvìle n pi.

20 Té yǎm ney yó tɔ sǒ me, pè n ye Lasarile. A sǒ me sǎntǎnóle tàh dí mè gbô yah. Ñ wil pól sǒ me níyne.

21 A sǒ níkǎne ne me ké tyí ne, pé yǎnmírne n tǒ n yǒ, tàh dí-á nónóne n yǒ n kwe. Nte, pǎhlo ye sǒ n do ò níyne.

22 Sǒ yóle, yǎm ney mè ku, yǐnyō tǎntǎnè me yuku òne Abrahmi tnô. Tàh dí tɔ me ku, pè kǒ pè yǐ.

23 Nte, wǎh kyi lékókwíl sokɔ, à kyi fóhnóle n we. Wǎh ò yah yǒ yah, à Abrahmi we fíí sokɔ, Lasarile ò gbòpɔ.

24 Képah sokɔ, à ye yah fléyy ne, pé sú Abrahmi, níkǎ pah me n kwlo kérékéyô nyàh mè sokɔ. Képah-á, à pé yǎm yah, à mó Lasari tekɪ mɔ, à pɔ ò kèngbɔ vyǎh dahbi wilki ni sokɔ, à sah pé nénpóri yǒ kè kǒ kè vi.

²⁵ Nte, Abrahami me yo ò tyí: <Nmò pi, á dyò to n kò ne, wáh yèvinu we sòkò, wáh sò me min sòkò gbí nêne, té Lasari wò me yèvyãhri we. Nte núkúnúkú, òmò me yèvinu sòkò, té áwò me yèvyãhri sòkò.>

²⁶ A wil képah sòkò, pwãh ògbě me yépi ànê ápi wró. Képah yinne, ásô névyè nónó-á me ké tyí ne, pé kyí yé tyí, pè káh tẽ we, ànê nénpó névyè nónó-á me ké tyí ne, pé pò ápi tyí, pé to káh fẽ tẽ.>

²⁷⁻²⁸ Képah sòkò, tàh dí me à syah ne, pé sú Abrahami, káh pi sě, yúnpyé népí kwâl-á me pé tyí, páh òne n ni, à Lasari tekí mò pé sú kéte sòkò, à kyí kè yo sah pé tyí, pé to káh pò de yèvyãhri tẽ-òsah mè sòkò.

²⁹ Abrahami mó yo ò tyí: <Moyisi tyi sàhnó, ànê Liyel tẽntò syínyopu welo me pé tyí. Pè sépi tyíyónóle n pi!>

³⁰ Wãh yo sě, dí mè tã à syah ne, képah náh n yĩne n pi, pé sú Abrahami. Nte, névi-à kí wil lékyí sòkò, à kyí yo pé tyí, páh kí Liyel wěkì tẽ.

³¹ Képah tẽne, Abrahami me tã yo ò tyí: <Pàh kí yahle Moyisi ànê Liyel tẽntò syínyopu welo nóhnóle, névi-à sã wil lékókwíl à pò kèkõyó, à kyí yo pé tyí, pè náh n sě n pi ké yõ tã òtõ.>

17

Tyípékèlè ànê ké yõnmònlè

¹ Képah náh, Yesu yo ò tò sáhpú tyí: «Tyi nónó-á névile n mò tyípékè pínó sòkò, sépi náh

fě n ye wénóle. Nte, névi nê tyí-á ké yõ wil,
yèvyãhrı me tẽ yõ.

² Kè kɪ sò fónfó kal, pàh yínónan toh tẽ yègbı,
té à min dah mɔ pne yo sɔkɔ à kǎ à káh pɔ n̄mɔ
yõ sě-ò tyĩ yó n̄tẽ dah mɔ tyípékè sɔkɔ.

³ Yé yé gblǒy tẽ dé!

Á yúnpi-à pı de á tyí, wɛkɪ n̄ yõ! Wàh ké
nàhnpĩ gbo, kè yõ mɔ à kǎ.

⁴ Anê wàh pı de á tyí gbáhyí kwǎrninɔ gbìyìkì
núkú sɔkɔ, té n̄ne n syı n yo n pɔ á tyí fóó
gbáhyí kwǎrninɔ ne, páh me ké nàhnpĩne n
gbo, séle n yõ n mɔ n̄ tyí.»

Liyel yõ sěńóle

⁵ Képah sɔkɔ, Yesu těntõbe à syah ne, pé Yõtẽ,
à wán mɔ pépi Liyel yõ sěńó yõ.

⁶ Tẽ ñgbě me yo pé tyí: «Gbı tẽ yõ, yé Liyel yõ
sěńó-à sò me tyĩ ñsõ, mútárdì pi fyé sǎ, yé
náhki sò fě yo sěnsóké m̄e tyí ne n̄kě, kè ké
gblǒy viki kyı sǎ pne yo sɔkɔ, té kè náhki kè pı
yé yóré yõ.»

Tõnpi tǎ-á n̄ne

⁷ Képah náh, Yesu yo pé tyí: «Tõnpi yó-à me á
tyí, me á swãhle n wɔ, képah náh pı, á yípêyne
n fě... wàh wil swãh, à pɔ n de á wɛ, á se kɪ yo
n̄ tyí ne, à sal n pɔ yõke yõ?

⁸ Á náh pyě tǎ n yo n pı n̄ tyí ne, à áwɔ yõke
ñgbò pı, képah náh, à mó flo yísyó mɔ pɔ, á ñne
n tǎ á yõke yõ gbĩne, té képah náh, à mó pyě pɔ
yõ, à mó wɔ di?

9 Té tònpi mè-á n tò pi ké wěkì yõ, á se ki n yíngbí yo? N pi pi tò ó náh à pi di?

10 Képah núkú ó ye yépi tó tyí: Tyi nónó-á yah kō yé tyí, yáh sè pi te, yé yo ne, tònpi ó-á yéle. Yáh sò yĩne yè nê pi, képah ó-á yé pi.»

Yesu tótām népî gbām de mo

11 Yesu-á sò me n yuku Yerusalemi, à syõ soko Samari ànê Kalile gbàh yõ.

12 Wǎh kyi n de kwílpír yó soko, díbí tótām népî gbām yísyó pò à yohni. Pè sò me yĩn fíí,

13 té tyah n yo n mo n tyí yínpõ ñgběne ne nkě, pé yõtě Yesu, à pé yām yah.

14 Wǎh pé we sě, à yo pé tyí ne, pé kyi pé gblõyne sárká wílkpu yõtām wěki. Pǎh képah noh sě, té wěkì tẽ n yuku, pé de.

15 Pé soko nénúkù yó-á kè we à de sě, à n syi Liyel yĩn gbilki pò Yesu tnô yínpõ ñgběne.

16 A pò kò kwĩnki n yah di sétáh Yesu yah, à weki n tyí. Té kéne díne, Samari ney ye sò ñne.

17 Yesu-á à we sě, à ne: «Népî gbām nópi pól náh de di? Nte, kwǎryǎh nópi téló-á dò, pépi nyǎh?»

18 Ney náh we pépi soko à n syi pò weki Liyel tyí, à wil nékâh mè tyí soko kè?»

19 Té me n syi yo kéne dí tyí: «Yuku n ne n yuku! Á Liyel yõ sěno n pwah mo.»

Liyel tǒrí pónó tyíle

20 Képah náh, Farisiyěno Yesu piki yah ne, gbí nê se Liyel tǒrí kɪ n pɔ n pi nɪ? A me yo pé tyí: «Liyel tǒrí náh n pɔ n pi kwáh yó sǒ nê-á n we yíne.

21 Anê tǒ, ney náh n yo n pi ne, kè we yò, képah náh pi, kè we yàhàh. Nte, yé pĩ ne níkě, Liyel tǒrí-á me yé wró.»

22 Képah náh, Yesu tǒ yo n tǒ sáhpú tyí: «Sǒ yó me n pi, Névi Pi we dékè kɪ me yé tẽ, té yé náh à we n pi.

23 Pè kɪ yé syah ne, wǎh yò, képah náh pi, wǎh yàhàh. Nte, yé káh n kyɪ, yé káh ne n sal.

24 Sǒ-á pũ n yĩkiri yǎl, à tɔkɔ yínyo yah yó tyí, à kyɪ syɪ ké yah yó tyí, sěntě ye Névi Pi pónó kɪ pi.

25 Nte, Névi Pi ñgbò yíne à yèvyǎhrɪ pi náhnáh, ànê kwey gbĩ névye mó à yahle.

26 Kǎh pi sǒ ñgbòle Nowe gbĩ sɔkɔ, sě tɔ ye kɪ pi Névi Pi syínpo gbíne.

27 Névye lésǒ me n yǒ, té me n wɔ, té me syóle n tɔkɔ, té me n de pɛbɪ tyí fóó, à pɔ syɪ sǒ nê-á Nowe de krótó-ñgbě sɔkɔ. Képah tẽ sɔkɔ, púnphákɪ pi, ni pé pól yǒ.*

28 Anê, kè kɪ pi, kǎh pi sǒ ñgbòle Lotɪ gbĩ tɔ sɔkɔ: Névye lésǒ me n yǒ, té me n wɔ, té me yídwénène n dwe, té me yíyǎmne n yǎm, té me swǎhle n tǒ, té me vùle n mɔ.

29 Nte, Lotɪ-á wil sǒ nêne Sodomɪ sɔkɔ, Liyel nyàh lépǒ ànê nyàh lépúkú tiki mɔ pé yǒ pũ sǒ

* 17:27 17.26-27 Yah n te Tyàhnó sébéy 6.9 - 7.24 sɔkɔ.

n pi, à pé suke ko.

³⁰ Sěntě ó ye kè kɪ pi n sɔkɔ n pi Névi Pi syínpo sóle.

³¹ Ké lésõ-à pɔ, névi nê we gběntín yõ, té vyó me tẽ tyí wòkò sɔkɔ, à káh ne, páh n tiki n yuku sé tókó-ńsah. Té nê to-à me swāh sɔkɔ, tẽ káh ne, páh péle n syi n yuku gbô.

³² Yé yé dyo to kō Lotɪ kyɪ tyíle kè!†

³³ Sě ye, nê-à ne, páh pé minne n koh n sah, tẽ kɪ tekɪ ké sɔkɔ, nte nê-à tekɪ n min sɔkɔ, tẽ wɔ min kɪ pwah.

³⁴ Mé kéle n yo yé tyí ne: kéne lékâhne, népî nímí kɪ me sě sě kwāh núkú yõ, núkú kɪ tẽ sɔkɔ, té n ní-ò kɪ wũ.

³⁵ Syó népî nímí kɪ me yíle n nɔ wě tyí, núkú kɪ tẽ sɔkɔ, té n ní-ò kɪ wũ. [

³⁶ Díbí népî nímí kɪ me swāh núkú sɔkɔ, núkú kɪ tẽ sɔkɔ, té n ní-ò kɪ wũ.]»

³⁷ Képah sɔkɔ, Yesu tò sáhpú à piki yah ne, pé Yõtě, nýāh sɔkɔ se képah kɪ n pi n pi nɪ? A me yo pé tyí: «Kókè-à me nýāh, nénpó sɔkɔ nāh nkyònkýòni wě tuke n mo di?»

18

Nírí sɔkɔ gbáhntěncle

† **17:32** 17.32 - Liyel-á Sodomu ànê Gbomɔrɪle n suke gbí nêne, à Lotɪpi wilki ké sɔkɔ, té ne, pé ne n to, pé káh vi yah. Té Lotɪ kyɪ-á vi yah, à pi pne kènpinne. Yah n te Tyàhnó 19.26 sɔkɔ.

¹ Képah náh, Yesu sèmirkĩ yó yāh n tò sáhpú tyí, à pè wěki ne, páh yĩne pè nírile n pi kúmm wílkúni kēne ké sokɔ.

² A ne: «Tukey tükè-ò dí yó lésò me kwil yó sokɔ, à náh Liyel yah tíkile n pi, à náh yòyenne n sah névye yõ.

³ Té pékúsè yó tɔ sò me kēne kwil sokɔ. Nmo sò me n yo n pɔ n tyí gbímegbí ne, nê-á me péwɔ ànê pé fwó-ò wró, à kè tɔ sah pé kɔ.

⁴ Nte, kè pi di mónóle, té dí náh sò me fẽ syi. Képah náh, à pɔ yo n gblɔy tyí ne, gbi tẽ wɔ-á, pé náh Liyel yah tíkile n pi, pé náh yòyenne n sah névye yõ.

⁵ Nte, pékúsè mē-á me pé gblóle n vyāh n pɔ, páh ki n tir mē yah wah à kɔ, pé yah mó vi.»

⁶ Tẽ ngbẽ Yesu-á képah yāh te, à tɔ yo pé tyí: «Yé tukey tükè-ò dí mē wey noh kè, nmo nê-á fĩn yó-òle.

⁷ Nte Liyel wɔ-á nónó yah tɔkɔ, té pè me ñne n ye n gbo lékâh ké gbintɔ, à náh pé tyi yah wah pé kɔ n pi di? A se ki mo pé yòhn̄nmɔ-ísah?

⁸ Mé kéle n yo yé tyí ne: wāh ki pé tyi yah wah pé kɔ súú. Nte, Névi Pi-à só nēne pɔ sétáh yõ, à se ki pɔ Liyel yõ sēnó we?»

Sèmirkĩ nê-á yāh Farisiyẽ ànê mórí syî-ò tyí sokɔ

⁹ Névye nónó-á sò me pé gblɔyne n yah ne ñkẽ, páh me négbóle Liyel yah, té me télóle n yilo, Yesu sèmirkĩ yó yāh pépi tyí sokɔ ne:

10 «Díbí nérépí ní mí yísyó sò kyí Liyel wòkò ògbè kéntáhkì sòkò, à kyí Liyel ni. Nénúkùlè, Farisiyè ye sò ònè, té ní-òlè, mórí syí-òlè.

11 Képah sòkò, Farisiyè mè me yuku yīn, à Liyelle n ni ò fòkò táh, me n yo nè, èè Liyel, páh n wèkú ò tyí, wáh sǒnpí péwò pí pé gblǒy. Pé náh me no tǐlǒ tyí kǒlè, nónó-á yípùlè, ànê tyítúkùní pípùlè, ànê fǒfíkì pípùlè. Páh n wèkú ò tyí, pé náh sǒnpùlè me mórí syí-ò mè sǒ.

12 Péwò-á níkìlè n tǐ sèpìn níni yòh núkú wró. Páh pé gbǎn yí wénó gbǎm-ònlè ònè n kǒ.

13 Nte mórí syí-ò wò mó sò me yīn tǐ fíí, à náh fǐ syi ò yah nǐtǐ yǒ yīnyǒ. Té me ò gbǒlè n sah ò nìwò sòkò me n yo nè: «Liyel, ní yām yah, ní mò nê-á tyípékè pí-òlè.»

14 Képah tǐnè, Yesu me nè: «Mé kéle n yo yé tyí nè: dí mè pí négbùlè Liyel yah, wáh ò syi n yuku ò tǐnne gbí nènè. Té Farisiyè wò náh sǐnkǒ wè. Gbì yǒ, névi nê-à ò gblǒyne n gbilki, à kú tiki mò. Té nê-à ò gblǒyne n tiki n mò, tǐ wò kú mó dǒkò mò.»

Yesu sām mò wǎnpì yrǒ sòkò

15 Névyè sò me n pò n pò wǎnpì yrǒ tole Yesu tyí nè, à tū pé tyí. N tǒ sáh-pù-á képah wè, pé tyah dírílè n kǒ pé yǒ.

16 Nte, Yesu me wǎnpì kǒ pè nò de ò tnô, té nè: «Nónó dùkù-á me wǎnpì nòpì sǒ, Liyel tǒrílè, pépì tyí ye. Képah ye, yé ye wǎnpì kǒ pè nè n pò n pò ní mò tyí. Yé káh pé yahle n kǒ.

17 Gbi yõ, mé kéle n yo n dal n mo yé tyí ne: névi nê-à Liyel tǒrí fěnsyi-ńkěne wěnpir tyí kǒle, à náh n we n de n pi ké soko pólle.»

Kèkōyō tahrī yahle, ñ té n we n de yīnyō tǒrí soko

18 Képah náh, Nsyifunɔ yòtě yó Yesu piki yah ne, kwó-ò pèpey, pé se yīne pé pi sǒ, pé mó tyé-ńkě min we ni?

19 Yesu me yo ñ tyí: «Kwâh nê pi, té á íne n ye <pèpeyne>? Pèpey yó ñtě náh me, né Liyel ó náh.

20 Á Liyel tyi kǒnsàhnó pĩ kè, nê-á n yo ne ńkě: <Káh fòfikì pi, káh nékókè mo, káh yībe yī, káh mìnì sah á ní-ò yõ, á sú ànê á yúne n tē ple.»

21 Wǎh yo sě, dí me à syah ne, páh me sépinó pólle n pi fók, pé wěnpir gbí dukùle.

22 Yesu-á képah noh sě, à yo ñ tyí: «Tyínúkú ó tǒ yah kwɔ á tyí: Gbǎn yī nónó pól-á me á tyí, kyɩ sè yām, ñ té sé pó dibi yām tǎn kǒ, ñ té n po ñmo sǒ tē. Képah soko, á kɩ Liyel fók tahrī we.»

23 Té dí tahrī-á sǒ kah tno sě, képah ye, wǎh wey mē noh, ñ yah kwɔ yɩkɩ.

24 Képah soko, Yesu-á ñ yah we kè kwɔ sě, à ne, tahbɩ dénó-á me tah Liyel tǒrí soko dé!

25 Nkě, yǎhmíkì dénwílnóle sèndi pwǎh soko, képah ñtē-á kɩ fàhfàh kal tàh dénóle Liyel tǒrí soko.

26 Képah soko, nónó-á sǒ me ñ weyne n nohni, pé ne, ñte, nê wɔ se kɩ mó fě pwah ni?

27 A me yo pé tyí: «Névi náh fě tir nê pi n pi, Liyel kɩ fě képah pi.»

28 Képah sɔkɔ, Pyerɪ me ne, pépi tẽ wɔle, páh pé yěngbẽ yí sah, té ñmɔ sò tẽ.

29 Yesu me yo pé tyí: «Gbɪ yõ, mé kéle n yo n dal mɔ yé tyí ne: névi nê-à Liyel tǔrí yinne ñ kéte sah, képah náh pi, ñ kyule, képah náh pi, ñ yúnpyéle, képah náh pi, ñ tyí névyele, képah náh pi, ñ wěnpìle,

30 tẽ kɪ pé lékan we kèkõyó mè sɔkɔ, té kɪ tyé-ńkê min we Liyel fò sɔkɔ ńsônɛ.»

Yesu tǔ ñ kúnó ànê ñ min syínwɛnɔ tyí yo ke tǔ-òle

31 Képah náh, Yesu ñ tò sáhpú népí gbõnimí ye pé yahle, té yo pé tyí: «Á we n yuku Yerusalemɪ sɔkɔ yò. Té Liyel tẽntò syínyopu-á lésò tyi nóno pól wǎrkɪ sah Névi Pi tyí sɔkɔ, sè kɪ n pi n tũ n pi.

32 Pè kɪ à dahbɪ Liyel pí-ńkêpú gbò. Pè kɪ kóle ñne n ko, kɪ ñne gbyɔ, té kɪ n sɪn n mɔ ñ yõ.

33 Pè kɪ à ko yèfòhle, té kɪ à ko mɔ. Nte, ké sèpìn tǔ-ò sóle, à kɪ ñ syɪ min sǎn we.»

34 Nte, Yesu wey mè sò me wénpille pé tyí. Képah ye pè náh ké syíkí-ńsah pí.

Yesu yítú yó yí yíkɪ mɔ

35 Képah sɔkɔ, Yesu-á de n te Yeriko kwille yúkey, yítú yó sò me kǔntěnlóle wěgbalɪ sɔkɔ, me n ni n syi.

36 Wǎh tówû sókónó yí noh, à piki yah ne, tir nê se ni?

37 Pè me à syah ne, Nasaretɪ Yesu-á pɔ n sɔkɔ.

38 Képah tǝne, à tyah n yo n mo léyy ne, Yesu, Davidi Pídí, à pé yām yah.

39 Té nónó-á me n ko yah tǝnne, pépi sò me díríle n kǝ ñ yǝ ne, à ñ vyāh vike. Nte, ñmo tǝ sò me n tǝ n gbah n yo n mo ne nkǝ, Davidi Pídí, à pé yām yah.

40 Képah soko, Yesu me yǝn, té ne, pé po ñne. Wāh no de, Yesu me à piki yah:

41 «Tir nê me á me ké tyí ne, mé pi á tyí?» Dí me à syah ne, pé Yǝtǝ, à kè pi, pé fǝ ne n yah ntǝ.

42 Yesu me yo ñ tyí: «Á yǝ ye yiki mo! Á Liyel yǝ sǝnó ye ñ de mo.»

43 Nénpó swǝ, ñ yǝ núkú yiki mo, té à me Yesu sò tǝ, à Liyelle n gbilki. No pól-á képah we sǝ, pé to tyah Liyelle n gbilki.

19

Yesu ànê Nsasyile

1 Yesu-á de Yeriko kwil, à sò me n kah ké soko,

2 té dí yó sò me kéne kwil, pé n ye Nsasyile.

Móri syípu yǝtām soko yó ye sò ñne, té à pi tǝhle.

3 Á sò me n yah n kǝ ne, pé Yesu we, nédúkú nê-á ñne. Té ñmo-á pi nétúkúrí neyne, tówú tnónkǝhnó tǝ tyí, à nǝh sò fǝ à we n pi.

4 Kǝh pi sǝ, à to yuku yah tǝnne, à kyi doko séswô yó soko Yesu we yǝnne. Té à ki sò po n soko n pi nénpó.

⁵ Yesu-á yĩni tẽ nénpó, à ò yah yõ té yo Nsasyi tyí ne ñkě, à tiki súú Nsasyi, páh yĩne pé twah ò kéte soko kweyne.

⁶ Képah tẽne, Nsasyi núkú tiki súú, à kyí Yesu tã sah tẽ ò ò ò ò ò soko.

⁷ Névyé-á képah we sě, pé pól tyah ò tyíle n plo n yãh ne, tyípél pí-ò tyí-á à kyí twah yò dé!

⁸ Nte, Nsasyi me no de Tẽ ògbě Yesule, té yo ò tyí ne, à noh pé tyí, pé yòtě. Páh kí pé gbãh yí tóní núkú yí yãh tãh kã. Anê, pãh me syiki nê yõ, páh kí sɛnknɔnɔ ñyáhle tẽ dyah.

⁹ Képah soko, Yesu me yo ò tyí: «Áwɔ tɔ-á pí Abrahmí nãh neyne, képah ye, pwáhnɔnɔ de kéte m̀ soko kweyne.

¹⁰ Yah, nónó-á sò me mónpunɔle, pépi yáhnkõ-ńsah ye Névi Pi pɔ kí pè pwah mɔ.»

Yòtě nê-á pò dahbi tònɔɔbi gbõ

¹¹ Képah tẽne, Yesu-á de n te Yerusalemí soko, ò welo nóhpú sò me n sò ne, Liyel tɔrí-á kí n pɔ n pí nénpó swɔ. Képah soko, Yesu me sèmĩrkí yó yãh pé tyí ne:

¹² «Yòtě yó pídí ye lésò. Sò yóle, à yuku soko kwil fíí yó soko ne, pé kyí yòtɔrí yah n kã, képah nãh, pé mó pé syi pɔ.

¹³ Wãh n soko, à ò tònɔɔbi nɛpí gbãh ye pɔ, pò dan núkúle pé nénúkú núkú pól kã, té yo pé tyí ne, pè gbòle n yí sɛpíle fóó, kè pɔ syi pé syínɔnɔ tyí.

14 Té, ò kwil névye sò me ò dyole n yo. Pè me tẽntò tekı mɔ ò náh, à kyı yo ne òkě, pépi náh me ké tyı ne, dí mè tẽ pɔ pi pépi yòtẽne.

15 Nte, à mó tɔ yòtɔrí mè we, té ò syı pɔ. Wáh pɔ, à ò tɔnpıbı nópi ye, wáh sò pó dibi nóno kɔ. Páh gbò yĩ, té pó dòhnò nê we, à sò me ké tyı ne, pé kè pĩ.

16 Képah sɔkɔ, négben pɔ yo ò tyı ne òkě, pé yòtẽ, wáh pó dan nêne pé kɔ, páh ké kénknɔnɔ gbãm yah dohnı.

17 Yòtẽ dí me yo ò tyı ne, káh ple, tɔnpı pèpèy-á òne. Wáh fyò pi négbıle tir tyıĩ sɔkɔ, wáh kı pi kwlonɔ gbãm yah tẽ-òle.

18 Ní-ò me pɔ yo ò tyı ne òkě, pé yòtẽ, wáh pó dan nêne pé kɔ, páh ké kénknɔnɔ kwlo yah dohnı.

19 Yòtẽ dí me képah núkú ó yo ò tɔ tyı ne, òmɔ pi kwlonɔ kwlo yah tẽ-òle.

20 Kèyáh me pɔ yo ò tyı ne òkě, pé yòtẽ, ò pó-á yò. Páh sò me kè dah mɔ sah fwɔ yó sɔkɔ ké tyıle.

21 Nkě, ò tò-á kah tah. Képah-á, ò tíkí me pé tẽ. Nmɔ náh sah kwáh nêne, á kè tɔkɔ. A náh sèmukɔ nê duku mɔ, á képah tɔkɔ.

22 Képah tẽne, yòtẽ dí me à syah ne, tɔnpı túkú, ò vyáh wey mè sɔkɔ-á pé kı tuke òne. Nmɔ-á sò pĩ ne òkě, pé tò-á tah, pé náh kwáh nê sah, pè kè tɔkɔ, ànê pé náh sèmukɔ nê duku, pè kı tɔkɔ.

23 Nte, kwáh nê se pi, té à náh pé pó dah mɔ

sah pò dáhnmo-ńsah wòkò sòko ni? Páh pé syi pò, páh náhki sè we wilki dòhnìnóle sé yõ.

24 Képah sòko, nónó-á sò me nénpó, à ò syi yo pé tyí ne, pè pò mè syi ò tyí, pè kéle ké kénknòno gbãm nétê kõ.

25 Pè me yo ò tyí ne, pé yõtê, sé gbãm-á me te òmo tyí dò!

26 Nte, à me pè syah ne: «Mé kéle n yo yé tyí ne: névi nê tyí kwâh-á me, pè ki tã òmo kõ. Té névi nê tyí kwâh náh me, kwéyy nê ntê-á me ò gbò, ké to ki tẽ syi ò tyí.

27 Nte, ń sépébi tẽ wòle, pépi nónó náh sò me ké tyí ne, mé pi pé yõtêne, yé pò péle ásò, yé pò pé yèsò kò ń yí yah.»

Yesu dénóle Yerusalemi sòko

28 Képah yóntenò náh, Yesu yín pé yah, pè n dokò n yuku Yerusalemi.

29 Té wãh yĩni tẽ n te gbí nêne Betefasyi ànê Betanule yõli yó tnô, pè n ye Wólívi yèh yõhle, à ò tò sáhpú népî ními tã ne:

30 «Kwil nê-á yé yahle, yé kyi ké sòko. Yáh ki n de, yé ki ńkwěndyípikí yó we tóhnmònole nê-á ney náh dokò yah ò yõ pólle. Yé à de n pò ásò.

31 Té nê-à yé piki yah ne ńkê, sò se, té yé òne n de ni, yé yo tẽ tyí ne, ò yétô-á me Tẽ òngbê tyí, képah-á.

32 Wãh yo sê, tẽntò névyè nópi sòko. Pè ntyínò kyi tyi nópi we, sò-á sò à yo kéle pé tyí.

³³ Pǎh me ñ déńó sɔkɔ gbí nêne, ñ nétǎm pè piki yah ne, sǒ se, té pè níkwěndyí píkì mène n de ni?

³⁴ Pè me yo pé tyí ne níkě, ñ yétô-á me Tě ñgbě tyí, kėpah-á.

³⁵ Té me yuku ñne Yesu tyí. Pè pé flo mo ñ yǒ, à Yesu kǒ à dɔkɔ.

³⁶ Kėpah tǎne, wǎh me n yuku sǒ, névye me pé flole n mo n yuku sě wěkì yǒ.

³⁷ Pǎh n tyah Wólívî yèh yǒli tíkintenole, ñivì de ñ tò sǎhpú kwĩnki pól sɔkɔ. Pǎh gbíl tyi nónó pól we, sépi yinne, pè tyah Liyel yinne n gbilki yĩnpǒ ñgběne,

³⁸ me yo tũ ne níkě:
«Yǒtě nê-á n pi Liyel yĩn yǒ,
Liyel sǎm mo ñ sɔkɔ!
Yèvinu ne me yĩnyǒ,
gbílkinó mó ne n sah Liyel yǒ,
ñmo nê-á yĩnyǒ fléyy tǎ-nsah.»*

³⁹ Kėpah sɔkɔ, tówû nıyó sɔkɔ Farisiyěno yısyó Yesu syah ne, pé kwó-ò dí, à ñ tò sǎhpú vyěy tũ kè!

⁴⁰ Kėpah tǎne, Yesu pè syah ne: «Mé kéle n yo yé tyí ne: pǎh kɪ sǒ pé vyěy vike ò, dyèh ye kɪ n gbo n mo pé swɔ.»

Yesu yah kwɔ Yerusalemı tyíle

⁴¹ Yesu-á de n te Yerusalemı, té kè we gbí nêne, à n gbo ké yinne ne:

* **19:38** 19.38 - Yah n te Gbálnó sébéy 118.26 sɔkɔ.

42 «É, Yerusalemı, wáh náhkı sò me fě syi yèvını we dükù pĩ kwey mènε! Nte wèèè, kè ye wõbı á yah!

43 Yah, sèpìn yísyó me n pi, á sépébí kı wõbì-ntàn pı á kěkı kore vi, té kı ñ fyāh sah yey yey pólle.

44 Liyel-á pɔ á yòhnìnmo-ńsah gbí nêne, á náh fě syi kè pĩ. Képah ye, pè kı á sokɔ névye pól ko mo, té kı ñ mukuli. Á dáhkı yó ntě náh n wũ n pi ké ní-ò yõ.»

Yesu gbòyĩbı yĩni wilki Liyel wòkò ñgbě kéntáhkı sokɔ

45 Yesu-á kyı de Liyel wòkò ñgbě kéntáhkı, té yiyám yǎmpu we ké sokɔ, à tyah péle n yĩni n wilki.

46 Té me n yo pé tyı: «Kè me wárkínsàhnóle Liyel wey sokɔ ne nkě: <Ñ wòkò kı pı nırı pí-ńsah wòkòle>. Té yépile, yé kè tokɔ pı névye yõ syíkípú tẽ-ńsahle.»

47 Té à sò me névyele n kwɔ sòmésó Liyel wòkò ñgbě kéntáhkı sokɔ. Képah sokɔ, sárká wĩkĩpu yòtām, ànê Liyel ñgbò wěkı kwópú sò me ñ kònmɔ-ńsahle n yah n kõ, kwil yah tām tole péle.

48 Té no pól-á sò me pé ní kwɔ n tõ n sah n nohnı n yĩ ñ tyı sě, képah ye, pè náh pĩ pǎh kı n pı n pi sě.

20

¹ Yesu-á sò me névyele n kwɔ Liyel wòkò ñgbě

kéntáhkì sòkɔ, me nìvìnì wey sánnɛ n yo sɛ́, só yóle, sárká wìlkìpu yòtám, ànê Liyel ògbò wèkì kwópú, ànê yèwàhni pɔ wil ò tyí,

² té à syah nɛ, à yo pé syah, nê gbò yò sòkɔ se, à n pi tyi nópilɛ, nê se à kɔ tɛ̀nwɛnɔ mènɛ ni?

³ À me yo pé tyí: «N̄mɔ tɔ kɪ píkinyahno núkú pi yé tyí: Yé yo ñ syah,

⁴ nê-á tɔ Nsyɔ̀nɛ, à pɔ nolɛ n wel n wilki? Liyel se, t̄i névyɛ se?»

⁵ Pè me yo wɛ́ tyí nɛ, páh kɪ nɛ ñkɛ́, Liyel-á tɔ ònɛ, wáh kɪ pé syah nɛ, té kwáh nê se pi, té pé náh sɛ́ ò yò ni?

⁶ Ntɛ, névyɛ sɛ̀nyĩnɔ-á me tɛ kɛ́ yò nɛ, Liyel tɛ̀ntò syĩnyo-ò-á Nsyɔ̀nɛ, páh kɪ mó tɔ nɛ ñkɛ́, névyɛ-á tɔ ònɛ, no pól-á kɪ dyêhle pé minkɪ ko.

⁷ Káh pi sɛ́, pè à syah nɛ, pé náh p̄i nê-á tɔ ònɛ.

⁸ Páh yo sɛ́, Yesu tɔ mó pè syah nɛ, káh pi sɛ́, tɛ̀nwɛnɔ nê-á pé kɔ pé tyi nópilɛ n pi, pé náh mó kè yo pè syah n pi.

Dìvɛ́ sésân swáh tópu népêl sèmìrkìlɛ

⁹ Képah náh, Yesu tyah sèmìrkì yóle n yáh névyɛ tyí nɛ: «Dĩ yó ye lésò òvɛ́ sésân swáh kɔ, té kéle tɛ̀ntòbe gbò dahbi, té sòkɔ kóló sòkɔ à kyɪ mo.

¹⁰ Sé pye gbɛ gbí-á pɔ nɔ, à tònpi yó tekɪ mɔ òvɛ́ sésân swáh tɛ̀ntòbe nópi tyí nɛ, pè pé tyí òvɛ́ sésân pyelɛ à kɔ. Ntɛ, tɛ̀ntòbe nópi me tònpi mè ko, té pé syɪ à tekɪ mɔ ò gbò kókólɛ.

11 Képah sɔkɔ, sètě dí tǔ ò syi tǔnpɪ yó tekɪ mɔ. Pè tǔ òmɔ tɔ ko, té à gbyɔ, té pé syi à tekɪ mɔ ò gbò kókóle.

12 A tǔ ò syi tǔnpɪ tǔ-ò tekɪ mɔ. Pè tǔ òmɔ tɔ pɪ yɔ, té à yĩni.

13 Káh pɪ sě, sètě dí ne, sǔ se pé kɪ pɪ ni? Páh kɪ pé nìdè pídí wɔ tekɪ mɔ. Nmɔ wɔle, gbòkénpi, páh kɪ yòyén sah ò yò.

14 Nte, òmɔ sésán swāh tǔntǔbe nópɪ-á fyò ò pídí wɔ, pé núkú yo wě tyí ne níkě, ò gběyò-á yò. Pé ye à ko mɔ, gběkɪ mó pɪ pépi tyíle.

15 Képah tǔne, pé à yɔɪ wilki mɔ òmɔ sésán swāh kahnɪne, té à ko mɔ. Núkúnúkú tǔne, sǔ me sètě dí kɪ pɔ pɪ péle wé?

16 A náh pɔ òmɔ sésán swāh tǔntǔbe nópɪ ko mɔ, té kɪ kè dahbɪ n pi yísyó gbò di?» No-á kéné wɔlɔ noh sě, pé ne, pólle, képah wɔ náh n pɪ n pi!

17 Nte, Yesu me pé yah, té yo pé tyí: «Liyel wey-á òmɔ ne níkě:

«Wòkò mópú-á dáhkì òmɔ milki,
képah ye pɔ pɪ wòkò kyĩ yò dáhgbíle»,
képah yò òmɔ yépi tǔ tyí?

18 Névi òmɔ-à wil syikɪ kéné dáhkì yò, tǔ kɪ kwɔkɪ. Té, káh se mó tǔ syikɪ òmɔ yò, kè kɪ tǔ pyāhrɪ.»

19 Képah sɔkɔ, Liyel òmɔ wěkì kwópú, à òmɔ sárká wìlkɪpu yòtām òmɔ sò pĩ yĩ te ne, pépi yò-á Yesu mɪ sémìrkì mènɔ. Képah ye, pé sò me òmɔ tǔ-ísahle n yah n kò nénpó swɔ, té névye tíkì pé tǔ.

Nê-á yĩne Sesarı kǎnóle, ànê nê-á yĩne Liyel kǎnóle

²⁰ Képah soko, pè tyah Yesu kyòmìnóle. Pè yínvínpi bi yísyó tekı mo ñ tyí. Pè pɔ pé gblɔy pi négblóle. Pè sò me ké tyí ne, à pilki ñ vyãh wey soko, pé kǎ pé à we tẽ kyı dahbi kwil yah tẽ-ò gbò, tǎrí ànê tẽnwenɔ-á me nê tyí.

²¹ Képah tẽnne, pè píkinyahno yó pi Yesu tyí ne, kwó-ò dí, páh pĩ ne, wãh tyi nónóne n yo, té kwónó nónóne n pi, gblɔ kókó-á séle. Á nãh névyele n wah, ànê wãh Liyel wěkìle névyele n kwɔ ké gbı yò.

²² Nte, à yo pé syah, nkě, ké wěkì se me kǎnóle ne, pé mórúle n mo Wromenɔ yòtẽ ñgbě Sesarı tyí, tĩ ké wěkì nãh me kǎnóle?

²³ Té Yesu-á pé yínvı pĩ sě, à yo pé tyí:

²⁴ «Yé pɔ pɔ pɔ núkúle, mé yah átre. Nê yah mırkı, ànê ñ yĩn me wárkınmɔnɔle ké yò yò?» Pè me yo ñ tyí ne, Sesarı tyí-á.

²⁵ Yesu me yo pé tyí: «Kãh pi sě, yé Sesarı tyíle Sesarıle n kǎ, yé mó Liyel tyíle Liyel kǎ.»

²⁶ Kãh pi sě, pè nãh pılki-ńsah we ñ wey soko, à à tẽ névye yí yah. Té ñ tyi yah yónó pyé me pé gbã du, pè me tẽ syısyı.

Sadusẽnɔ Yesu piki yah lékyı yılkınmɔnɔ tyı soko

²⁷ Sadusẽnɔle, nósyó ye, nónó-á ne, lékyı nãh min sãn we n pi. Pé nɔ de Yesule, té à piki yah ne,

²⁸ pé kwó-ò dí, Moyisi-á kı wárkı sah pé kǎ ne nkě, sétě nê-à ku pi wé-ńkěne, té gbě me tẽ tyí,

gbě mē-á yĩne à pékúsè mē tɔkɔ, à mó wěnpì dubi à kǒ ò nénkyí náhne.

²⁹ Nte, kèkùrkì nùkú dǐnpì népî kwǎrnino yísyó-á lésò me. Nénkyí tē me sē tɔkɔ, té ku, té à sah pikáñne.

³⁰ N sò syi me pi mē tɔkɔ.

³¹ Képah náh, tǒ-ò me à tɔkɔ. Kè n pi n yuku sě fóó, pé népî kwǎrnímí pól à tɔkɔ. Té, pé pól pɔ ku, té à sah pikáñne.

³² Képah náh, pi mē tɔ pɔ ku.

³³ Nte, pi mē-á de yah sě népî kwǎrnímí nópi tyí-à, lékyî min sán pónwe sóle, à kɪ n pi n pi pé sɔkɔ ney nê tyíle?

³⁴ Pǎh yo sě, Yesu yo pé tyí: «Kèkǒyó mē tē wɔ sɔkɔ, sétókókì me, ànê, pédékè me.

³⁵ Nte, Liyel-á nónó kyɔmɪ we ne, pǎh yĩne dénóle kèkǒyó sán sɔkɔ, té kɪ min sáñne pè kǒ n pi lékyî min sán pónwe sóle, pépi náh syó tɔkɔ n pi, pè náh n de n pi pɛbɪ tyí pólle.

³⁶ A kɪ pè wilki kǔ sɔkɔ, kɪ min sáñne pè kǒ. Pè kɪ pi yĩnyò tēntōnè tyí kǒle: Pè náh tǒ n ku n yah n pi. Pè ye pi Liyel pyele.

³⁷ Moyisi tɔ ye kè yo wah yǐi ne níkě, lékyî-á kɪ pɔ pé syi min sán we. N sébéy fí nê-á dukuni tyíle n yo nê-á sò nyàh lépǒle ké sɔkɔ, képah sɔkɔ ye à Tē ñgbě Liyel ye <Abrahmɪ Liyelle, ànê Yisakɪ Liyelle, ànê tǒ Yakɔbɪ Liyelle>.

³⁸ Liyel tyí, no pól me vyele. Képah ye, lékyî

Liyel náh ònɛ, vye Liyel ye.»*

³⁹⁻⁴⁰ Wǎh yo sǎ, ònìsǎh náh tǒ sǒ mɛ pé tyí, kɪ à piki yah. Képah ye, Liyel òngbò wě̀kì kwópú yísyó yo ò tyí nɛ, kwó-ò dí, wǎh wɛkɪ plɛ.

Kristale, Davidi yòtǎ ye

⁴¹ Képah sɔkɔ, à mɛ yo pé tyí: «Á kɪ yo sǎ nɛ, Davidi náh nɛy ó-á Kristale nê-á Liyel nɛ, páh kɪ tɛkɪ mɔ?»

⁴² Tě òmɔ Davidi nítě mó tǒ kè yo ò yìgbìnì sébéy sɔkɔ nɛ òkě:

«Tě òngbě Liyel ye kè yo òmɔ Tě òngbě tyí nɛ òkě:
«Pɔ n kǒ n tǎ ò gbòyò sòlɛ,

⁴³ fók kè pɔ nɔ gbí nê-á
mé kɪ á sɛpé bí pɪ á gbáhsúkí lɛ.»»

⁴⁴ Ntɛ, Davidi nítě wɛ à ye ò TĚ NGBɛNɛ à kɪ tǒ pɪ sǎ, tɛ kɪ pɔ n pɪ ò náh nɛy ólɛ?»

Yesu nɛ, pé tǒ sǎhpú pé gblǒynɛ n kyɔmɪ Liyel òngbò wě̀kì kwópú lɛ

⁴⁵ Képah náh, à yo ò tǒ sǎhpú tyí ò wɛy nóhpú pól yí yah nɛ:

⁴⁶ «Liyel òngbò wě̀kì kwópú lɛ, fwòmòngbɔ mónkɔnkǔnɔ tyí nɔ pé tyí. Pè n nɛ n mɛ ké tyí nɛ, nɔ nɛ n tǒ n sah n wɛkɪ pé tyí tówú tükè-ntǎn sɔkɔ. Tě-ntǎn gbɔro tyí nɔ pé tyí Liyel ní-ntǎn vù sɔkɔ, ànê yé yó-ntǎn sɔkɔ. Yé yé gblǒynɛ n kyɔmɪ pé lɛ!

* **20:38** 20.38 - Nónó-á ku sɔkɔ di mónólɛ, kàh yo nɛ, Liyel-á pɪ pépi Liyelle, képah n wě̀kɪ nɛ, páh mɛ min sɔkɔ.

⁴⁷ Tě pépi ó ye tǒ n vi n tǐ pékúsyole, à pé gbǎn yíle n syi, ò té níríle n pí yǒšǐkìle, ò névye yahle n pil ne, páh me tómm. Nte, pé tukey kí n pí n pi kékékèyô, à kal no téló tyíle.»

21

Yínkǒnǒ nê-á pékúsè pí

¹ Sǒ yóle, Yesu sǒ me Liyel wòkò ògbě kéntáhkì sòkò, té wǎh ò yah yǒ, à tahbí we, pé me pé yínkǒ kǒ póle n dah n mǒ n pǒ pǒ dáhnmǒ-rísah kwâh sòkò.

² A pékúsè yǎm ney yó tǒ we, à pǒ pópí pló nínó dah mǒ.

³⁻⁴ Képah sòkò, à ne: «No pólle, pǒ nónó yétó náh me pé tǐ, sépi ye pé tǒkò pǒ dah mǒ. Nte, pékúsè yǎm ney mène, òmǒ ye ò yǎm fǒh, té ò yǒ yǒ pǒ pól tǒkò pǒ dah mǒ. Képah ye, mé kéle n yo n dal n mǒ yé tyí kègbí yǒ ne: òmǒ-á dah mǒ kal no pólle.»

Yesu me Liyel wòkò ògbě sǒnó tyíle n yo n sah

⁵ Képah náh, névye tókù sǒ me n yo ne, Liyel wòkò ògbě-á me ple: Nkě, ké mǒ mǒ dyèh, ànê ké vyó nónó-á névye yí Liyel kǒ, sǎh me kè syi yíí. Nte, Yesu me yo pé tyí:

⁶ «Nê-á yé n yah yò kè, sèpìn yísyó me n pi, dáhkì yó òtǐ náh n wǔ n pi ké ní-ò yǒ. Sé pól kí pírki.»

Yèvyǎhrí tyi nónó-á kí n pí n pi, kèkǒyó-à pópó n tyé

⁷ Képah sɔkɔ, pè me Yesu piki yah ne nkě, kwó-ò dí, gbí nê se képah kɪ pɪ nɪ? Anê, kwní yónmɔnɔ nê se kɪ wěkɪ kéle ne, káh kɪ n pɪ n pɪ nɪ?

⁸ A me yo pé tyí: «Névyé náhnáh kɪ pɔ nímɔ yĩn tɔkɔ n pɪ pé yah yíine, té kɪ n yo ne nkě, pépi-á Nmole. Nkě, ké gbí-á nɔ te! Nte, yé káh pé sò tẽ! Yé yé gblɔyne n kyomɪ, yé káh ye ney pɔ yé pilki.

⁹ Yáh pɔ mál, ànê névyé yúkúnyahlenɔ tyí yónóle n nohnɪ, yé káh ye tíkí yé tẽ! Képah ñgbò ye yĩne kè pɪ. Nte, képah náh núkú n pɪ n pɪ kèkɔyó mè tyénóle.»

¹⁰ Képah náh, à tɔ ñ syɪ yo pé tyí: «Kwil yó kɪ yuku kwil yóle n fwo. Tɔrí yó kɪ yuku tɔrí yóle n fwo.

¹¹ Sétáh syahrɪ ñgbnɔ kɪ me n pɪ, té tàntàn náhnáh sɔkɔ, nýân pèl ànê kwekɪ kɪ me de. Tíkítíkí tyi, ànê kwní yónmɔnɔ ñgbnɔ kɪ n we yínyó.

¹² Nte, kéne tyi-à pópó n pɪ, pè kɪ yé tẽ fôh, té kɪ yé gbàh de mɔ pè kɔ pè kɪ tuke Liyel ní-ńtân vɪ sɔkɔ. Pè kɪ yé dah mɔ wòkònpèkè sɔkɔ. Pé kɪ yé tẽ kyɪ yòtām ànê kwlo yah tẽpú tyí nímɔ yíinne.

¹³ Képah gbò yó yé kɪ nímɔ tyí we yo pé tyí.

¹⁴⁻¹⁵ Nte, yé ye, yé dyɔ ne me n kwne ne, ní-m-á kɪ wey wekɪ dùkù ànê lékámne yé kɔ, nê-á kɪ yé fòhpú kɔ, pè náh fẽ n wekɪ yéle, ànê pè náh fẽ yé kɔlɪ. Képah ye, yépi tyí náh yé

gblɔy vɪnɔle, yé vyɛy syi yɪnne.

¹⁶ Nte, nónó ntɛ-á kɪ yé mɔ kũ kɔ n pi, yé dúbípú ye, ànê yé yúnpyele, ànê yé tyí névyele, à tahlɪ yé kódíbí tyí. Képah sɔkɔ, yé náhnáh kɪ ko mɔ.

¹⁷ No pól kɪ yé dyɔle n yɔ nímɔ yɪnne.

¹⁸ Nte, yé yòyén sɔkɔ yó ntɛ náh n yah n kwlo n pi.

¹⁹ Gbáhntɛnɔ sɔkɔ ye yé kɪ tyé-ńkɛ min we.»

Yesu Yerusalemi yíkínó tyí yo sah

²⁰ «Yáh mégbàn we sè Yerusalemi mɔ gbɪ gbí nêne, yé pɪ ne, ké sɔ gbí-á nɔ.

²¹⁻²² Kéne sèpɪn kɪ pɪ pèkè wɔ dénɔle, Liyel sébéy sɔkɔ tyi wárkínsàhnó pól kɔ sè kɪ pɪ tũ. Képah ye, nónó-à me Yude kwil sɔkɔ, pépi to de ymɔ sɔkɔ. Nónó-à me Yerusalemi kwil táh sɔkɔ, pépi wil. Nónó-à me gbno sɔkɔ, pépi káh de kwil táh.

²³⁻²⁴ Kè kɪ pɪ kéne sèpɪn sɔkɔ yèvyährɪ ñgbêne kwil sɔkɔ. Té Liyel kɪ yuku kwil mè névye yó fòkònyàhnìnɛ. Pè kɪ ko mɔ kèkírnnɛ, kɪ tɛ yuku yɔbɪle kèkɔyó kwlo pól sɔkɔ. Té Liyel pí-ńkɛ névye kɪ Yerusalemi yɪkɪ pól tɛne fóó, kɪ pɔ syi pé gbí tyénó tyí. Képah ye, kéne sèpɪn sɔkɔ, kè kɪ pɪ yí yèvyährɪle syó kùrn nétàn, ànê yòkɪ nétàn tyí.

Névi Pi syínɔnɔle

²⁵ Képah sɔkɔ, kwní yónmɔnɔ kɪ we gbí sɔkɔ, ànê ńwɔ sɔkɔ, ànê ńwɔ kèpye sɔkɔ. Té kèkɔyó

névye pól yáh-ńsah kɪ me tyɛ kɛpékèyô. Pnɛ yo gbní kɛpékè ànê kɛ fúndɔkɔnɔ tíkí kɪ me pɛ kah tẽ.

²⁶ Yĩnyô tãhkìnó kɪ yike. Kɛpah ye, tyi nónó-á kɪ pɔ n pi n pi kèkõyó, sépi tyí sɔnɔ tíkí kɪ névyɛ ko.

²⁷ Kɛpah sɔkɔ, pɛ kɪ Névi Pi wɛ à kɪ me n pi nýĩrkí sɔkɔ ñ tãhkí pólle, ànê ñ gblò sɔkɔ.

²⁸ Kéne tyi-à pópó tyah n pi gbí nêne, yé pwáhnɔnɔ me nɔ n tɛ. Kàh pi sɛ, yé yuku yĩn, yé mó sóré mɔ yé gblõy sɔkɔ.»

Kwónó nê-á pi sɛnsóké sɛswô tyí yõ

²⁹ Kɛpah náh, Yesu tɔ sɛmĩrkí yó yãh pé tyí nɛ: «Yé yah sɛnsóké sɛswô, ànê sésân téló pólle kɛ:

³⁰ Yáh sè wɛ sè tyah n tyɛ m̀snɔlɛ, yé n pĩ nɛ, kɪ de gbí-á me yúkey.

³¹ Sɛ ó ye, yáh pópó kéne tyi wɛ sè tyah n pi gbí nêne: Yé pĩ nɛ níkɛ, Liyel tɔrí-á me yúkey.

³² Kègbɪ yõ, mé kéle n yo n dal n mɔ yé tyí nɛ: kwɛy gbí névyɛ pól náh n ku n tɛ n pi, té kéne tyi pól kɪ yĩni tẽ.

³³ Yĩnyô ànê sétáh kɪ pɔ tyɛ, ñtɛ, nímɔ wɛlɔ náh n tyɛ n yah n pi pólle.»

Yé káh yé dɔɔ mɔ n fwɔ Yesu syínɔnɔ tyíle

³⁴ Yesu tɔ yo pé tyí: «Yé yé gblõy kyɔmɪ syáh syáhnɔlɛ, ànê sètɛ̀nì pínóle, ànê kèkõyó mè tyi sɔnɔlɛ. Sé káh n pɔ yé lékám pi tĩntí. Kɛpah-à pi, kèkõyó tyɛ só kɪ yé kwɔkɪ tẽ.

³⁵ Sě to ye, ké lésõ kɪ kwɔkɪ tẽ sétáh yõ névye pólle, sǝ-á yěnkɔ tẽ tẽ mɔ n tẽ yěnkɔle.

³⁶ Nte, yé káh yé dɔɔ mɔ n fwɔ, yé nírilé n pɪ gbímegbí. Képah sɔkɔ, tyi nónó pól-á n pi yò, yé kɪ tɛnwɛnɔ wɛ sé yõ, té kɪ fɛ pɔ yuku yĩn Névi Pi yah tukey sɔkɔ.»

Yesu sèpìn téló pínóle Liyel wòkò ògbě kéntáhkì sɔkɔ

³⁷ Ké légbíne, tyah kyòo yah sɔkɔ, Yesu níkěne n kyɪ kwónó pɪ Liyel wòkò ògbě kéntáhkì sɔkɔ, ò té n kyɪ lékâh pɪ yõle yó yõ nê-á pè n ye Wólívi yèh yõlile.

³⁸ Té à tɔkɔ séngbǝ púsó tyí, no pól n pɔ nóhnó pɪ ò tyí Liyel wòkò ògbě kéntáhkì sɔkɔ.

22

Nsyifunɔ yõtām Yesu tyí yo syi

¹ Búrn sě-òkě syáh nê-á pè n ye Pakɪle, képah déntenɔ sɔkɔ,

² sárká wílkipu yõtām ògbnɔ, ànê Liyel ògbò wěkì kwópú sǝ me syǝ-òsahle n yah n kǝ, pǎh kɪ pɪ sǝ, té Yesu ko mɔ n pi. Té névye yah tíkì sǝ me pè tẽ.

Yudası vìnóle Yesu náh

³ Té légbíne, sètàn yõtẽ de Yudası sɔkɔ nê-á pè n ye Yisikariyotile. Yesu tò sáhpú népí gbõnimí sɔkɔ ney yó ye sǝ òne.

4 A me soko, à kyɪ yo sárká wĩlkĩpu yõtãm ñgbɔ, ànê Liyel wòkò ñgbě kyòmĩpu yõtãm tyí, wǎh ne Yesu tẽ pè kɔ̃ n pi òkù nêne.

5 Képah soko, kè nɔ pé tyí. Pè me yo sah núkú yõ ne ñkě, páh kɪ pólé à kɔ̃.

6 Yudasɪ me fẽ syi, té tyah ké wénpi-ńsahle n yah n kɔ̃, wǎh pi sɔ̃, té Yesu dahbi n pi pé gbò, névye pí-ńkě soko.

Yesu pè kɔ̃ pè Pakɪ yõke tẽ-ńsah yah

7 Búrn sě-ńkě syáh só-á pɔ nɔ, nê soko-á sò Pakɪ képyèni kɪ n ko n pi,

8 Yesu me Pyeri ànê Nsyõ tekɪ mɔ ne, pè kyɪ Pakɪ syáh yõke tẽ-ńsah yah sah yõ yõ tẽne.

9 Pè me à piki yah ne, ńyǎh soko se à me ké tyí ne, pé kyɪ kè pi ni?

10 A me yo pé tyí: «Yé yah, yáh kɪ n de kwil soko gbí nêne, yé kɪ dí yó yohnɪ, à kɪ me ni pĩn twah. Yé ñ sò tẽ. Wǎh kɪ kyɪ de kéte nê soko, yé de nénpó.

11 Yé mó yo kété tẽ tyí ne, kwó-ò-á yo ne ñkě, wòkò nê soko se pé kɪ pɔ yõke yõ n pi ànê pé tò sǎhpúle ni?

12 Képah soko, à kɪ yĩnyõ wòkò soko táh ñgbě yóle yé wěkɪ, gbò vi vyó pólle kɪ soko. Nénpó soko ye, yé kɪ pi Pakɪ syáh yõkele.»

13 Képah tẽne, pè me soko. Yesu-á kè yo sɔ̃ pé tyí, pè mó ńtyĩnɔ kyɪ ké pól we sě. Pè me Pakɪ syáh yõke pi nénpó.

Yesu yõke yónó téyne

14 Yōke yō gbí-á pɔ nɔ, Yesu ànê ò tǝntōbe-á pɔ tǝ yōke yah sɔkɔ gbí nêne,

15 à me yo pé tyí: «Mé sò me ké tyí náhnáh ne, mé Pakɪ yōke mè yō yéle, mé mó pyě de yèvyãhrɪ sɔkɔ.

16 Nkě, mé kéle n yo yé tyí ne: mé náh tǝ Pakɪ yōke mè yō n yah n pi fóó, kɪ kyɪ syɪ ké tyí pɪntũnɔ tyí Liyel yǝtǝrí sɔkɔ.»

17-18 Képah sɔkɔ, à me ðivě wɔ wɔ kwâh tɔkɔ ðivěne ké sɔkɔ, à wekɪ Liyel tyí, té yo pé tyí: «Mé kéle n yo yé tyí ne: à tɔkɔ núkúnúkú tyí, mé náh tǝ ðivě wɔ n yah n pi fóó, kɪ pɔ syɪ Liyel tǝrí pónó tyí. Képah ye, yé syɪ kéle, yé wɔ dibi wě tyí.»

19 Képah náh, à me búrn tɔkɔ, té wekɪ Liyel tyí, té kè kwɔkɪ dibi pè kǝ, té yo pé tyí: «Nýɔle, ñmɔ wil ye, nê-á kɪ kǝ yépi yinne. Yé sǝntǝne n pi, sǝ-á mé n pi kéle. Képah sɔkɔ, yé dyɔ kɪ n kwne ñmɔ tyíle.»

20 Yōke yǝntɛnɔ náh, à tǝ ðivě tɔkɔ, à pè kǝ sǝntǝ óle, té yo pé tyí: «Nýɔle, ñmɔ tǝ ye, nê-á kɪ kwe yépi yinne, kɪ pi yégbékè kwrónmɔnɔ késanne Liyel ànê névye wró.

21 Nte, yé yah, névi nê-á kɪ n vi n pi ñmɔ náh, ñmɔ tɔ me n yō ñne fí núkú.

22 Névi Pi kɪ ku, sǝ-á Liyel yah tɔkɔ kéle. Nte, névi nê-á kɪ n vi n pi ñ náh, pèkè kɪ pi ñmɔ tyíle.»

23 Képah tǝ sɔkɔ, pè tyah wěne n piki n yah ne, pépi tǝ sɔkɔ nê se kɪ n pi n pi képahle ni?

Nê tẽ kal?

²⁴ Képah náh, pè me tyah, à yékâble n pi. Pè sò me ké tyí ne, pé pĩ nê tẽ-á kal pépi soko.

²⁵ Képah soko, Yesu me yo pé tyí: «Kèkôyô kwlo yõtãm nkẽne pé tǒríle n sah sé yõ, ànê tǒrí-á me nónó gbò, pépi n ne me ké tyí ne, no pé yíngbúle n yo.

²⁶ Nte, yépi tẽ tyí náh yĩne kè pi sã. Nê-á yah tẽne yépi soko, ñmɔ pyẽ yĩne à pi yé pól gbẽ sã. Yõtǒrí-á me nê gbò, ñmɔ pi yé pól tǒnpi sã.

²⁷ Yépi tẽ tyí, névi nê-á tẽ yõke yah, ànê nê-á n toko n kǒ kéle, nê tẽ kal pépi soko? Nê-á tẽ yõke yah, ñmɔ náh di? Nte, képah fyé yõ, ñmɔ me yépi wró soko tǒnpi sã.

²⁸ Yépi tẽ wole, yépi ye sò me ñmɔle ní yèvyãhrí pí-ńtân soko.

²⁹ Képah ye, ñmɔ sú-á tǒríle ní kǒ sã, ñmɔ to kí kéle yé kǒ sã.

³⁰ Képah soko, yé kí pɔ n yõ, té kí n wɔ ñmɔle fí núkú ní yõtǒrí soko. Anê yé kí pɔ kǒ tẽ yõtǒrí kló yõ, kí tukey tuke Yisrayel névyé tinnɔ gbõninó yõ.»

Yesu ne, Pyeri-á kí pɔ ñ vyãh kǒli ne, pé náh pé pĩ

³¹ Képah náh, Yesu yo Simɔ Pyeri tyí: «Simɔ, Simɔ! Sétàn yõtẽ ye ké wěkì yah kǒ ne, pé yé fe, sã-á sè mukole pè n fe gbéy soko.

32 Tέ μέ με Liyel ni á tyí ne, á Liyel yõ sěno káh tě syi á tyí. Tέ, wāh á syi pɔ nmo tyí gbí nēne, sǒréle n mo yé no soko.»

33 Wāh yo sě, Pyeri me yo n tyí ne, péwo tě wole, káh ki sǒ n pi wòkònpèkè soko dénole, képah náh pi, kǔne, péwo-á me pé vi sah ki de nne sépi pól soko.

34 Nte, Yesu me yo n tyí: «Pyeri, mé kéle n yo á tyí ne: kwey lékáh soko, sɛnpe náh tǒni me n gbo n pi, té á ki me á vyāh kǒli te gbáhyí tǒno ne nkě, á náh nmo pi.»

Méfwókwāh tyíle

35 Képah náh, Yesu me yo pé tyí: «Nmo-á sǒ yé tǒ gbí nēne, té yo yé tyí ne, yé soko pó, ànê pilki, ànê lékyéh kěne, kwāh yó se kyi tekɪ yé tyí?» Pè me yo n tyí ne, kwāh yó náh tekɪ.

36-37 Képah soko, à me yo pé tyí: «Mé kéle n yo yé tyí ne: wey nê-á wārki nmo tyí soko ne nkě, pé à mo kǒ tyípél pípu wró, képah ki n pi n tǔ n pi. Tyi nónó-á yo sah nmo tyí soko, sé pi gbí me no n te. Képah ye nukúnukú tě wole, pó-à ki me nê tyí, tě kè toko. Anê képah nukú-ó ye: Pilki-à ki me nê tyí, tě kè toko. Tέ kèkírki-à ki n kne nê tyí, tě n fwòmò-ngbě yām kèyāh dwe.»

38 Képah soko, tǒ sáhpú ne, à yah, kèkírno nínó-á yò. A me ne, kǎh yīne.

Yesu niri pínóle Wóliví yèh yǒli yõ

39 Képah náh, Yesu me wil soko Wólívi yèh yõli yõ, wáh dar te n kyɪ n pɔ sɔ̃. Té n tò sáhpú me n sò tẽ.

40 Wáh yĩni tẽ nénpó gbí nêne, à yo pé tyí ne, pè Liyelle n ni, mónyahno káh pɔ tẽ we pé tyí.

41 Képah náh, à gbe mo tẽ péle fíí kwéy, dáhkì mínno ke núkú yínintẽ-ńsah kénkõle. Té gbètukuno di, à níri le n pi,

42 me n yo ne: «Bɔ̃, wáh ki me ké tyí, yèvyãhrɪ mè wró gbe mo ńmole. Nte, kè káh pi ńmo dyɔ dyɔ tẽne. Áwo dyɔ dyɔ tẽ ó pi.» [

43 Légbíne, yĩnyõ tẽntò yó wil n yah, à pɔ tãhkìle à kɔ̃.

44 Té Yesu min sò me yèvyãhnpèkè soko. A tɔ wãn mo Liyel nínó yõ. N wil myèh pɔ pi tókwił sɔ̃, à n kwe sétáh.]

45 Wáh níri pi te gbí nêne, à yuku kyɪ n tò sáhpú tnô. A kyɪ ne yah, pè me n do yèkworɪ kwlónó tẽ tyí.

46 A yo pé tyí: «Kwáh nê pi, té yé n do sɛ̃? Yé yuku Liyelle n ni, mónyahno káh pɔ tẽ we yé tyí.»

Yesu tẽnóle

47 Yesu me wékínó soko sɛ̃, té Yudasɪ nê-á n tò sáhpú népí gbõnimí soko yóle, ñmo tówû yó yah tẽ pɔ wil mo n yõ. Té no de ñne ne, pé à pɔri tẽ, pé weki n tyí.

48 Nte, Yesu me yo n tyí: «Yudasɪ, póríntẽno soko se á ki de mo Névi Pi gbàhle?»

49 Nónó-á sò me Yesule, pǎh pɔ kè kyɔmɪ à pĩ tir nê-á kɪ pɔ n pɪ n pi, pè yo Yesu tyí ne, pépi Tě ñgbě, pé se kèkírnnè n de no tyí ni?

50 Tě sárká wĩkĩpu yõtě tɔnɪɪ nónó-á sò me, Yesu tò sáhpú sɔkɔ ney yó núkú ñ kèkírkĩle pépi sɔkɔ yó gbòyò sò níkí we kǒ kǎm.

51 Képah sɔkɔ, Yesu me yo pé tyí: «Yé yĩn sě.» Tě tũ dí mè níkí tyí, kè me tyè.

52 Képah sɔkɔ, sárká wĩkĩpu yõtǎm, ànê Liyel wòkò ñgbě kyɔmɪpu yõtǎm, ànê yèwàhni nónó-á sò pɔ Yesu tě-ńsah, à yo pé tyí: «Yé pɔ ńmɔ tyí kèkírñ ànê léplóle kèlékě névi sǒ ńne ni?

53 Nte, swǒ swǒ pólle, mé sò ńkěne n ne n me yéle Liyel wòkò ñgbě kéntáhkì sɔkɔ, yé náh ní tě. Tě yépi gbí ye se núkúnúkú, ànê sétò tǎhkì pɪ gbíne fěntũ sɔkɔ.»

Pyeri ñ vyǎh kǒli ne, pé náh Yesu pĩ

54 Képah náh, pè Yesu tě, à sɔkɔ ñne sárká wĩkĩpu yõtě ñgbě kéte. Pyeri sò me pé sò tě n kɔ péle fíí.

55 Pè sò me nyàh mɔ kéte niyó, me kǒ tě wě tyí, té Pyeri tɔ sò me péle nyàh yah sɔkɔ.

56 Képah sɔkɔ, tɔnɪɪ pi yó à we kǒntěńóle nyàh yah, té à gbah yah díkídíkí, té ne, dí mè tɔ-á sò me Yesule.

57 Wǎh yo sě, Pyeri me ñ vyǎh kǒli pi tyí ne, pé náh à pĩ dé.

⁵⁸ Dõ kwéy, dí yó tǒ à wε, té ne, òmò tole, kéne no sòkò ney yó-á òne. Képah tǔne, Pyeri me yo ò tyí ne òkě, pé sòkò ney náh péwòle.

⁵⁹ Képah náh, lérí nùkú kénkǒ sókónteno náh, dí yó tǒ kè gbah yo ne òkě, yékâb náh me ké sòkò, dí mè tǒ-á sò me òne, Kalile ney-á òne dò.

⁶⁰ Képah sòkò, Pyeri me ò syi yo ò tyí ne òkě, péwò náh me ò wey mè syíkí-ńsah we dé dí. Nénpó swò, Pyeri me képah yónó sòkò sǔ, té sénpe gbo.

⁶¹ Tǔ ògbě Yesu me ò yah vi Pyeri yah díkídíkí. Képah sòkò, Pyeri dyò nùkú to kǒ ò wey mène, wǎh sò nê yo ò tyí ne, sénpe-à kú pópó n gbo kweyne, wǎh kú me ò vyǎh kǒlú te ké tǔnó ne òkě, pé náh péwò pǔ.

⁶² Kǎh pí sǔ, à me wil kégbó, à kyí nàhnpǔ gbní kah gbo.

Yesu gbyòndó ànê ò kòndóle

⁶³ Képah sòkò, Yesu-á sò me díbí nónó gbò, pé sò me kóle òne n ko, té me òne n syíkú gbònkukelé.

⁶⁴ Pè sò me ò yah pukubi, té me n yo ò tyí ne, à sǎh pǔ, névi nê-á mí òne.

⁶⁵ Tǔ tǔ me òne n gbyò wèntùkùni nàhnáhle.

Yesule Nsyifunò tukey tükèpu yah sòkò

⁶⁶ Képah náh, tyah-á dal, Nsyifunò yèwàhni, ànê sárká wìlkípu yòtām ògbò, ànê ògbò wǔkí kwópú wǔ tuke mò. Pè me pò Yesule pé tukey tükè-ńsah ògbě sòkò,

⁶⁷ té yo ò tyí ne, òmò-à kí ne Kristale, Liyel ney tékínmòwòle, à kè yo pé syah. A me yo pé tyí: «Máh kí kè yo yé syah, yé náh n sè n pí ké yò.

⁶⁸ Anê máh kí se yéle n piki n yah, yé náh vi mò n pí í tyí.

⁶⁹ Nte, à tokò núkúnúkú tyí, Névi Pi kí kò tē tyi pól Tē ògbē Liyel gbòyò sòle.»

⁷⁰ Képah sokò, pé pól núkú yo ne, òmò tē tyí, òmò-á Liyel pile kè? Yesu me yo pé tyí: «Yépi n̄tē ye kè yo te ne n̄kē, òmò-á dò.»

⁷¹ Képah tēne, pé ne, tàrfyò nê tē se tō pé kí n yah n kò ní? Pépi n̄tē-á kí noh, à kè yo ò vyāhle.

23

Pè kyí Yesule Pilatí tyí

¹ Képah náh, pé pól me yuku, à Yesu tē kyí Pilatí tyí.

² Nénpó sokò, pé tyah lékàhle òne n kò ne, páh dí mè kyòmí we, à me pé kwil névye yòle n yíkí, me péle n yīni n mò mórí mónóle yòtē ògbē Sesarí tyí. Té òmò n̄tē-á me n yo ne n̄kē, péwò-á yòtēne, nê-á sò Liyel ne, páh kí tekí mò.

³ Képah sokò, Pilatí me à piki yah ne, òmò se Nsyifunò yòtēne ní? A me yo ò tyí: «Áwò ye yo kéle.»

⁴ Pilatí me yo sárká wìlkìpu yòtām ànê no pól tyí ne, péwò náh tir yó we dí mè tyí pólle, nê-á yīne lékàhle ò kǒnóle.

⁵ Nte, pè tǒ me kè gbah yo tũ ne nkě, wǎh me névyele n kwɔ nòhnì-nkěne, Yude tantàn pól sɔkɔ. Kalile kwil sɔkɔ-á à tyah kéle fóó, à pɔ de ásô.

Pè kyi Yesule Yerɔɔi tyí

⁶ Pilatı-á képah noh nýāh sɔkɔ, à píkinyahno pı ne, Kalile ney se dí mène ni?

⁷ Wǎh fyò ò wǎh-nsah tyí noh, té pı ne, Yerɔɔi-á nénpó yòtēne, à núkú à tekı mo ñmo kǔ. Té kè mó pɔ yĩne Yerɔɔi sò me Yerusalemı kéné sèpın sɔkɔ.

⁸ Kè pı di mónóle, Yerɔɔi sò me Yesu tyí yónóle n nohni, té me ké tyí ne, pé à we à ne n me gbıl yóle n pı. Képah ye, wǎh à we, kè pı nìvì ñgbēne ò tyí.

⁹ A me à gbah piki yah náhnáh, té Yesu náh dahbı wilki ò tyí.

¹⁰ Képah sɔkɔ, sárká wǎkɔpu yòtām ñgbno ànê Liyel ñgbò wěkì kwópú sò me nénpó, té me lékàhle ñne n kǔ fóó kèpékèyô.

¹¹ Yerɔɔi ànê ò sràsýíbı-á kóle à ko, té me à yilo te gbı nēne, pè me yòtǒrí fwɔ yó mo à kǔ, té pé syı à tekı mo Pilatı kǔ.

¹² Pilatı ànê Yerɔɔi sò me wě sèpébíle ñgbòle, té lésòle, pè kódirı toh.

Pè Yesu gbàh de mo kũ kǔ

¹³ Képah sɔkɔ, Pilatı sárká wǎkɔpu yòtām ñgbno, ànê kwil yahtām, ànê névye ye tuke,

14 té yo pé tyí: «Yé dí mè tẽ pɔ, té ne, wăh me névye yõle n yikɪ. Nte yah, yépi tɔ yí yah ye mé piki yah ñne. Mé náh tir yó ntẽ we ñ tyí, yáh nónónɛ n yo n sah ñ yõ, nê-á yĩne lékàhle ñ kǒnóle.

15 Yerɔɔɔ ntẽ tɔ náh tir yó we ñ sɔkɔ, wăh sǒnpí ñ syɪ à tekɪ mɔ ápi kǒ. Kăh pɪ sɛ, dí mè náh tir yó ntẽ pɪ nê-á yĩne kũne.

16 Képah ye, mé kɪ à ko yèfõhle, té kɪ à fin mɔ.»

[

17 Té Pakɪ syáhnó pól sɔkɔ, Pilatɪ sǒ yĩne à wòkònpèkè sɔkɔ névi yó fin mɔ pè kǒ.]

18 Képah tẽne, pé pól tyah n kwɔɔ n gbo n mɔ ne, à dí mè ko mɔ, à mó Barabasɪ fin mɔ.

19 Té Barabasɪ sǒ me dáhnmɔnɔle wòkònpèkè sɔkɔ kèlékè tir yó yõ, nê-á pɪ kwil sɔkɔ, ànê nékókè mónóle.

20 Té Yesu fínmmɔ dékè-á sǒ me Pilatɪ tẽ, à tǒ ñ syɪ kè tǒ yo pé tyí.

21 Nte, pè tǒ gbo mɔ ne níkè: «À syɪ dahni yõ! A syɪ dahni yõ!»

22 Pilatɪ me tǒ wey tɔkɔ ke tǒ-òle, à yo pé tyí ne, tyítúkù nê se à pɪ ni? Péwɔ náh tir yó ntẽ we ñ sɔkɔ, nê-á yĩne kũne. Képah-á, páh kɪ à ko yèfõhle, té kɪ à fin mɔ.

23 Nte, pè me yõ sɔkɔ kéle n kah n yo náhnáh ne níkè: «À syɪ dahni yõ.» Képah tẽne, pé kàhngbonmɔnɔ pɔ tẽ we Pilatɪ tyí.

24 Képah sɔkɔ, à me kè yah tɔkɔ ne, nê-á pè n yah n kǒ, képah-á kɪ pɪ pé tyí.

25 Dí nê-á sò pè dah mɔ wòkònpèkè sòkò, kèlékè yó ànê nékókè mónó yīnne, òmɔ nê-á sò pè n yah n kǒ ò tyí, à òmɔ fín mɔ, té Yesu pì pépi dyɔ yí tēne.

Pè Yesu syi dahnɔ yō

26 Képah sòkò, pǎh Yesu tē n sòkò syí-ńsah gbí nêne, pè Sireni kwil dí yó yohni, pè n ye Simole. A me wil swāh, me n de Yerusalemi. Pè me òmɔ tē Yesu dahnine, à twah mɔ ne, à ò sò tē.

27 Té tówú ògbē sò me n yuku ò náh, à tahlɔ syó tyí nónó-á sò me n gbo pé gbǎnne n kǒhlɔ pé ni yō yèkwɔri tē tyí Yesu yīnne.

28-29 Képah sòkò, Yesu me ò yah vi pé tinnne, té yo pé tyí: «Sèpìn yísyó me n pi, névyè kɔ pɔ tyah n yo ne, yòbèncɔri-á me píkán syó tyí, ànê nónó-á pè náh pi dubi yah, ànê pè náh yánne piri kǒ yah. Képah ye Yerusalemi syó, yé káh ne n gbo òmɔ yīnne. Yé ne n gbo yé gblɔy, ànê yé wēnpì yīnne.

30 Ké légbíne, névyè kɔ pɔ tyah n yo tley tyí ne, sè syikɔlɔ pé yō. Té kɔ yo ymɔ tyí ne, sè vike tū pé yah.

31 Nte, pǎh séswónpòle n pì sē, séswónkòkò wɔ tyí kɔ pɔ n pì n pì sǒ?»

32 Té pè sò me tyípèl pípú népì ními tɔ tē kyɔ, nónó-á kɔ kyɔ n kò n mɔ n pì ànê Yesule wē tyí.

33 Pǎh kyɔ yīni tē fí yó, nýāh-á pè n ye «Yògbèkè tyahle», pè à syi dahnɔ yō nénpó ànê tyípèl pípú népì ními nópilè pé tyí tyí dahlɔ yō.

Núkú sò me syínóle ò gbòyò sò, ní-ò me syínóle ò gběyìnè sò.

³⁴ Légbíne, Yesu me ne: «Bǒ, pǎh nêne n pi, pé náh kè pĩ. Képah ye, á gblǒy ye pé tyí.» Képah náh, sràsyíbí me òdan mɔ, à ò flo dibi wě wró.

³⁵ Névyè sò me yíntténóle nénpó me n yah. Té Nsyifunɔ yòtām wɔ sò me kóle òne n ko, me yo tũ ne, wǎh névyè tókú pwah mɔ, òte à ò gblǒy pwah mɔ mó kè, òmɔ-à kí nê Kristale, Liyel yáhntókɔnɔle.

³⁶ Sràsyíbí tɔ sò me kóle òne n ko, té nɔ de ò tnô, à òdivě yórenóle à kǒ, té ne,

³⁷ òmɔ-à kí nê Nsyifunɔ yòtēne, à ò gblǒy pwah mɔ kè!

³⁸ Té kè sò me wǎrkínsyínɔle Yesu yòtah ne: «Nyɔle, Nsyifunɔ yòtē ye.»

³⁹ Képah sɔkɔ, tyípél pípú nónó-á syi dahlo yǒ, pé sɔkɔ núkú sò me Yesule n gbyɔ ne, òmɔ kó Kristale ni? A ò gblǒy pwah mɔ, à mó pépi tɔ pwah mɔ!

⁴⁰ Nte, ò ní-ò me wɛkɔ ò yǒ, té yo ò tyí ne, à kó Liyel yah tíkile n pi ni, òmɔ nê-á me kéne yèvyǎhri núkú mè sɔkɔ?

⁴¹ Pépi tē wɔ tyíle, pé yèvyǎhri pínó yah-á. Pé tyípinó kǒlɔ-á n dyah péle. Nte, òmɔ tē náh tir yó ntē pi pèkèle.

⁴² Té tǒ ò syi yo Yesu tyí: «Yesu, á dyɔ to n kǒ òmɔ tyíle, wǎh pɔ á yòtǒrí sɔkɔ gbí nêne.»

⁴³ Yesu me yo ò tyí: «Kègbɔ yǒ, mé kéle n yo n dal n mɔ á tyí ne: kwey mè ntē sɔkɔ, á kí me

ńmole Liyel fǒ soko pal tǎ-ńsah.»

Yesu kúnóle

⁴⁴ Gbintǒ pǒle, gbí yah kwlo, fǐntǔ mo kèkǒyó pól soko pópó, à pǒ syi gbèkǎm gbí tyí.

⁴⁵ Nénpó swo, fwògbrókè nê-á Liyel wòkò ñgbě foko táh kǒ kah, kè to ké nyó. *

⁴⁶ Yesu me kah de syi ne nké: «Bǒ, mé ní minne n dahbi á gbǒ.» Képah yóntenǒ náh, à ku.

⁴⁷ Sràsyíbí lèkwě yǒtǎ dí-á képah we nyǎh soko, à tyah Liyel yinne n gbilki me n yo ne, kègbi yǒ, négbí-á sǒ dí mène.

⁴⁸ Té nónó pól-á sǒ me pǒ yin tǎ kéle n yah, pǎh kéne tyípínó we sǎ, pé pól sǒ me pé gbǎn kǒhli pé ni yǒ me n soko.

⁴⁹ Anê nónó pól-á sǒ Yesule n pne, à tahlí syó nónó pól-á sǒ wil Kalile kwil soko, à pǒ ñne wě tyí, pé pól sǒ me yin tǎ fíí, té me n yah.

Yesu yínóle diki soko

⁵⁰⁻⁵¹ Té dí yó sǒ me, pé n ye Yosefule. A sǒ n wil Nsyifunǒ kwil yó soko, nê yin-á Arimatíle. Nsyifunǒ tukey tükèpu soko ney yó ye sǒ. Té pèpǒru pí-ò négbí ye sǒ ñne. A náh sǒ n de pé no téló tyi yáhtokǒnǒ, ànê sé pínó soko. Anê, à sǒ me Liyel tǒrí pónóle n syiki.

⁵² Nmo me kyi wil Pilatí tyí, à Yesu lékó ni ñ tyí.

* **23:45** 23.45 - Yah n te Yebre sébéy 6.19 ; 9.1-8 ; 10.19-20 soko.

⁵³ Té me kyɪ à tiki mə dahni yõ, té fwɔle à plo, à kyɪ dah mə diki yó sɔkɔ. Kéne diki sò tũ tekɪ sɔkɔ, té lékó yó ntě náh tǒnì sò dah mə yah ké sɔkɔ.

⁵⁴ Té lésõle, gblɔy vɛnsàhnó yòh ye sò Nsyifunɔ tyí, dendal mɪ mɪ yòh yĩnne.

⁵⁵ Syó nónó-á sò wil Yesule, Kalile kwil sɔkɔ, pè Yosefu sò tẽ kyɪ diki yõ. Pè kyɪ diki yah mə, ànê Yesu dáhnmə òkùle ké sɔkɔ.

⁵⁶ Képah náh, pè pé syɪ to yuku kwil sɔkɔ, à kyɪ nɪrɪnó, ànê làsèkwél pèplo yah sah lékó yĩnne.

Té me mɪ, pé mɪ mɪ yòh sòle, sǒ-á kéle Liyel tyi kǒnsàhnó sɔkɔ.

24

Yesu yúkúnwìlnóle diki sɔkɔ

¹ Nsyifunɔ mɪ mɪ yòh-á sɔkɔ, ké dendal séngbǒ pú púle, syó nópi yuku sɔkɔ diki yõ, pé nɪrɪ pèplo nópile, pǎh sò nónó pɪ sah.

² Pè kyɪ ne n yah diki yah dáhkì me pílnntonle.

³ Pǎh de diki sɔkɔ, pè náh kyɪ Tě ñgbě Yesu lékó wɛ.

⁴ Kǎh pɪ sě, pé fɔkɔ fil. Pǎh me képah sɔkɔ, díbí népí ními yísyó wil pé yah, nónó wil flo-á sò me n tẽ pèrr.

⁵ Tíki tẽ tyí, syó nópi pé yey sɪnki sétáh. Díbí nópi me yo pé tyí: «Kwâh nê pɪ, té nê-á min sɔkɔ, yé pɔ ñne n yah n kǒ diki sɔkɔ?

6 A náh me ásô. A ye n syi min we. Wăh lésô me Kalile soko, té nê yo sah yé tyí, yé yé dyo to kô képahle.

7 A náh lésô ne nkě, Névi Pi-á yĩne à dahbi tyípêl pípú gbò, wăh yĩne à syi dahnı yô, té n kúnó sèpìn tǝ-ò sóle, à mó n syi min sán we di?»

8 Légbĩne, syó nópi dyo núkú to kô Yesu weyne.

9 Pè me yal diki yô, à kyı tyi nópi pól yăh tò sáhpu népî gbônúkú syah ànê no téló pólle.

10 Makadala kwil Mari, ànê Nsyani, ànê Nsyaku yú Mari, ànê syó nónó-á sò me péle, pépi ye yăh tyi nópile Yesu tǝntôbe tyí.

11 Nte, kéné welo sò me pi tǝ pé tyí sèmırn sò. Pé náh sǝ sé yô.

12 Kăh pi sǝ, Pyeri wo mó yuku to kyı diki yô. Wăh ko yah, à lékó flo ó we. N gbăn du tir mè pínó dukùle, à me n syi to yuku n tĩnne.

Yesu ànê tò sáhpu népî nĩmĩne Yemayusi kwil wǝkì yô

13 Ké lésô me óle, Yesu tò sáhpu népî nĩmí sò me n yuku kwil yó soko pè n ye Yemayusile. Kéné kwil ànê Yerusalemı wró sò me lérínó nínó kó-ńsahle.

14 Tyi nónó-á pi, pè sò me sépi yăhnó soko wǝ tyí.

15 Păh me yăhkì ànê wǝ vınmɔno soko gbí nêne, Yesu me po kwrɔ mo pé soko, à wǝkì pi núkùle péle.

16 Nte, kè sò pɪ á kɪ nɛ pé yah sɔ̃ mɛ syïi, pè náh sò mɛ tẽ wɛ à yah pĩ yíne.

17 Képah sɔkɔ, à mɛ pè piki yah nɛ, tir nê se pè n yáh, té n kɔ nɪ? Pè mɛ yín, té mɛ yèkwɔɾɪ sɔkɔ sɛ̃.

18 Té pé sɔkɔ nɛy núkú yó sò mɛ, pè n ye Klewopasulɛ. Nmɔ mɛ yo Yesu tyí nɛ, ñmɔ gblɔy ó se mɛ Yerusalemɪ sɔkɔ, tyi nópi pí-ńkẽnɛ, nónó-á pɪ ké sɔkɔ sèp̃ñ nópi sɔkɔ nɪ?

19 A mɛ pè piki yah nɛ, sépi se pɪ tyi nónónɛ nɪ? Pè mɛ yo ñ tyí nɛ, tir nê-á pɪ Nasaretɪ Yesu tyí sɔkɔ kè: Nmɔ nê-á sò pɪ Liyel tẽntò syínyo-ò nétáhkilɛ ñ tyípínì ànê ñ wɛy sɔkɔ, Liyel yah ànê névye pól yah sɔkɔ.

20 Nte, pé sárká wílkɪpu yòtām, ànê pé kwil yahtām pɔ à tẽ kɔ̃ nɛ, pè ko mɔ. Pè mɛ à syɪ dahnɪ yò.

21 Té pépi tẽ wɔ-á sò mɛ n sɔ̃ nɛ, ñmɔ-á kɪ pɔ Yisrayel tãn wilki n pi yõrɪ sɔkɔ. Nte, sépi pól sɔkɔ, kéné tyi pínsɔkɔnɔ sèp̃ñ tɔ̃nì-á kweyne yò.

22 Gbɪ-á pépi mû sɔkɔ, syó yísyó-á pɔ pé fɔkɔ fil tẽ wɔlɛ. Pépi-á sò yuku sɔkɔ séngbɔ pú púle diki yò,

23 pǎh kyɪ lékó yah kwɔ sɛ̃, pè pé syɪ pɔ yo pé tyí nɛ, yínyò tẽntònè yísyó n̄tê-á wil pépi yah, té yo pé tyí nɛ, wǎh mɛ min sɔkɔ.

24 Pépi sɔkɔ névye tókù mɛ kyɪ diki yò sɔkɔ, té n̄tyínɔ kyɪ tyi nópi pól wɛ, sɔ̃-á sò syó yo séle, té pè náh Yesu wɔ wɛ.

25 Pǎh yo sě, Yesu με yo pé tyí: «Lékám kě névye, yépi náh n kwāh n sě Liyel tēntò syínyopu welo pól yónó yō!

26 Krīsta náh sò yīne à yèvyāhrı pı sě, à mó pyě de n tǒrí soko di?»

27 Té n syı, à tyı pól dükù yo wah pé syah, Liyel wey sébéynó-á nónó yo n tyí soko, à tyah Moyisi tyíyónsahnı tyí pópó, à kyı syı Liyel tēntò syínyopu tyínó tyí.

28 Képah tēne, pǎh pɔ yīni tē pé yúkú-ńsah kwille yúkey, Yesu pı á kı ne à sǒ yǒ n soko yahle.

29 Nte, pé me à fal ne, à wū pépile, níkě gbí-á me tiki mɔ, lékâh-á me n tyah mónóle. Pǎh yo sě, à me de gbô soko, à wū péle.

30 Té wǎh pɔ tē, à n tyah yôke yónóle péle gbí nêne, à me búrn tɔkɔ, té wekı Liyel tyí, té kè kwokı pé kǒ.

31 Képah soko, pé yah pı kyòo, pé à yah pĩ. Nte, pé núkú à yah kwlo pé tnô.

32 Pé me tyah n yo wě tyí ne, wǎh sò n yǎh péle wěkì yah gbí nêne, à Liyel wey sébéynó soko tyi dükùle n yo n wah péle n syah, pé nı kó sò me kàhnvınole nı?

33 Nénpó swɔ, pé núkú yuku, à pé syı soko Yerusalemı, à kyı tò sáhpú népı gbõnúkú ànê pé kɔ mù we tükènmontēnóle.

34 Pépi me yo ními nópi tyí: «Gbı yô, Tē ñgbě Yesu yuku wil diki soko. A n gblöyne Simo wěki.»

³⁵ Pǎh yo sě, tyi nónó-á mó pɪ nɛpɪ́ ní mí nópɪ to tyí wěkɪ yah, ànê pǎh Yesu yah pĩ sǒ, ò búrn dibi òkù sòkò, pè mó sè yǎh pè syah.

Yesu ò gblóyɛ ò tò sǎhpú wěkɪ

³⁶ Képah tǎnɛ, pǎh mɛ képah yónó sòkò sě, Yesu núkú wil mɔ pé niyó, té yo pé tyí: «Yèvinɪ nɛ mɛ yéle.»

³⁷ Tíkí tǎ tyí, pé lékám vye fěkɪ. Pè sò mɛ n sò nɛ, némíríkí yó-á pé wɛ.

³⁸ Képah sòkò, Yesu mɛ yo pé tyí: «Kwâh nê pɪ, té yé lékám vye fěkɪ? Kwâh nê pɪ, té yéle tòtò sòkò sě?»

³⁹ Yé yah ní gbǎnne ànê ní gbyêhne: Nmo ye gbɪ yǒ! Yé tũ yah ní tyí, yé kɪ wil gběnsê ànê gbèl wɛ ní tyí. Sé kénkò se mɛ némíríkí tyí?»

⁴⁰ A mɛ képah yónó sòkò, té ò gbǎn ànê ò gbyêhne pè wěkɪ.

⁴¹ Nte, nìvìnì ànê gběndùnì tǎ tyí, pǎh tǎ sě kwlò ké yǒ sě, à mɛ pè piki yah nɛ, yǒ yǒ kwâh se mɛ pé tyí ásò nɪ?

⁴² Pè mɛ yěnkò fyénó yen yóle à kò.

⁴³ A mɛ kè syi, té kè kò pé yí yah.

⁴⁴ Képah náh, à yo pé tyí: «Képah ye lésò mé yo yé tyí, máh lésò mɛ ànê yéle gbí nêne nɛ níkě, tyi nónó pól-á wǎrkɪ sah ní mɔ tyí sòkò Moyisi tyi sàhnò sébéy sòkò, ànê Liyel tǎntò syínyopu sébéynò sòkò, ànê yìgbìnì sébéy sòkò, sé pól-á kɪ pɪ tũ.»

⁴⁵ Képah sɔkɔ, à pé lékám yuku mo Liyel wey sébéynó sɔkɔ tyi dukù pĩ yĩnne,

⁴⁶ té yo pé tyí: «Kè pi, sǎ-á sǎ kéle wárkínsàhnóle ne nkě, Krista-á kɪ yèvyāhrɪ pi ku, té kɪ ò syɪ yuku ò kúnó sèpìn tǔ-ò sǒle.

⁴⁷ Nmɔ yĩn yǒ, Liyel wey-á kɪ yo kǒ, à tyah Yerusalemɪ fǒó, à kyɪ syɪ kèkǒyó kwlo kwlo pól tyí ne nkě, névyɛ Liyel wěkì tǔ, pè mó tyípèl yǒnmɔnɔ wɛ.

⁴⁸ Yépi ye pi kéne tyi tàrfyònlóle.

⁴⁹ Té nmo sú-á ò vyāh kǒ ne, páh kɪ nēne yé kǒ, mé kɪ à tekɪ mɔ yé kǒ. Nte, yépi tǔ wɔ tǔ kwil mè sɔkɔ fǒó, yé pɔ tǎhkì wɛ nê-á kɪ wil yĩnyǒ.»

Yesu yǒndɔkɔnɔle yĩnyǒ

⁵⁰ Képah náh, sǒ yóle, Yesu pè tǔ, à yuku péle Betanɪ kwil tĩnne. Páh yĩni tǔ nénpó, à ò gbàn yǒ yĩnyǒ, à sām mɔ pé sɔkɔ.

⁵¹ Té, wǎh me sāmne n mɔ pé sɔkɔ gbí nēne, à gbɛ wil pé sɔkɔ, à yǒ dɔkɔ sɔkɔ yĩnyǒ.

⁵² Tò sáhpú tǔ wɔle, pépi-á à gbilki tɛ, pè pé syɪ sɔkɔ Yerusalemɪ, nìvìnì ògběne pé sɔkɔ.

⁵³ Té gbíme gbí, pè náh sǒ me n yah n kwlo Liyel wòkò ògbě kéntáhkì sɔkɔ, n ne n me Liyel yĩnne n gbilki.

Toussian, Southern
The New Testament in the Southern Toussian
language of Burkina Faso: toussian du sud: wĩn
nìvìnì tirlɛ New Testament
Nouveau Testament en toussian

copyright © 2013 Wycliffe Bible Translators, Inc. in cooperation with
ANTBA

Language: Southern Toussian (Toussian, Southern)

Contributor: Wycliffe Bible Translators, Inc.

All rights reserved.

2025-07-09

PDF generated using Haiola and XeLaTeX on 11 Mar 2026 from source
files dated 9 Jul 2025

aaf2875e-90b5-5c14-b910-61579d3da2c7